

Բ. ԵՉՄԱԼԵԱՆ

Գ. ՄԻՔԱՅԷԼԵԱՆ

3700

# ԿԱՅՄԵՐ



Առաջին Գրք. Ի-տ

491.99-8
Խ-49

ԿԻՆ 70 ԿՈՊ.

Երկուրդ արարողություն

Գ. ՏԱՐԻ

ԱՆՆՊԱՐԱՆԻ ԲԱՊՈՒ

Շայարան Ե. Գ. Սահյանցի

1913.

*Handwritten signature or note at the bottom of the page.*

2010

491.99 - 8

Խ-49

Թ. ԽԶՄ Ա. Լ. Ե. Ա. Ն.

Գ. Մ Ի Գ Ա Յ Է Լ Ե Ա Ն

428

112-ԽԶ



824  
845-

# Կ Ա Յ Ժ Ե Ր



8689  
Գ. Ի Ն Ը 7 0 4 1 1 1 1

*Չորրորդ տարայ դասագիրք հայ եկեղեցական-ճիական դպրոցների չորրորդ բաժնի  
և*

*Պետական դպրոցների համապատասխան դասարանների համար:*

*Երկրորդ բարեփոխած հրատարակութիւն:*

*Մեր ինքնուրոյն գիտելիքի, ինչպէս եւ փոխադրած յօդածների արտասպառեան իրաւունքը վերապանւած է:*

2002



10850

ԱԼԷԻՍԱՆԻՐԱՊՈՒ  
Արագատիպ-տպարան Յ. Գ. Սանոյեանցի.  
1913

824  
201-90

Գ Յ Ե Յ Ս



## ԱՌԱՋԻՆ ԲԱԺԻՆ

### ԴՊՐՈՑԱԿԱՆ ԵՒ ԸՆՏԱՆԵԿԱՆ ԿԵԱՆՔ

(ՉՐՈՅՑՆԵՐ, ԱՒՈՆԳՐՈՒԹՅՈՒՆՆԵՐ, ԱՌՋԱԳԵՂՆԵՐ)

#### 1. ԱՌԱՋԻՆ ԴԱՍ

Դպրոցի առաջին օրն է: Երազի պէս անցան գիւղում արձակուրդի երեք ամիսները: Մայրս այս առաւօտ տարբաւիան դպրոցը տարաւ ինձ՝ երրորդ դասարանը մտցնելու համար. մտքերս դեռ ամառանոցի հետ էին և ես աղամայ էի գնում մօրս յետևից: Երեխաներն աղմկում ու վազվզում էին փողոցներում: Ծնողները լցել էին երկու զբաղաւոր խանութները և պայտեակներ, թղթակախեր, տետրակներ էին գնում: Դպրոցի դռանը այնքան բազմութիւն էր հաւաքւած, որ սպասաւորները հազիւ էին մուտքը պահպանում: Իսկ մօտ մի

82479-աւ  
363-90

մարդ ուսիս դիպչելով կանգնեցրեց ինձ. դա երկրորդ դասարանի միշտ գւարթ, շիկագոյն ու գանգրաներ վարժապետս էր:

—Ուրեմն, Հէնրիկօ, մենք բոլորովին բաժանուում ենք իրարուց:

Ես այդ լաւ գիտէի, բայց և այնպէս տխրեցի: Հագիւ հագ ներս մտանք: Տիկիներ, բանւորներ, մեծաւորներ, աղախիներ՝ ամենքն էլ մի մի տղայ ու խնդրագիր բռնած, լցւել էին նախասենեակն ու սանդուխները. մտնողը կըկարծէր, թէ թաւարոն է եկել:

Առաջին դասարանի վարժուհիս իր դասատան դռնից ողջունեց ինձ և սասց. — Հէնրիկօ, այս տարի դու վերին յարկը կ'երթաս. էլ չեմ տեսնիլ այս տեղով անցկենալդ: — Այս ասելով՝ նա տխրութեամբ ինձ նայեց:

Վշտագին կանայք շրջապատել էին տեսչին, որովհետև իրանց որդոց համար արձակ տեղ չէր մնացել:

Աշակերտներից ոմանք մեծացել էին, միւսները գերացել: Առաջին բաժանմունքի աղէքը չէին ուզում դասարան մտնել, փոքրիկ իշուկների պէս կամակորում էին. ստիպւած էին բռնի ներս տանել նրանց: Մի քանիսը նստարանների վրայից փախչում էին, միւսները՝ տեսնելով ծնողների հեռանալը, լաց էին լինում: Ծնողներն էլ ստիպւած էին վերադառնալ, մխիթարել նրանց կամ տուն տանել: Ժամը տասին արդէն ամենքս հաւաքւած էինք — յիսուն և չորս տղայ, որոնցից միայն տասն և հինգը իմ նախկին ընկերներս էին:

Դպրոցը շատ փոքր ու տխուր երևաց ինձ. յիշեցի անտանը, լեռները, ամառը: Յիշեցի և երկրորդ դասարանի բարեսիրտ վարժապետիս, որ միշտ հետներս ծիծաղում էր: Նա փոքրահասակ էր և կարծես մեր ընկերը լինէր: Ցաւում էի, որ այլ ևս տեսնելու չեմ դասարանում նրա քրքրւած շէգ մտկերը: Մեր նոր վարժապետը բարձրահասակ է, անմօրուս, երկար ու գորշ մազերով, ճակատի վրայ մի ուղղաձև խորշ ունի, ձայնը գօրեղ է

Ահա և առաջին օրը: Դեռ ի՞նչ ամիս կայ: Քանի ամառ կան քննութիւններ, որքան աշխատանք: Փափագում էի շու-

տով մօրս տեսնել: Նա սպասում էր ինձ մուտքի մօտ, ես վագեցի նրա ձեռքը համբուրելու:

Ուրախ գւարթ տուն գնացի: Սակայն չըկայ այլ ևս իմ առաջին վարժապետը, չըկայ նրա բարի ու քաղցր ժպիտը, և դպրոցն առաջւայ պէս գեղեցիկ չէ թւում ինձ:

## 2. Ա Ն Գ Ր Ա Գ Է Տ

Երբէք մէկին չեմ նախանձում

Ես աշխարհիս երեսին,

Միայն, գրագէտ դուք պաշտոններ,

նախանձում եմ ձեր բաղդին:

Ախ, գթացէք գեղջուկ որբիս,

Մի լաւութիւն միայն արէք —

Տւէք մի թերթ ինձ ձերմակ թուղթ,

Մի փետուրէ գրիչ աւէք,

Եւ ինձ գրել սովորեցրէք,

Սովորեցրէք լաւ, շուտով,

Որ գրիչս կայծակից էլ

Արագ թռչէ գրելով.

Որ պատմելով թղթի վրայ

Ես ձեզ ցոյց տամ ամեն բան —

Մեր աշխատանք, մեր չարչարանք

Ու մեր խաչը վկայութեան...

Կը յայտնէի, ինչ ցնորքներ,

Ի՞նչ մտքեր կան իմ գլխում,

Մի ողջ աշխարհ ցոյց կը տայի

Ես աննման պատկերում...

Բայց այժմ անհետ չքանում են

Բոլոր իմ քաղցր երազներ.


Ես անգրագէտ, ես անուս եմ...

Սովորեցրէք պարոններ:

Կըգրէի, ի՞նչպէս ամառն:

Արշալոյսն էր փայլելում

Եւ քարերին զարնւելով  
 Կայտան ջուրն է խոխոջում.  
 Ինչպէս արտում ցորենի հետ  
 Զրոյց է անում մեղմ քամին,  
 Եւ աղօթքի հրաւիրում  
 Փոքրիկ զանգը մեր ժամին.  
 Ես աղօթել կամենում եմ,  
 Բայց չըզիտեմ աղօթքներ—  
 Ես անգրագէտ, ես անուս եմ...  
 Սովորեցրէք, պարոններ:  
 Շատ լաւ բան է զիր իմանալ:  
 Գրագէտ է վաշխառուն,  
 Գրագէտ են պատարանի  
 Ծառայողներն անկշտում.  
 Եռանդով էլ նրանք գրում են,  
 Նրանցն է դրախտն աշխարհի,  
 Իսկ այդ գրեին ինչ փոյթ՝ որ խեղճ  
 Մարդու հոգին պիտ հանի...  
 Շուտով, շուտով գրիչ տւէք,  
 Սովորեցրէք գործ ածել,  
 Կամիմ զրել ազգիս համար,  
 Նրա համար աշխատել.  
 Եւ ես նրան կըպաշտպանեմ  
 Զարագործից, յիմարից,  
 Կարտագրեմ աւետարանն  
 Ես բոլորը սկզբից...  
 Այ դու, սագ իմ ճերմակ թևիկ,  
 Քեզ տւել եմ կերակուր,  
 Քեզ սիրել եմ—փոխարէնը  
 Թևիցդ ինձ մի գրիչ տուր.  
 Սիրուն դու սագ, տուր, խնդրում եմ.  
 Ինձ թռչելու գոյգ թևեր,  
 Ուր ամենքը գրագէտ են...  
 Սովորեցրէք, պարոններ:



Պատմե՛ք այս պատկերը բանասերներին եւ նոյն գրի առե՛ք:

### 3. ՄԵՐ ՆՈՐ ՈՒՍՈՒՑԻՉԸ

Մեր նոր ուսուցիչը առաջին դասից յետոյ ինձ ևս դուր եկաւ: Երբ մենք դասարան մտանք, նա արդէն գրաւել էր իր տեղը: Մեր դասարանի մօտով անցնելիս նրա անցեալ տարւայ աշակերտները մօտենում էին դռանը և սիրալիր բարևում. երևում էր, որ նրանք սիրում էին իրանց ուսուցչին: Իսկ ուսուցիչը սիրով և քաղցրութեամբ ընդունում էր նրանց բարևը:

Մեր անցած ու սովորածից մի քանի բան հարցնելուց յետոյ, ապա նա գրքից մի կտոր սկսեց թելադրել, իսկ ինքը ման գալով աշակերտներին մէջ նայում էր տետրակները: Նկատելով, որ աշակերտներից մէկի երեսը կարմրել է, կարծես դուրս տւած լինի, նա մօտեցաւ նրան, բռնեց կզակը և ձեռքը գլխին դրեց, որպէսզի իմանայ, թէ նա տաքութիւն չունի: Այդ ժամանակ մի աշակերտ նրա յետևից սկսեց ծամածռութիւններ անել: Ուսուցիչը յանկարծ յետ դարձաւ: Երեխան աշագ նրստեց տեղը, գլուխը քարշ ձգեց, սպասելով հետևանքին: Ուսուցիչը ձեռքը նրա գլխին դնելով ասաց. «այսուհետև այլևս այդպիսի բաներ չանես»: Եւ ուրիշ ոչինչ:

Այնուհետև նա շարունակեց թելադրել:

Երբ մեր գրաւոր աշխատանքը վերջացաւ, նա լուռութեամբ նայեց մեզ, ապա ցածր, կոշտ, բայց դուրեկան ձայնով ասաց. «Լսեցէք, երեխաներ. մենք պէտք է ողջ տարին միասին անցկացնենք: Ուրեմն ջանանք լաւ անցկացնել նրան: Ես ընտանիք չունիմ: Անցեալ տարի դեռ մայրս կենդանի էր, բայց այժմ արդէն մեռած է: Աշխարհումս այժմ ոչ ոք չունիմ, բացի իմ աշակերտներից: Դուք կըլինէք իմ գաւակները: Ես կըսիրեմ ձեզ, դուք ևս ինձ սիրեցէք: Ինձ հաճելի չէ պատժել ձեզանից որևէ մէկին: Յոյց տւէք որ դուք լաւ երեխաներ էք:

Չանգը տւեց: Մենք հանգիստ դուրս եկանք դասարանից: Ծամածռութիւն անող աշակերտը մօտեցաւ ուսուցչին և դողդոջուն ձայնով ասաց. «պարոն ուսուցիչ, ներեցէք ինձ»:

Ուսուցիչը համբուրեց նրա ձակատը և ասաց. «գնա որդեակս, խաղ արա»:

### 4. ՆԱԲԷԿԻ ՆԺՈՅԳԸ

Արաբ Նարէկը մի այնպիսի հազազիւտ և գեղեցիկ նժոյգ ունէր, որ ամենքը նախանձում էին նրա տիրոջը: Մի արաբ ուրիշ ցեղից, փնտնը Դագեր, կամենում էր ձեռք բերել այդ նժոյգը: Իզուր էր նա առաջարկում Նարէկին նժոյգի փոխարէն անհամար ուղտեր և անթիւ գանձեր: Նարէկը ոչ մի կերպ չէր համաձայնում տալ իր սիրելի նժոյգը:

Այն ժամանակ Դագերը խորամանկութիւն բանեցրեց: Մի օր նա իր երևաւ խոտի հիւթով ներկեց, ցնցոտիներ հագաւ, վիզն ու ոտները փաթաթեց, իբրև մի ցաւազար մուրացկան ու գնաց նստեց մեծ ճանապարհի վրայ, որով պիտի անցնէր Նարէկը: Երբ Նարէկը մօտեցաւ Դագերին, Դագերը ասաց կեղծ, նւաղած ձայնով.

— Ես մի ազքատ օտարական եմ: Երեք օր է, որ այստեղ նստած եմ ու չեմ կարողանում տեղիցս շարժուել, որ գնամ, մի կտոր հաց ճարեմ: Ցաւից մեռնում եմ, օգնիր ինձ, Աստուած քո վարձքը չի մոռանայ: Նարէկը առաջարկեց ծպտեալ աղքատին նստել իր ձիու քամակին և միասին գնալ իրանց տուն: Բայց խաբեբան պատասխանեց.

— Ես չեմ կարող ոտքի կանգնել, ուժ չունիմ:

Գթասիրտ Նարէկը ձիուց վայր թռաւ, մօտեցրեց ձին Դագերին և մեծ դժարութեամբ նստեցրեց նրան: Երբ Դագերը իրան թամբի վրայ դրաց, նա զարկեց նժոյգին առպանդակներով և առաջ սղացաւ, ասելով.

Այս ես եմ, Դագերը. անա վերցնում եմ նժոյգդ և տանում եմ իմ տունը:

Նարէկը յետևից կանչեց, որ գոնէ իր մի խօսքը լսէ:

Դագերը համոզւած էր, որ ոչ ոք իրան չի հասնի, ուստի, շուտ տւեց ձիու գլուխն ու կանգ առաւ, միայն թէ Նարէկից բաւակունին հեռու, որովհետև նրա ձեռքին նիզակ կար:

Եւ Նարէկն ասաց.

— Դու խլեցիր իմ նժոյգս, եթէ այդպէս էր Ալլահի կամքը, բարի վայելիս. բայց միայն մի բանի մասին եմ ես քեզ աղաչում,—խոստացիր ոչ ոքի չասել, թէ ինչ հնարքով տիրացար ձիուս:

— Ինչո՞ւ,—հարցրեց Դագերը:

— Նրա համար,—շարունակեց Նարէկը—որ մի ուրիշ մարդ կարիքի ժամանակ կարող է օգնութիւն ինդրել, և կըկարծեն՝ չըլինի թէ խաբում է: Ես կըլինիմ այն ժամանակ պատճառ, որ մարդիկ այլևս միմեանց ոչ մի բարեբարութիւն չեն անի, որովհետև ամենքն էլ կը վախենան ինձ պէս խաբելուց:

Դագերը այս խօսքերից ապշած՝ մտածմունքի մէջ ընկաւ, յետոյ նա իջաւ ձիուց և ասաց.

— Ես մոլորւեցի, որովհետև նախանձը կուրացրել էր ինձ. դու ինձ ճշմարտութեան ճանապարհը ցոյց տւիր: Ներքը ինձ:

Եւ նա գրկեց Նարէկին ու վերադարձրեց նրան նժոյգը:

Սրանից յետոյ Դագերը ճանապարհ ձգեց Նարէկին մինչև նրա վրանը և մնաց նրա մօտ երեք օր ու եղբայրացաւ նրա հետ:

Սիրայք Նարէկը մի այնպիսի հալւագիւտ և գիշերօթիկ  
նժոյգ ունէր, որ ամբողջ Նախանձու մէրև նրա փրկողը:  
մի արայք ուրիշ, ցիւրից, անուկը Դագերը կամփնու մ  
էր շիւժ քիթէ այդ նժոյգը: Իչուր էր նա առա-  
ջարկու մ Նարէկին նժոյգի փոխարէն անեամայր ուղ-  
տիք և անտիւ գանձիք: Նարէկը ոչ մի կերպով չէր  
համարձայնու մ քայ իւր միտքի նժոյգը:

### 5. ԿՈՅՐ ՄԱՆՈՒԿՆԵՐ

Կոյր: Ոչ երկիրքը անանել, ոչ տրւը, ոչ հօրը, ոչ մօրը,  
և ոչ մի բան ամբողջ աշխարհում: Յաւիտենական խաւար,  
ինչպէս գերեզմանում: Հապա փորձեցէք աչքերդ փակել և երե-  
ւակայել, որ յաւիտեան այդպէս պիտի մնաք: Սոսկալի, զար-  
հուրելի բան. ձեզ այնպէս կըթւայ, թէ զբան անկարելի է  
համբերել, թէ խելքներդ կըթոցնէք կամ կըմեռնէք... Եւ սա-  
կայն... Թշուտ մանուկներ. երբ առաջին անգամ մտնում էք

կոյրերի դպրոցը դասամիջոցին, լսում էք նրանց շութակ ածե-  
լը, սրինգ նւագելը, բարձր-բարձր խօսելը, ծիծաղելը, ազատ-  
ազատ մանգալը, — մտքերովդ անգամ չի անցնի, թէ նրանք  
թշուտներ են: Այնտեղ կան տասն և վեց, տասն և ութ տա-  
րեկան երիտասարդներ ուրախ, զօրեղ, կարծես թէ բոլորովին  
հաշուած են իրանց կուրութեան հետ: Սակայն նրանց դէմքե-  
րի արտայայտութիւնը լուրջ է, հպարտ, — իսկոյն տեսնում էք,  
որ շատ չարչարանք, շատ վիշտ պիտի կրած լինեն, մինչև որ  
ընդմիշտ հաշուել են իրանց դառն դժբաղդութեան հետ: Պա-  
տահում են և ուրիշ դէմքեր՝ գոհնատ, խոնարհ, հեղ, տխրա-  
մած...

Ոմանք գրկել են աչքի լոյսից մի քանի օրում, ուրիշնե-  
րը տանջւել են ամբողջ տարիներ, շատերն էլ կուրացել են  
սարսափելի վիրահատութեան պատճառով... վերջապէս կան և  
այնպիսիները, որոնք կոյր են ծնւել... ծնւել են անլոյս գի-  
շերւայ մէջ, մտել են աշխարհ, իբրև մի գերեզման, և չըզի-  
տեն — ինչ ասել է մարդու պատկեր: Երևակայեցէք, թէ որ-  
քան հոգեկան ցաւ են քաշել նրանք և զեռ քաշում են, զգա-  
լով առողջների և իրանց մէջ եղած տարբերութիւնը: Մեր ո՞ր  
մեղքերի համար է այս տարբերութիւնը, հարցնում են նրանք:

Կոյրերը սովորում են գրել-կարգալ և հաշւել: Յատուկ  
նրանց համար ապւած գրքեր կան, ուսուցիկ տառերով: Կոյ-  
րերն այդ տառերի վրայ ման ածելով մատները, որոշում և  
արտասանում են բառերը: Խեղճերը սահուն են կարգում, բայց  
և շատ կարմրում են մի սխալ կարգալիս: Գրում են առանց  
թանաքի՝ հաստ ու կոպիտ թղթի վրայ մի բարակ երկաթէ  
ձողով, որ հեաքեր է թողնում թղթի վրայ: Թղթի հակառակ  
կողմը դուրս են գալիս ուսուցիկ տառեր, և կոյրը, մատները  
նրանց վրայ ման ածելով՝ կարող է կարգալ իր կամ ուրիշ-  
ների գրածը: Այսպէս նրանք գրում են շարադրութիւններ,  
նամակներ և թւաբանական ինդիրներ: Մտաւոր հաշիւները  
կատարում են վերին աստիճանի արագ ու թեթև՝ առանց ցր-  
ւելու իրանց միտքը որևէ ուրիշ բանի վրայ:

Կոյրերը չափազանց սիրում են լսել ուրիշների ընթեր-



ցումը: Արժէ ականջ դնել նրանց դատողութիւններին մի կարգացած նիւթի մասին: Նրանք ճանաչում են ուսուցչին քայլաձգից, ձայնի հնչիւնից. նկատում են նրա ոգու տրամադրութիւնը: Նրանք սիրում են, որ վարժապետը իրենց քաջալերելիս շոյէ, շօշափէ ձեռքերը. իրանք էլ շնորհակալութիւն յայտնելիս բռնում են վարժապետի ձեռքը: Պատահած չէ, որ կոյրերը սիրեն մէկին ու յետոյ ասեն. բարեկամութիւնը նրանց սփոփանքն է: Նրանք վերին աստիճանի արդարամիտ են և պարզ ու ճիշտ որոշում են չարն ու բարին: Ոչ ոք այնքան չէ ոգեւորւում որեւէ վսեմ գործի պատմութիւնով, որքան կոյրերը:

Կոյրերն երաժշտութեան ջերմ սիրահար են: Երաժշտութիւնը նրանց բերկրանքն է, կեանքն է: Մինչև անգամ երեխաները պատրաստ են մի քանի ժամ անշարժ կանգնել երաժշտութիւն լսելու համար: Ածելը հեշտ են սովորում և ածում են աշխուժով: Եթէ վարժապետը միկին ասէ, թէ նա նւագածութեան շնորհք չունի, շատ կըտխրի, բայց և այնպէս կըշարունակէ մեծ եռանդով սովորել:

**6. ՓՈՂՈՑԻ ՏՂՄՆ**

Տեսնում եմ յաճախ, ինչպէս մարդաշատ լայն փողոցներով

Թրև է գալիս փողոցի տղան ամբողջ օրերով,  
Սոված, կիսամերկ, արհամարհելով իր սև վիճակը,  
Չէ խորշում կեղտից, ոչ գողութիւնից մանուկ հասակը:

Ո՛վ գիտէ, գուցէ նրա ծնողներն ընկած են բանտում,  
Կամ գործարանում քրտինք թափելով հաց են աշխատում.  
Միակ պարապը ինքն է որ կայ, ապրում է ազատ  
Փողոցի տղան, որպէս ամբոխի որդին հարազատ:

Քարեր է նետում անցողարձ անող անասուններին,  
Նրանց տանջանքով հրճւում է սրտանց մանուկ վայրենին.

Ու մի վայրկեանում սոսկաց իմ հոգին, երբ միտս բերի  
Սրտ պէս անխնամ մանկանց վիճակը անթիւ որբերի:

Ես խղճում էի փողոցը նետած անխնամ մանկանց,  
Արդեօք, իմանամ, թշւառ մանուկներ, փողոցում ծնւած,  
Ի՞նչ է սպասում ձեզ ապագայում, որպիսի՞ վիճակ,  
Աշխատող մեղձ, թէ՞ բոռ կըմնար, երբ առնէք հասակ:

Չարատանջ, հիւժող բուժարաններն են գուցէ ձեզ  
կանչում,  
Կամ տաժանակիր սև աշխատանքը հեռւից սպասում...  
Ա՛խ, ինչպէս ցաւում, ինչպէս տանջւում է հոգիս ձեզ  
համար,  
Ա՛յ անտուն, անտէր մանուկ թռչնիկներ, փոքրիկներ  
կայտառ:

Ես արտասւում եմ, մաշւում եմ անվերջ ձեր դառն  
վիճակով,  
Մօր պէս փայփայել, տաքացնել ուզում եմ ձեզ իմ ջերմ  
կրծքով.  
Ա՛խ, ես էլ ձեզ պէս մանուկ հասակում տարել եմ զըրկանք,  
Լսել անէծքը անգութ վիճակի, կրել բիւր տանջանք...

**7. ԱՆՁՆԱԶՈՂ ԸՆԿԵՐ**

Քաղաքի մի հսկայական շինութեան բարձրունքների վրայ կանգնած էին երկու քարտաշ. նրանցից մէկը ծեր էր, իսկ միւսը երիտասարդ: Ներքևը, նրանց ոտքերի տակ, աղմկում էր մեծ քաղաքը, իսկ նրանց շուրջը փչում, վայում էր սառն քամին:

Քարտաշները սիրով աշխատում էին, ուշադրութիւն չըղարձակելով ցրտին ու մոնչոյ քամուն: Քամին հետզհետէ սաստկանում էր: Վերելակները երբեքում էին: Յանկարծ քամու մի ուժգին հոսանք միմեանցից բաժանեց վերելակների կապերը, և նրանք դղըրդալով ցած թափւեցան: Անգլտա մնաց միայն մի տախտակ գերանակալի հետ: Քար-

տաշները մի հնարքով կարողացան բռնել այդ տախտակից և այդպէս կախուած մնացին բարձրում օդի մէջ։

Քամին մոնչում էր աւելի ուժգին, տախտակը ճարձատում և կորանում էր մարդկանց ծանրութիւնից։ Այն ժամանակ երիտասարդ քարտաշն ասաց ծերին.

Երևի մեր վերջը հասել է։ Մինչև մարդկանց օգնութեան հասնիլը մենք չենք կարող կախուած մնալ այս տախտակից. գուցէ մեզանից մէկը կարողանայ, բայց երկսով անկարելի է այդ, որովհետև տախտակը շուտով կըկտորւի։

—Տէր Աստուած,—հռուակեց ծերը,—Ի՞նչ կըլինի իմ երեխաների վիճակը, եթէ ես մեռնեմ։

—Երեխաներ շատ ունիս։

—Հինգ հաս։

—Իսկ ես մեռակ եմ և ոչինչ ու ոչ ոքի չեմ կորցնիլ, եթէ մեռնեմ։ Հարց էլ չի կարող լինել, թէ մեզանից որը պէտք է մեռնի։ Մնաս բարև, ընկեր։

Եւ երիտասարդ քարտաշն զգուշութեամբ բաց թողեց տախտակն ու թռաւ դէպի ցած։ Նրա մարմինն ուժգին թափով դիպաւ սալալատակին ու ջարդ ու փշուր եղաւ։

Իսկ ծերունին, ընտանիքի հայրը, ողջ և անփնաս մնաց և իր ամբողջ կեանքում երախտագիտութեան արցունքներն աչքերին՝ յիշում էր իր անձնազոհ ընկերոջը։

## 8. ԻՆՉՈ՞Վ Է ԵՐՉԱՆԻԿ ԼԻՆՈՒՄ ՄԱՐԴ

(Հնդկական զրոյց)

I

Հարաւային Հնդկաստանում ապրում էր մի մեծատուն։ Նա այնքան հարուստ էր, որ նրա միայն պալատը արժէր հարիւր հազար ոսկի։ Այդ պալատն ամբողջապէս շինուած էր սև մարմարիոնից, նրա ներքնատան նկուղների մէջ ամբարշտած գանձերի արժէքը մարդկային երևակայութիւնից բարձր էր։

Մէկ անգամ այդ մեծատունը կանչեց իր երեք որդիներին և ասաց.

—Չաւակներս... Աշխարհումս ինձանից էլ հարուստ չըկայ, և որպէսզի հարստութիւնս մաս-մաս չըլինի, որոշել եմ ձեզ-

նից մէկին ինձ ժառանգ նշանակել։ Ահա ձեզ երեք փղոսկրեայ արկղներ։ Նրանց ամեն մէկում տասը հազարահաւս ոսկի կայ։ Վեր առէք այդ ոսկիները և երեք տարով հեռացէք, որտեղ կամենաք։ Ես որոշել եմ ժառանգութիւնս թողնել նրան, ով կարողանայ իր կեանքը ամենից շատ երջանիկ անցկացնել։

Երեք տարին անցաւ, ինչպէս մի օր։

Հասաւ ժամը, երբ նրանք պէտք է վերադառնային։ Ծերունի հայրը խնճոյք սարքեց և բազմաթիւ հիւրեր հրաւիրեց։ Կոշուկք դեռ նոր էր սկսուած, երբ դուռն բեհեղեայ վարագոյրները բացւեցին և ծանրագին հագուստներով մի վաճառական ներս մտաւ։ Նա գլուխ տւեց տան տիրոջը և ասաց.

—Ես Լախմանն եմ, քո աւագ որդին։ Երեք տարի առաջ ես դուրս եկայ այս տանից, որ ինքս իմ կեանքս երջանկացնեմ։ Տեսայ, որ բոլոր մարդիկ զւարճութեան յետեից են ընկնում, հաւեացայ որ այս աշխարհի մէջ երջանկութիւն ձեռք ձգելու միջոցը՝ ոսկին է։ Սրա համար ես գնեցի անուշահոտ իւղեր ու համեմներ, ձեռք բերի ուղտեր, բարձեցի նրանց փղոսկրով ու մետաքսեղէնով, և գնացի հեռուոր երկիրներ առուստուր անելու։ Ես բերանս պատառ չէի դնում, աչքիս քուն չէր գալիս, անգաղար աշխատում էի։ Այժմ ես ձեռք եմ բերել մեծ հարստութիւն, որով կարող եմ ամեն բան ունենալ։

Հիւրերը պատկառանքով նայեցին Լախմանին։

—Եւ դու երջանիկ ես, հարցրեց հայրը։

—Երբ ես Քաֆրիստանի լեռներումն էի,—պատասխանեց Լախմանը,—մէկ անգամ, վրանիս տակ պառկած ժամանակ լսեցի իմ ուղտապանի երգելը։ Նրա երգը լիքն էր ազատութեան ու երջանկութեան արտայայտութիւնով և շատ յուզեց սիրտս։ Ես այդ ժամանակ առաջին անգամ զգացի, որ «կարելի է երջանիկ լինել և ուղտապանի քուրձերի մէջ»։

—Լաւ, բայց դու, դու ինքդ երջանիկ ես,—նորից հարցրեց հայրը Լախմանին։

Լախմանը չըպատասխանեց. նա դրակուն պատասխան սուղ չէր կարող հօրը։

Այդ միջոցին դռան առջև աղմուկ բարձրացաւ: Ծառաներն էին, որոնք չէին թողնում մի աղքատի ներս մտնել, բայց նա դէս ու դէն հրելով ծառաներին, սրարշաւ ներս ընկաւ հիւրասենեակը:

— Ես Դոսրասն եմ, գտաց նա տան տիրոջ վրայ: Ես քո միջնակ որդին եմ:

— Ամենքն էլ ան քաշեցին:

— Թող իմ աղքատութիւնս և ցնցոտիներս ձեզ չըզարմացնեն... Ես Դոսրասն եմ, ասում եմ ձեզ:

Հայրը ճանաչեց որդուն, նա ուղիղ որ Դոսրասն էր, իր միջնակ որդին:

— Փողերս տւի աղքատներին, — ասաց Դոսրատը, — ես ապրում էի քաղաքներում, մարդկանց մէջ, և տեսնում էի, թէ ինչպէս չարութիւնն ու թշուառութիւնը թագաւորում են ամեն տեղ: Ձեր զօրքերը կոտորում են ժողովրդին: Դուք հարստահարում էք անմեղներին: Շռայլութիւնը, քաղցը և հիւանդութիւնները կործանում են ձեզ: Դուք, ողորմելի որդեր, մոռացել էք առաքինութիւնը և Բրահմային: Ես չէի կարող ապրել ձեր մէջ, որտեղ ամեն բան ունայնութիւն է, որտեղ չըկայ արդարութիւն, ես առանձնացայ անապատում: Եւ այնտեղ՝ առանձնութեան մէջ՝ հոգով վերանում էի դէպի Նիրւանան, դէպի յաւիտենական խաղաղութիւնը: Հաւատս բողբոջ արձակեց սրտիս մէջ՝ ինչպէս լոտոսի ծաղիկը. ես դարձայ ճգնաւոր և պաշտելի դարձայ նոյն իսկ Բրահմիներին:

— Բայց երջանիկ ես գու, որդեակ իմ, — հարցրեց ծերունին:

Դոսրատը նայեց հօրը, ձեռքը դրաւ ճակատին և մտածութեան մէջ ընկաւ:

— Յիշում եմ՝ մի գիշեր, — շշնջաց նա մեղմիկ, — ամպերը որոտում էին անապատի վրայ, կայծակը ձեղքում էր երկինքը: Բարձր արմաւենիները կոացնում էին ճղները մինչև գետին: Նոյն իսկ քարերը՝ կարծես՝ մրրկի նման բարձրանում էին: Եւ ես մրրկի բերանն ընկած սկսեցի ապաստարան որո-

նել: Յանկարծ հեռում մի լոյս փայլեց. այդ մի պարբայի հիւղ էր: Մտեցայ և տեսայ, թէ ինչպէս էր վառում կրակը օջախի մէջ: Պարիսն նստած էր խարոյկի մօտ և երեխաները կշտին: Նրանք ընթրիք էին անում: Նրա կինը օրօրում էր երեխային: Փոքր խարոյկի ճայթող աաշեղները երևում է՝ լաւ տաքացնում էին նրանց և այդ կրակի մէջ մի ինչ որ խաղաղ, գրաւիչ և ուրախ բան կար, ինձ համար անծանօթ: Ես չուզեցի մտնել պիղծ պարբայի հիւղը և հեռացայ, բայց այդ ժամանակից անդադար հալածում է ինձ այն միաքը, թէ ես ևս կարող էի նոյնպէս նստել, շրջապատւած ընտանիքով, ճաշակելով նրա քաղցրութիւնը, մինչ ես միայնակ եմ, և ոչ ոքի պէտքական չեմ... Չունիմ ոչ ոք սիրելու և ոչ ոք, որ սիրէր ինձ:

6898  
7007  
96-90



Եւ արտասուքով կոտորեցի իմ սրտի աչքերը: Հազիւ նա մի կողմը քաշեց, նրա տեղը բռնեց երիտասարդների մի խումբ, որ նոր էր եկել կոշուներին: Նրանք ամենքն էլ ուրախ ու զւարթ էին: Նրանց մէջ մի բարձրահասակ և սպիտակազգեստ մարդ կար: Նա աչք ածեց հիւրերին և գլուխ տւաւ:

— Ռամախ, — զաւակս, բացականչեց տան տէրը, — ճանաչելով նրան:

— Ես եմ, հայրիկ, — պատասխանեց նա հանդարտ: Ինչպէս խաղաղ աստղերի աղօտ լոյսը ցօղի կաթիլների մէջ, ինչպէս սոխակի երգի արձագանքը անտառի մէջ, ինչպէս կապուտակ երկնքի ցոլացումը սուրբի աչքերի մէջ, — այսպէս և իմ օրհնութիւնը թող անդրադառնայ ձեր սրտերի մէջ... Թէ ով եմ ես, հարցրէք ինձ շրջապատողներին. դրանք իմ բարեկամներս են, իմ աշակերտներս: Ես սիրեցի մարդկանց և ձգտեցի դէպի ճշմարտութիւնը: Այժմ պալատում և խրճիթում ինձ հանդիպում են ուրախութեան ժպիտով: Ամբողջ Հնդկաստանը երգում է իմ երգերը և աշակերտներս համախմբւում են ինձ մօտ: Ուրախ

եմ, որ կարող եմ հաղորդել մարդկանց մի վայրկեան ուրախութիւն:

— Դու երջանիկ ես, Ռամախ, — միաձայն հարցրին նրան եղբայրները:

— Չըզիտեմ, պատասխանեց նա, — բայց կարծեմ, ես աւելի քիչ դժբաղդ եմ, քան միւսները:

Հայրը գրկեց կրտսեր որդուն, իսկ Լախմանը և Դոսրատը գլուխները քաշ գցեցին:

## 9. Մ Ե Մ Ը

Գնա՛, իմ որդեակ, աշխարհքս անցիր,  
Պանծալի անուն Մեծի դու ստացիր:

Ու գնաց որդին, շատ քրտինք թափեց,  
Մեծ հարստութիւն, մեծ գանձ ժողովեց,  
Ու դարձաւ հորը. ասաց պարծանքով:

— Հայր իմ, այժմ Մեծ չեմ քո կարծիքով:

— Չէ, չէ. թէև դու բօրսայի ես զարդ,  
Բայց քեզ չեմ ասիլ տակաւին մեծ մարդ:

Նա գնաց, մտաւ իմաստնոց տաճար,  
Եղաւ խորիմաստ, գիտուն ու հանճար,  
Ու դարձաւ հորը, ասաց պարծանքով:

— Հայր իմ, այժմ Մեծ չեմ քո կարծիքով:

— Չէ, չէ թէև դու գիտութեանց ես զարդ,  
Բայց քեզ տակաւին չեմ ասիլ մեծ մարդ:

Պահով, աղօթքով մտաւ անապատ,  
Քուրձ հաղաւ մարմնուն,

հրաշքներ գործեց շատ,

Ու դարձաւ հորը, ասաց պարծանքով:

— Հայր իմ, այժմ Մեծ չեմ քո կարծիքով:  
Եղեմայ զրախտին էլ լինես դու զարդ,

Ես քեզ տակաւին չեմ ասիլ մեծ մարդ:

Ու գնաց որդին, դարձաւ զօրավար,  
Խելքով, քաջութեամբ տիրեց շատ աշխարհ,  
Ու դարձաւ հորը, ասաց պարծանքով:

— Հայր իմ, այժմ Մեծ չեմ քո կարծիքով:

— Չէ, չէ, թէև դու գոռ դաշտին ես զարդ,  
Բայց քեզ տակաւին չեմ ասիլ մեծ մարդ:

Ու գնաց որդին մի երկիր օտար,  
Հրէշք ու ցաւերէ մաքրեց այն աշխարհ,  
Ու դարձաւ հորը, ասաց պարծանքով:

— Հայր իմ, այժմ Մեծ չեմ քո կարծիքով:

— Օտար աշխարհի թէև եղար զարդ,  
Բայց քեզ տակաւին չեմ ասիլ մեծ մարդ:

Ու գնաց որդին գլխակոր, արտում,  
Հոգին վրդոված, ցաւ ու դարտ սրտում,  
Մաշուում էր խեղճը, գօռ տալով խելքին —  
Հէր չարժանացաւ հօր գովասանքին...

Նրա եղբայրը գերի է տարած,  
Թշնամու ձեռքով տունը աւերած.

Ճիգ արաւ, գլուխը փտանգի ձգեց,  
Ազատեց եղբօրը ու տունը կանգնեց...

Յանկարծ... սար ու ձոր, ծով դղրդեցան,  
Բիւրք բիւրուց բերնով

գոչեց ազգ մարդկան

«Մեծ մարդու անուն դու այժմ ստացար —  
«Եղբօրդ յիշեցիր ու քեզ մոռացար»:





1) Գարնանը ի՞նչ էր տեսնում ծառի ճիւղերի վրայ:



2, Ի՞նչ են դառնում կոկոնները:



3) Կոկոններից յետագայում ի՞նչ են դուրս գալիս:



4) Ամառը ծաղիկների մէջ ի՞նչ է գոյանում:



5) Ե՞րբ են նասունանում պտուղները:



6. Ի՞նչ է վնում տերևները աշնանը:

Դիտեցէք իրարանչիւր պատկերը. նախ պատմեցէք եւ սպազրեցէք ամբողջի բովանդակութիւնը:

### 10. ԱՂՁԻԿՆ ՈՒ ԼՈՒՑԿԻՆԵՐԸ

1.

Սաստիկ ցուրտ էր: Ձիւնը քուլա քուլա թափւելով ծածկում էր գետինը: Արդէն սկսում էր մթնանալ. այդ գիշեր հին տարին հրաժարական ողջոյն էր տալիս ամբողջ աշխարհին, իսկ վաղը նոր տարի էր — բերկրանքի և ուրախութեան օր: Այդ միջոցին ձիւնապատ փողոցովն անցնում էր գլխաբաց և ոտաբոբիկ մի խեղճ աղջիկ: Իրաւ է, սանից դուրս գալիս նա հագել էր մօր մաշիկները, բայց փողոցի մի ափից միւս ափն անցնելիս՝ նա ընկաւ երկու միմեանց հանդէպ ընթացող կառքերի մէջ տեղը և շտապելուց ու շփոթւելուց՝ մաշիկները կարցրեց: Մաշիկներից մէկը իսկապէս կորաւ, իսկ միւսը թոցրեց մի փոքրիկ շարածճի տղայ, որ նաւակ շինի նրանից և զւարճանայ:

Աղջիկը գնում էր ոտաբոբիկ. նրա փոքրիկ ոտները կարմրատակել էին ցրտից ու փէտացել: Նա իր կրծքի վրայ ամբացրած փոքրիկ արկղիկում դարսած ունէր լուցկիկների մի քանի կապոց, իսկ մի կապոց բռնած էր ձեռքին: Վատ եղանակը շատ էր ֆնասում նրան. փողոցի անցուղարձը համարեա կտրւած էր, չըկային գնողներ, այդ պատճառով նրա գրպանում ևս չըկար ոչ մի կողէկ: Համ մրտում էր, համ քաղցած էր ողորմելին, և հէնց երեսիցն էլ երևում էր, թէ որքան չարաչար տանջում էր նա: Անբախտ արարած: Ձիւնը քուլաներով թափւում էր նրա բաց-խարտեաշ մագերի վրայ, որոնք գեղեցիկ գանգուրներով շրջապատում էին նրա փոքրիկ, չըբնաղ վիզը: Բայց ամենևին ուշք չէր դարձնում իր գանգուրների վրայ. նրանց մասին չէր էլ մտածում: Պատուհանները վառւում են բազմաթիւ ճրագներով, խորտիկների հոտը բռնել է ամբողջ փողոցը, ամենքը պատրաստւում են դիմաւորելու նոր տարուն, ամեն տեղ ետում է կեանք — ահա ինչով էր զբաղւած նրա միաքը:

Վերջապէս մի խուլ անկիւն գտաւ երկու տների մէջ տեղում և, ողնու պէս կուշ գալով, նստեց այնտեղ: Սառնամա-

նիքը փէտացնում էր նրա ամբողջ մարմինը, բայց նա չէր համարձակուում տուն գնալ և ինչպէս վերադառնար երբ մէկ հատիկ լուցկի անգամ չէր ծախած և դրպանումն էլ կոպէկ չունէր: Առաջինը՝ որ հայրը նրան կրթակէր՝ աեմսելով աղջկանը դատարկաձեռն տուն վերադարձած, և երկրորդն էլ — միթէ միևնոյն չէր՝ տուն գնալ, թէ փողոցում մնալ. չէ՞ որ նրանց տանն էլ նոյնքան ցուրտ էր, որքան և դուրսը, բայց երկնքի տակ: Նրանք ապրում էին չարդախում՝ և քամին չորս կողմից ազատ ներս ու դուրս էր անում, չընայելով որ ամենամեծ անցքերն ու ճեղքերը խցւած էին յարգով ու զանազան փալաս-փուլուսներով: Խեղճ աղջկայ ձեռքերը կապտել, լեղակի գոյն էին ստացել: — Ա՛խ, ի՛նչ կըլինէր գէթ լուցկու աղօտ բոցով տաքանամ: Բայց ինչո՞ւ չըհանել մի լուցկի, չըքսել պատին և չըտաքացնել սառած մատներս: Նա հանեց լուցկին և ծկրը՛ւլ՝ քսեց պատին, օ, ինչպէս բոցավառեց: Աղջկը ձեռքով ծածկեց աղօտ բոցը և լուցկին սկսեց այրել, ինչպէս փոքրիկ ճրագ: Եւ խղճուկին թւում էր՝ թէ նա նստած էր երկաթէ մեծ վառարանի առաջ և փէտացած մարմինը տաքացնում էր նրա հրաշալի բոցով: Օ՛, ինչ գեղեցիկ վառում է կրակն այդ հսկայ վառարանում՝ տարածելով շուրջը ախորժելի տաքութիւն: Ողորմելին ձեռքերը մեկնեց, որ տաքացնի, բայց յանկարծ բոցը հանգաւ, վառարանը չքացաւ և ինքը դարձեալ նստած էր փողոցի մութ անկիւնում, այրւած լուցկին ձեռքում:

Նա հանեց երկրորդ լուցկին և քսեց պատին: Լուցկին վառեց, լուսաւորեց պատը և լուսաւորւած տեղը պատի վրայ դարձաւ թափանցիկ, կարծես լուսաւորութիւնը գազային էր: Աղջկը տեսաւ մի շքեղազարդ սենեակ, որի մէջ տեղը դըրւած էր սպիտակ սփռոցով ծածկւած սեղան: Սեղանի վրայ կարգով շարւած էին փայլուն ձենապակեայ ափսէներ. իսկ մէջ տեղը՝ մեծ սկուտեղի վրայ դրւած էր սալորով և խնձորով գեղեցիկ համեմած ու տապակած սագ, որից այնպիսի մի անուշ հոտ էր բուրում, որ ամենակուշտ մարդու ախորժակն անգամ կըշարժէր: Օ՛, երջանկութիւն. յանկարծ սագը վեր

կացաւ սկուտեղի վրայից և գլորեց յատակի վրայ: Նրա մէջքի մէջ ցցւած էին դանակ և պատառաբաղ: Նա գլորելով մօտեցաւ մանուկ աղջկանը: Բայց լուցկին այդ միջոցին հանգաւ, և նրա առաջ կանգնած էր դարձեալ նոյն սառն ու հաստ պատը իր գաժան կերպարանքով:

Բայց անս վառեց երրորդ լուցկին, և աղջկը տեսաւ, որպէս թէ ինքը կանգնած էր մի շքեղազարդ տօնածառի առաջ: Այս տօնածառն անհամեմատ հարուստ ու բարձր էր այն տօնածառից, որ նա անցեալ ծննդեան տօնին տեսել էր ապակեայ դռների միջով մի հարուստ վաճառականի տանը: Տօնածառի կանաչ ճիւղերի վրայ վառւում էին հազարաւոր մոմեր, իսկ սենեակի պատերի վրայ կախկիււած բազմաթիւ գեղազրական պատկերները, որպիսիք նա յաճախ տեսել էր խնութիւնների պատուհաններում դուրս դրած, կարծես ժպտում էին նրան: Նա վեր բարձրացրեց իր փոքրիկ ձեռքերը, բայց, աւաղ, լուցկին հանգաւ. տօնածառի մոմերն սկսեցին պանալ բարձր, և աղջկը տեսաւ, որ այդ աւաղեր էին... Այդ միջոցին մի աստղ վայր ընկաւ և երկնքի երեսին գծագրեց մի երկայն հրային շերտ:

11.

«Մեռնող եղաւ», — մտածեց աղջկին ինքն իրան: Նրա հանգուցեալ տատը, որից միայն վայելում էր նա փաղաքշանք ու գուրգուրանք, յաճախ ասում էր նրան՝ «երբ աստղ է վայր ընկնում, այդ նշանակում է, որ մէկի հոգին արդէն թռաւ դէպի Արարչի օթեանը»:

Նա պատին քսեց դարձեալ մի լուցկի: Շուրջը տարածեց շքեղ լոյս և հրաշալի լոյսի մէջ երևաց նրա պառաւ տատը՝ հեղ և փայլուն ժպիտը երեսին:

«Տատի ջան», — գոչեց աղջկը՝ փէտացած կուները տարածելով առաջ, — տա՛ր ինձ քեզ մօտ: Ես գիտեմ, որ երբ լուցկին կըհանգչի, դու էլ չես լինիլ. դու կըչքանաս, ինչպէս չքացան երկաթէ վառարանը, տապակած սագը և շքեղ տօնածառը»:

Նա շատապով փառեց կապոցում մնացած միւս բոլոր լուցկիները, որովհետև սրտով ցանկանում էր, որ տատիկը չընկուանայ: Լուցկիները մի ակնթարթում բոցավառեցին և չորս կողմը տարածեցին մի այնպիսի գորեղ լոյս, որ կարծես թէ ցերեկ լինէր: Այ մի ժամանակ այնքան գեղեցիկ չէր եղած նրա տատը, որքան այդ բոպէին: Նա վերցրեց թոռնիկին իր ձեռքերի վրայ և երկուսն էլ ուրախ ու զւարթ պայծառ լոյսի շերտը ճեղքելով՝ սլացան բնրձր, բնրձր — այնտեղ, ուր չըկար ոչ ցուրտ, ոչ քաղց, ոչ տանջանք...

Երբ վրայ հասաւ ցուրտ առաւօտը, աղջկանը գտան երկու տների մէջ տեղը, խուլ անկիւնում նստած: Նրա այտերը կարմիր էին. շրթունքները ժպտում էին:

Խեղճ ոգորմելին մեռել էր:

Նա փէտացաւ նոր տարւայ նախընթաց գիշերը: Նոր տարւայ առաջին օրը լուսաւորեց թշւառութեան մի անմեղ և անպաշտպան գոծի դիակ, որ մի քանի ժամ առաջ սրտագրաւ պատկերներ տեսնելով լուցկու փայլուն լոյսի մէջ ժպտում ու հրճւում էր, ինչպէս ճրագի շուրջը ճախրող թիթեռ: Լուցկիների մի կապոցը բոլորովին այրւած էր: «Երևի նա ուզեցել է տաքանալ» — ասաց մէկը: Եւ ոչ ոքի մտքովն անգամ չանցաւ, թէ ինչպիսի հրաշալի տեսիլներ էին նկարել փոքրիկ աղջկայ չքնաղ աչիկներին, ոչ ոք չիմացաւ, թէ որպիսի փառքով և շքեղութեամբ դիմաւորեց նա նոր տարուն իր սիրելի տատիկի հետ միասին:

11. ԱՆԻԻԻ ՏԱԿ

Օ՛, անմեղ տեղից քանի՛ զուր տանջանք  
 Բերում ես դու մեզ, անողոք սև կեանք,  
 Զէ՛, էլ չենք տեսնիլ մխիթարութիւն:  
 Զէ՛, չի պակասելու մեզ թշւառութիւն:  
 Տեսայ ես մի օր — թե՛ր աղջկան  
 Զարգել էր, կախել արագ մեքենան,  
 Ասես՝ թէ կսկիծ, խուլ հառաչանքներ  
 Եւ արիւնալից սև տեսարաններ

էին պահանջում մեռած ուրիշներ:  
 Օ՛, երանի՛ թէ իմանաք դուք էլ,  
 Քանի՛ տառապանք, վշտեր անհամար  
 Տանում է մարդը սև հացի համար:  
 Խեղճ հաշմանդամը այժմ ի՞նչ անի.  
 Կարիքի հոգսը արդեօք կըտանի...  
 Հարուստը նրան հօ չի մ'օտ գալու,  
 Այս կրակ ցաւին լուծումն տալու:  
 Ու պիտի մ'ուրայ... ուրիշ ելք չըկայ,  
 Խեղճ հաշմանդամը անտուն ու անտէր,  
 Եւ այս վիճակեց այն որը աղջկան,  
 Որը ուխտել էր ցմահ աշխատել:

Օ՛, անմեղ պիղքայ խանի պուր քանակաւ  
 Բերու՛մ իս դու միջ, անողոք սև կեանք,  
 Զէ՛, էլ վե՛նք պիւնիկ թիթեռաբութիւն,  
 Զէ՛, չի պակասելու միջ թշւառութիւն:  
 Աճիսայ իս մի օր — թե՛ր աղջկան  
 Զարգիւ էր, կախել արագ մեքենան,  
 Ասիս՝ թէ կսկիծ, խուլ հառաչանքներ  
 Եւ արիւնալից սև պիւնալիքներ  
 Երև պահանջում միւսած ուրիշներ:

### 12. ԹԱՆԿԱԳԻՆ ՄԱՏԱՆԻ

Հայրն իր ամբողջ հարստութիւնը բաժանեց երեք որդիներէ մէջ՝ իր մօտ պահելով միայն մի շատ թանկագին մատանի:

—Այս մատանին,—ասաց նա,—ես կրտամ ձեզանից նրան, ով մեծ բարիք կըզործէ: Գնացէ՛ք օտար երկրներ և ուզի՛ղ մի տարի յետոյ վերադարձէ՛ք տուն. և այն ժամանակ կըպատմէք ինձ, թէ ով ինչ է արել:

Անցաւ մի տարի: Որդիքը վերադարձան և պատմեցին հօրը, ինչ որ անցել էր իրանց գլխովը:

—Մի հարուստ մարդ,—ասաց մեծ որդին,—առանց ստացականի յանձնեց ինձ մի պարկ ոսկի և բացի երկուսիցս՝ ուրիշ ոչ ոքի յայտնի չէր այդ շուտով այդ հարուստը մեռաւ: Ես այդ փողը վերադարձրի նրա այրիին:

—Ի՞նչ ազնիւ ես պոնելի որդեակ,—ասաց հայրը:

—Մի օր ես անցնում էի ջրաղացի մօտով,—խօսեց միջնակ որդին,—տեսնեմ՝ մի երեսայ ընկաւ ջուրը և քիչ էր մնում, որ խեղդէր: Ես ընկայ ջուրը և ազատեցի նրան:

—Ի՞նչ գաւա՛կս, մեծահոգութիւն ես արել, քո կեանքը՝ ուրիշին ազատելու համար վտանգի ենթարկելով:

—Անտառի միջով անցնելիս,—պատմեց կրտսեր որդին,—առսայ որ երկու աւազակ կողոպտում են մի մարդու. այդ մարդը իմ ռեսերիմ թշնամին էր, բայց ես վագեցի նրան օգնութեան և մենք երկուսով փախցրինք այն անպիտաններին:

—Ո՛հ, թանկագին գաւա՛կս, ե՛կ համբուրեմ ճակատդ,—բացազանչեց հայրը.—ահա, վեր ա՛ռ մատանին, սա քոնն է: Թշնամիներին ծառայելը ամենամեծ բարիքն է: Վատութեան դէմ բարիք գործելով մարդս Աստուծոն է նմանում:

### 13. ԽՈՐԹ ԵՂԲԱՅՐԱ

I

Փոքր էի, հազիւ տասներեք տարեկան, բայց լաւ յիշում եմ, որ այն երեկոյ հայրս գայրացած տուն վերադարձաւ այգուց: Փոքրիկ հորթին պարանից քարշ տալով ետևից և կանաչ, թարմ, խոտի մի կոյտ թևի տակ՝ նա բակը մտաւ խոր-

հրդաւոր լուրթեամբ: Ես նկատեցի, որ նրա մորթէ փափախը կախուած էր ծոծրակի վրայ՝ բաց թողնելով խիստ կնճռոտ ճակատը: Չայէ չուխայի և արխալուղի թևերը սովորականից աւելի վեր էին քաշուած, ասել էր՝ թէ նա այգում խոտ հնձելուց յետոյ՝ մոռացել էր ցած բերել, և որ ամենից աւելի գըլխաւորն էր ու նշանակալիցը, կեռ ծայրով իր ձեռնափայտը հորթի պարանի: Ետ միատեղ՝ շատ սպառնական ձևով էր պահել աջ ձեռքում:

Հայրս խոտը ցած դրեց, մօտեցաւ սրահի թմբին ու նստեց, փայտն ու գլխարկը դնելով կողքին: Մայրս կովկիթն էր լաւնում, սպասելով կովերին, կթելու համար: Ես աչք չէի հեռացնում հօրիցս. նա անհանդիստ էր և մի քանի անգամ ճակատը շփեց ու դարձաւ մեծ քրոջս:

—Ա՛ղջի, թորոսը այս առաւօտ կովերը որ կողմով դաշտ տարաւ. այգու կողմով, թէ՞ նախրի ճանիւով:

—Չըզխտեմ, հայրիկ, տաւաւոր երբ քաղհանի էինք զննում, նա մնգանից առաջ քշեց, գիւղից դուրս եկաւ, նրան չըհատանք:

—Այգու կողմից, իհարկէ. նա միշտ այն կողմից է տանում, —բայց կանչեցի ես, հէնց այնպէս, առանց մտածելու, թէ իմ առածը որեւէ բանի կարող է ծառայել:

—Նա է, ուրիշ ո՞վ կարող է լինել, նզովից արմատ, միշտ նա,—մամաաց հայրս ու լռեց:

Թորոսը իմ խորթ եղբայրն էր, հօրս առաջին ամուսնութիւնից մնացած միակ տղան: Ես և քոյրերս մեր ամենափոքր հասակից առեւել էինք նրան միշտ լռակեաց, մռայլ, մտածկոտ ու յամառ: Նա չէր սիրել մեզ և մենք չէինք սիրել նրան: Նա արդէն տասներեք-տասնըութ տարեկան էր այժմ, բայց դարձեալ թախծոտ ու լռակեաց, դարձեալ անմասն ընտանեկան կեանքին, դարձեալ առանց սիրոյ ու մենաւոր: Ինչու չէինք սիրում նրան, ես չըզխտեմ. նա մեզ երբէք վատ բան չէր արել. գուցէ հէնց այն պատճառով, որ նա միշտ լուռ էր և նրա այդ լուրթեան սակ կարծես խորին արհամարհանք կար գէպի մեզ:



Հայրս չէր սիրում նրան, որովհետև նա յամառ էր ու միշտ մոռայլ և երբէք մարդու երեսին ուղիղ չէր նայի:

«Կախ-զլուխ տղայ է, մանկուլթիւնից այգպէս էր», ասում էր նա առանձին ցաւով, աւելացնելով, որ «կախ-զլուխ» մարդիկ միշտ կասկածելի են:

Եւ մենք բոլորս առանց այդ նկատելու կամաց-կամաց նրա դանիճներն էինք դարձել: Բոլոր մեր ծածուկ յանցանքների ու սխալների համար պատասխանատուն ու մեղաւորը միշտ նա էր: Եթէ աման էր կոտրւած, անպատճառ թորոսն էր կոտրել. մածունի կամ կաթի սերը, թարմ կարագը՝ անպատճառ նա էր գողացել, ինչպէս և այգում կամ բոստանում հասած առաջին պտուղը: Մենք արդէն վաղուց դադրել էինք նկատելուց, թէ որքան անարդար, որքան անողորմ ենք, և մեզ բոլորովին բնական էր թւում վերջ ի վերջոյ, որ թորոսը մեր մեղքերը քաւի: Չի բողոքում, միշտ լուռ է, թող կրի ուրեմն:

II

Բարեբախտաբար մեզ բոլորիս և թորոսի համար, հայրս թէև խիստ, բայց վերին աստիճանի գլխոտ էր. նրա բոլոր դրժ-գոհուլթիւնն ու գայրոյթը վերջանում էր սովորական անէծքով կամ մօրս առաջ անվերջ գանգատներով:

Թորոսն ամբողջ օրը դաշտումն էր լինում, մեր տաւարի ետևից: Երբ երեկոյեան տուն էր գալիս և հայրս սկսում էր նրան յանդիմանել որևէ յանցանքի համար, նա առանց նայելու մօտենում էր հացի տաշտին, մի հաց վերցնում փաթաթում, գնում թևի տակ և լուռթեամբ դուրս գալիս, թողնելով, որ հայրս շարունակի իր անէծքը, գանգատն ու տրտունջները:

Կովերը դաշտից վերադարձան: Թորոսն էլ նրանց յետևից ներս մտաւ գոնից, ինչպէս միշտ, գլուխը քաշ, գէմքն արևառ, յոգնած ու մռայլ: Կովերը ներս քշեց գոմը, թողնելով բակում նրանց, որոնք պիտի կիւէին: Ապա ձեռնափայտը դրաւ մի անկիւն, նստեց իր սովորական տեղը, սրահի մի հատիկ աստիճանի վրայ և սկսեց տրեխների միջից թափ տալ աւազի հատիկները և գուլպաների վրայից հանել մանր ու մեծ փշերը:

Մայրս կովերն էր կթում, քոյրերս օգնում էին նրան: — Թորոս, — յանկարծ լուեց հօրս ձայնը.

— Հէ՛ր, եղաւ պատասխանը:  
— Չո՞ւ ու ցաւ, հրամմէ էլ չի կարողանում ասել: Այս առաւօտ տաւարը ո՞ր կողմով տարար դաշտ:

Հօրս ձայնը դողդողում էր, նա վրդովմունքից ասես խեղդւում էր. ես նրան երբէք այդ աստիճան բարկացած չէի տեսել. վախեցայ ու կծկեցի:

Թորոսի փոյթը չէր. նա լուռ էր: — Լեզուդ պապանձի, խօսի էէ, այգին մտել ես:  
Թորոսը շարունակում էր լուռթեամբ թափ տալ տրեխները:

— Մարգիս, — դարձաւ ինձ հայրս, — գնա այն իմ բերած խոտը քանդի, մէջը բան կայ, բեր այստեղ:

Ես մօտեցայ, խոտը բաց արի և միջից դուրս հանեցի խաղողի որթի մի մեծ ճիւղ, վրան մի քանի կիսահաս ողկոյգներ: Չեռքս առայ և քարացայ տեղումս... Ես էի կոտրել. կոտրել էի ու լուել. ողկոյզը քաշքշել էի, ճիւղը կոտրւել էր և ես թողել փախել էի:

— Ասա, — շարունակեց հայրս աւելի և աւելի տաքացած, — Ասաւած նզովի քեզ, ո՞վ է տեսել, որ հայ քրիստոնեան Աստուածածնից իրկու շաբաթ առաջ խաղող ուտի. հարամ չէ. նայի, ի՞նչ ես արել. թող ձեռքդ կոտրւէր դրա փոխաբէն:

Մայրս մէջ մտաւ.

— Ի՞նչ ես այդքան տաքացել, տնաշէնի մարդ, գէ բան է, պատահել է, գուցէ թորոսը չի, գող է մտել. խօ գիտես, քաղցած գէլերի պէս չոլերն ընկած աւերմունք են անում:

— Խեղբիդ ի՞նչ ասեմ, ախր կնիկ ես էէ. գողը մի ճութ խաղողի համար այգի չի մտնի, բոլոր թմբերը պէտք է ոտի տակ տար, մէկիկ-մէկիկ փնտռէր, գանելու համար. տանու գող է, քեզ ասում եմ. այ, այս նզովածն է, որ լիւել է: Չէ, թո՞ղ ասի որ ինքը չի. տեսնում ես, կարկամել է, Աստուած վերցնի սրան:

—Այ որդի,— Թորոսին դարձաւ մայրս կամայտեղ,  
—ինչի՞ ես կողքդ դէմ տւել, տեսնում ես, հէրդ թնդւել է, դէ  
մի ձայն տուր, ասա որ դու չես, ասա՝ գողերն են արել, խօս  
բերանդ չի ցաւի, մի խօսք ասան էլի:

11.

Ես տխրութեամբ նայում էի Թորոսին: Շրթունքներս գող-  
դղացին, ուզում էի ձշալ, լալ, գլխիս խփել... բայց էլի շրթունք-  
ներս կծեցի, երբ տեսայ, որ Թորոսը պատրաստուում է դուրս  
գնալու: Փոթորիկը դրանով կըվերջանար, միշտ այդպէս էր  
լինում:

Ահա նա վեր կացաւ և առանց նոյն իսկ իր սովորական  
հացը վերցնելու տաշտից, շարժեց դէպի դուռը. նա պիտի անց-  
նէր հօրս առաջից, որ լուռ հետևում էր նրա շարժումներին:  
Հայրս գունատ էր, շունչը քթածակերից գուրս էր գալիս փրն-  
չացնելով, իսկ ձեռնափայտը դողում էր ձեռքի մէջ: Նա եր-  
բէք այդպէս սարսափելի, այդպէս անողորմ տեսք չէր ունե-  
ցել:

«Մի՞թէ խփելու է Թորոսին», մտածում էի ես. «այդ  
անկարելի էր, նա այնպէս բարձր է». և ինձ թւում էր, եթէ  
նրան խփի՝ ես կըմեռնեմ, չըզիտեմ ինչից, բայց անպատճառ  
կըճչամ ու կըմեռնեմ, երևի կըխեղդւեմ:

Էլ ոչինչ չէի տեսնում, ոչինչ չըկար զլխումս, բացի այն  
փայտից, այն դեղնաւուն հոնի փայտից... Եւ ես տեսայ... որ  
նա բարձրացաւ, այն զարնուրելի փայտը, բարձրացաւ հօրս գըլ-  
խից վեր, ճօճւեց օդի մէջ...

—Հայրիկ, հայրիկ... մի մի... Բառերը խեղդւեցին իմ կո-  
կորդում. նետուցի հօրս ու Թորոսի մէջ, բայց անօգուտ, ես  
շատ էի փոքր և անզօր. ձեռնափայտն ահագին թափով իջաւ  
եզօրս թիկունքին, բարձրացաւ, մէկ էլ իջաւ նոյնպէս թափով,  
նոյնպէս անողորմ:

Թորոսը չըշարժւեց, կանգնած մնաց իր տեղում, դարձեալ  
լուռ, առանց բողբոջի. նայեց հօրս, ապա աջ ձեռքով շոշափեց

թիկունքի ցաւած տեղը ու երկու կաթիլ արցունք կախւեցին  
նրա մուայլ, մթազնած աչքերից, իջան, իջան և այտերի վրայ  
քարացան մնացին:

Օ՛, այդ երկու կաթիլ արցունքը. նրանք իջան իմ սրտի  
վրայ, քանդեցին, աւերեցին կուրծքս և խորտակեցին ինձ: Հայ-  
րս կանգնած էր գողզգալով, նայում էր ոտների առաջ, կա-  
ծես չըզիտէր, թէ ինչ պատահեց:

Ես եմ, հայրիկ, ես եմ կոտրել, ես եմ գողացել, Թորոսը  
մեղք չունի, միշտ ես եմ: Ների՛. ների՛, Թորոս ախպէր, իմ  
խեղճ ախպէր, ասացի ես:

Բոլորը քարացան. կարծես երկինքը յանկարծ փուլ եկաւ.  
մայրս շարած՝ կովկիթը ձեռքից բաց թողեց, որ ընկաւ կոտրւեց  
և կաթը հոսեց բակում. քոյրս հորթը թողեց, որ կըկին վագեց  
դէպի մայրը. հայրս զլուխը բարձրացրեց, ինձ նայեց չափ ու  
ապշած աչքերով ու ետ-ետ գնաց, կարծես ես թունաւոր օձ  
լինէի. ապա ձակատը բռնեց, մնաց կանգնած: Քիչ յետոյ լուռ  
մօտեցաւ Թորոսին ու ձեռքը դրաւ նրա թիկունքին.

—Ձեռքս կոտրւէր, որդի,— ասաւ հեկեկալով: —Սարգիս,  
Սարգիս... Թո՛ղ Աստուած քեզ... դու իմ հոգին կորցրիր... Թող  
Աստուած քեզ... քիչ ասեմ. . Ու շարունակել չըկարողացաւ,  
չուզեց անիծել, արցունքը թափւեց աչքերից հեղեղի պէս:

—Էլ չեմ անի, հայրիկ... էլ չեմ անի, երբէք...  
Թորոսը թևով սրբեց աչքերը, նստեց թմբի վրայ, զլուխը  
ձեռների մէջ առաւ և մնաց լուռ:

Այն գիշեր հայրս երկար ժամանակ չէր քնում. անքուն  
էի և ես. այրւում էի և էլի երկար-երկար լաց եղայ:

14. ՄԱՅՐԻԿՍ

Հայրենիքէս հեռացել եմ,  
Խեղճ պանդուխտ եմ, տուն չունիմ.  
Ազիզ մօրէս բաժանւել եմ,  
Տխուր, տրտում, քուն չունիմ:

Սարէն կուգաք նախշուն հաւքեր,  
Ա՛խ, իմ մօրը տեսել էք.  
Ծովէն կուգաք մարմանդ հովեր,  
Սրգեօք բարև բերել էք:

Հաւք ու հովեր եկան կշտիս,  
Անձէն դիպան ու անցան.  
Պապակ սրտիս,— փափաք սրտիս՝  
Անխօս դիպան ու անցան:

Ա՛խ, բու տեսքին, անուշ լեզւին,  
Կարօտցել եմ մայրիկ ջան,  
Երնէկ, երնէկ, երազ լինիմ,  
Թըռչիմ մօտդ, մայրիկ ջան:

Երբ քունդ գայ, լուռ գիշերով,  
Հոգիդ գրկեմ, համբոյր տամ,  
Սրտիդ կպնեմ վառ կարօտով,  
Լամ ու խնդամ, մայրիկ ջան:

## 15. ՀՕՐ ՀԻԻԱՆԴԱՊԱՀԸ

I

Մի անձրեային առաւօտ նէսպօլի գլխաւոր հիւանդանոցի դռնապանին մօտեցաւ գիւղացու պէս հագնւած մի կեղտոտ ու թրջւած տղայ: Տղան ձեռքին ունէր մի կապոց: Նա ցոյց աւելցնէ մի տոմսակ և հարցրեց հօր մասին:

Գեղեցիկ էր այդ տղան. երեսը կլոր ու թուխ, աչքերը խելօք, շրթունքները լիքը, աստամները ձիւնափայլ:

Նա գալիս էր նէսպօլի մօտակայ մի գիւղից: Անցեալ տարի նրա հայրը գնացել էր ֆրանսիա մշակութիւն անելու. վերադարձին իջել էր նէսպօլ և յանկարծ հիւանդանալով՝ նամակ էր գրել ընտանիքին, թէ պառկած է հիւանդանոցում: Կինը

սաստիկ վշտանում է, բայց չի կարողանում տանից դուրս գալ. երեխաներից մէկը հիւանդ էր, միւսը զեռ ծծկեր: Նա մի քիչ փող տալով իր աւագ որդուն, նրան ուղարկեց նէսպօլ, որ պէսզի հօրը խնամէ:

Գննապանը տոմսակը կարդաց, կանչեց հիւանդանոցի սպասաւորին և առաջարկեց հօր մօտ տանել տղային:

— Գնանք, աւաց սպասաւորը:

Տղան գնաց նրա յետեից. նա վախենալով աջ ու ձախ էր նայում: Իր չորս կողմը նւազած ու մաշկած դէմքեր էին: Ոմանք պառկած էին մեռելի նման աչքերը գոց. ոմանք անքթիթ ու պշնած յառաջ էին նայում. ոմանք էլ երեխաների պէս հեծեծում էին: Սրահը մութն էր, օդը լցւած դեղերի հոտով: Ողորմութեան երկու քոյրեր ձեռքերին սրւակայներ բրնձնած՝ կարգով անցնում էին մէկ մահճից զէպի միւսը...

— Ահա հայրդ, — աւաց վերջապէս սպասաւորը, յետ քաշելով անկողիններից մէկի վարագոյրը:

Հիւանդի ձեռքն անշարժ ընկած էր վերմակի վրայ: Տղան բռնեց այդ ձեռքը և հեկեկալով զլուխը խոնարհեց հօր ուսի վրայ: Հիւանդը շարժեց: Տղան գլուխը բարձրացրեց և լռիկ լաց էր լինում: Հայրը շուռ եկաւ, երկար նայեց նրան, կարծես թէ ճանաչեց, բայց և ոչ մի բառ չարտասանեց... Խեղճը սաստիկ փոխւել էր, որդին հագիւ էր ճանաչում նրան, նա սպիտակել էր, մօրուքը երկաբացել, երեսը ուռել, թխացել էր, աչքերը սեղմւել էին, շրթունքը կախւել... բոլորովին անձանօթ դէմք: Անփոփոխ էին մնացել միայն ճակատն ու յօնքերը:

— Հայրիկ, իմ հայրիկ, — կանչում էր տղան: Այս ես եմ, չէս ճանաչում. Չիչիլիօնն եմ, քո Չիչիլիօնը: Եկել եմ գիւղից, մայրիկս է ուղարկել: Մի լաւ նայի՛ր վրաս: Չէս ճանաչում: Գոնէ մի խօսք ասա:

Հիւանդը նայեց ու աչքերը խփեց:

Տղան վշտագին մտածմունքի մէջ ընկաւ: Յիշում էր հօր ճանապարհ ընկնելը, նրա հրաժեշտը, նրա ուղևորութիւնից ակնկալւած մեծ յոյսերը, նրա նամակը և մօր թախիծը...

## II.

Տղան դարձաւ հիւանդապահ: Նա ձեռքից եկածի շափ խնամում էր հօրը. վերմակն էր շտկում, ձեռքերից բռնում, ճանճերին քշում... Կոյսը դեղ էր բերում. տղան վերցնում էր շիշը և դեղը գտալի մէջ ածելով, տալիս էր հօրը խմելու: Հիւանդը նայում էր, բայց կարծես դարձեալ չէր ճանաչում որդուն: Մխիթարականն այն էր, որ հօր աչքերն օր ըստ օրէ աւելի երկար էին կանգ առնում որդու վրայ, մանաւանդ երբ նա սրբում էր իր արտասուքը:

Օրերն անցնում էին: Տղան գիշերները քնում էր երկու աթոռի վրայ և լուսանալուն պէս շարունակում էր իր առօրեայ հոգատարութիւնը:

Մի անգամ նրան այնպէս թւաց, թէ հօր աչքերում մի բան ցոլաց, մի գաղափար, յետոյ գգւանք, իբրև պատասխան որդու գորովալից խօսքերին...

Անցնում էին ժամեր, օրեր, և Չիչիլիօն շարունակում էր իր խնամատարութիւնը, ցնցւում էր հօր հառաչանքից ու նայւածքից, մերթ յուսարով, մերթ վհատելով: Հինգերորդ օրը հայրը յանկարծ շատ թուլացաւ: Բժիշկը թափ աւեց գլուխը և կարծես ասաց «պրծաւ»: Չիչիլիօն աղիողորմ ճիչ հանեց: Հօր դրութիւնը վատացել էր, բայց որդուն այնպէս էր թւում, թէ ուշքի է եկել: Հիւանդը նայում էր աւելի հաստատ, աւելի ազգու, աւելի քնքուշ. միայն տղայի ձեռքիցն էր խմում և շարունակ փորձեր անում մի բան ասելու: Այս ճիգերն այնպէս յաճախ էին կրկնում, որ Չիչիլիօն հիւանդի ձեռքը բռնում էր, անմիտ յոյսեր տածելով, թէ բժիշկը սխալած է, հայրը կառողջանայ, և միշտ կրկնում էր. — հանգիստ եղիք, հայրիկ ջան, դու կառողջանաս, կ'երթանք, մայրիկի մօտ կ'երթանք... Մի քիչ էլ համբերիր...

Չորրորդ ժամն էր: Տղան երկիւղով, յուսով նստած էր: Մօտիկ սենեակից քայլեր լսեցան և մէկն ասաց.

— Յտեսութիւն, քոյր իմ:

Չիչիլիօն յետ նայեց: Ներս մտաւ մի տղամարդ, իսկ նրա յետակից ողորմած քոյրը:

— Չիչիլիօ, — աղաղակեց ներս մտնողը, նայելով մանկանը, և վաղեց դէպի նա:

Հայրիկ...

Մանուկն ուրախութիւնից խեղդելով, հօր գիրկն ընկաւ: Վրայ հասան կոյսերը, սպասաւորուհիները, բժշկի օգնականը և շարած կանգ առան: Մանուկը չէր կարողանում խօսք ասել:

— Իմ Չիչիլիօս, — գոչեց հայրը, համբուրելով նրան: Չիչիլիօ, որդեակ իմ. ինչպէս պատահեցաւ այս բանը: Քեզ բերել են մի օտարի մօտ: Իսկ ես մաշում էի, որ չես գալիս: Մայրիկը գրեկ էր, որ քեզ ուղարկել է ինձ մօտ: Խեղճ Չիչիլիօ: Բայց ինչպէս է պատահել այս շփոթմունքը, ես գլուխս կոտրում էի, մտածում էի, քեզ էի սպասում... Ի՞նչ է անում մայրիկը, ի՞նչ է անում Կօնչէտէլլան, ի՞նչպէս է մեր փոքրիկը...

Իէ գնանք, ասաց հայրը, երեկոյեան տանը կըլինենք: Գնանք: Տղան շուռ եկաւ ու նայեց հիւանդին, որը նոյնպէս այդ ըոպէին նրան էր նայում:

— Ոչ, հայրիկ, չեմ կարող, շտապով ասաց Չիչիլիօն: Տես, ահա այդ ծերունին... ես դրան հինգ օր խնամել եմ: Այժմ ինձ է նայում: Նա գրեթէ հոգեվարքի մէջ է: Խղճում եմ դրան, չեմ կարող մենակ թողնել: Ես վաղը կըվերադառնամ տուն: Հայրը համբուրեց որդուն և գնաց:

## III.

Անցաւ էլի երկու օր: Տղան կրկնապատկեց խնամքը և միշտ հիւանդին էր նայում: Հիւանդն էլ աչքը չէր հեռացնում տղայից և շրթունքը դժւարութեամբ շարժելով, ցոյց էր տալիս, թէ մի բան ունի ասելու: Նրա աչքերը սեղմւում ու մթանում էին. սակայն նրանց մէջ մի անօրինակ գորովանք էր ցոլանում: Այդ գիշեր տղան մի վայրկեան անգամ քուն չեղաւ: Լուսադէմին ողորմած քոյրն եկաւ, նայեց, շտապով գնաց և իսկոյն յետ եկաւ: Նրա հետ եկան բժիշկը, օգնականը և սպասաւոր կիներ:

— Հոգին տալիս է, — ասաց բժիշկը:

Չիչիլիօն բռնեց հիւանդի ձեռքը. հիւանդը մի վայրկեան աչքերը բաց արաւ. տղան կարծեց թէ...

—Ձեռս սեղմեց, գոչեց նա:

Հիւանդը ձգեցաւ: Կոյսը հանեց պատի վրայից խաչելու-  
թիւնը:

—Մեռաւ, - աղաղակեց Չիչիլիօն:

- Գնա, որդեակ իմ, - ասաց բժիշկը: Բո սուրբ գործը  
վերջացաւ:

Գնա, բաղդաւոր եղիր, դու արժանի ես այդպէս լինելու:  
Ասուած քեզ օգնական:



Պատմեցէք եւ սպա գրեցէք, թէ ի՞նչպէս է մայրը խնամում իր հիւանդ  
զառակին:

## Մանուկ

Դու մանուկ է՛մառ, ի՞նչքան ճաշկապից,  
Որքան քնիւն է իւր, որքան սիրասուն,  
Նայում ե՛մ վերայ - և ետքիս նորից  
Զգում է նոր կիսնից, նոր իրզանկութիւն:  
Մեր, ինչպէս սիրով այդ փոքրիկ գլխից  
Ձեռքիս դարձաւ իւր զիւր, սրբիւնակ  
Ստորի կանխի, որ Թէրը քեզ միշտ  
Այնպէս կ'սիրէ մեզ, անսրայ:

## 17. Ա Ղ Բ Ի Ի Ր

1.

Գաղթականների խումբը թշնամուց փախչելով՝ մէկ ամա-  
յի տեղ հաստատեց իր բնակութիւնը: Փամանակը զարնանա-  
յին էր. շուտ-շուտ տեղացող անձրևների պատճառով գաղթա-  
կանները ուշադրութիւն չըդարձրին այն հանգամանքի վրայ,  
որ նրանց բնակութեան մօտերը ոչ գետ կար, ոչ աղբիւր:  
Գաղթականներից մէկը, որ աւելի հեռատես էր, առաջինը ուշ  
դարձրեց այդ ձախողակ բանին և իր բռնած տեղի վրայ սկսեց

Չրհոր փորել. նրա միամիտ ընկերները, որովհետև ազատ ժամանակ ունէին, սրտանց օգնում էին նրան: Հազիւ թէ բահը մի քանի անգամ գետնին զարկեցին, սվ հրաշք, խրցւած աղբիւրի ակը բացւեց և միջից սկսեց ջուրը առատօրէն բոխել: Տէրը—նրա անունը Հագա էր—շատ ուրախացաւ. նրա հետ միասին ուրախ էին նրա միամիտ ընկերները՝ Աստուծոյ այս անակընկալ ողորմութեանը, որ շնորհել էր նա իրանց դրացուն. նրանք վստահ էին, որ երկնքի անձրևը տարին տասներկու ամիս նրանցից անպակաս պիտի լինի, բայց եթէ երբեմն ջրի պակասութիւն էլ լինէր, նրանք երկիւղ ունենալու չէին, որովհետև նրանց դրացին ունէր առատ աղբիւր, որի ջրից անշուշտ նա մասն պիտի հանէր կարօտեալներին; մանաւանդ որ նրանք այդպէս էին կարծում.— այդքան ջուր նա երբէք չի կարողանալու սպառեցնել և նրա պէտքից միշտ պիտի աւելանար, թէև նրանց առողջ դատողութիւնը, այդպէս էր կարծել տալիս նրանց, բայց Հագայի կարծիքը բոլորովին ուրիշ տեսակ էր: Իսկ աղբիւրի ջուրը շարունակ վազում, գնում էր:

Դաշտերը վարւեցին և ցանկեցին. անձրևները շարունակ գալով և արեգակն էլ իր ջերմութիւնը տարածելով դաշտերի երեսին՝ սերմերը ծրեցին և բոյսերը կանաչեցին ու մի քանի ժամանակից ցորենի ցօղունները մէկ թիզ բարձրացան գետնից: Եղանակը փոխւեց, առաւօտից մինչև երեկոյ անընդհատ պարզ էր երկինքը: Սրբը աւելի էր սաստիկացնում իր ջերմութիւնը. արևելքից չոր քամիները փչելով՝ սկսան գեղնացնել ցորենի բոյսը: Աղբիւրի տէրը անհոգ էր. նա ջուրը տարաւ, ջրեց իր արտը և նրա ցորենը ապահով մնաց երաշտից: Միւս գաղթականները՝ տեսնելով ջրի այդպիսի բարեբար դօրութիւնը, նոյնպէս ուզում էին ջրել իրանց արտերը, բայց Հագան նրանց առջև պայման դրաւ, ասելով. «Եթէ ինձ օգնէք ջրագաց շինելու, այն ժամանակ ոչ միայն կրտամ ձեզ ջուր, այլև շինելիք ջրագացս ամառուայ մէջ ձեր ցորենը կաղայ և ալիւր կանի»:

Գաղթականները տեսան, որ իրաւ է նրա ասածը, որ ջրագաց պէտք է. ուստի ուրախ ուրախ սկսան ջրագաց շինել, և

նրանց աշխատանքի փոխարէն Հագան թոյլ տւեց նրանց արտերը ջրելու: Ամառուայ մէջն էր. հասան ցորենները: Երբ գաղթականները արտերը հնձեցին, կալ տարան, կալսեցին ու ցորեն ստացան, եկան Հագային ասացին. «Տուր ջրագաց ցորեններս աղանք»: Հագան ասաց. «Իմ բնակարանիս շուրջը շինեցէք քարէ ամուր պատ, այն ժամանակ ես կըթողնեմ ջրագացիս մէջ ձեր ցորենը աղաք»: Նրա տան չորս կողմը հասա ու բարձր քարէ պատեր ու ամուր դռներ շինւեցին, և գաղթականները աղացին իրանց առաջին հունձի ցորենը: Չմեռը անցաւ, դարուներ եկաւ, գաղթականները նորից վարուցանք արին: Հագան նրանց ասաց. «Վարեցէք, ցանեցէք, հնձեցէք իմ արտերը, ապա թէ ոչ՝ չեմ տալ ձեզ ոչ արտերդ ջրելու ջուր և ոչ ցորեններդ աղալու ջրագաց»: Գաղթականները միտք արին, և յօժարեցան նրա պահանջը կատարել. վարեցին, ցանեցին և հնձեցին նրա արտերը, իսկ ինքը Հագան ոչ միայն չէր աշխատում, այլև գլխների վրայ պտոյտ գալով՝ սաստիկ հրամաններ էր տալիս նրանց, առանց թաղի թագաւոր էր նրանց վրայ: Փոքր ինչ ժամանակ անցնելուց յետոյ ասաց Հագան. «Արտերիս վրայ աշխատելու համար ամառները աղբիւրիցս ջուր էք առնում, բայց ինչ վարձատրութիւն պիտի տաք ինձ տարւայ ուրիշ եղանակներին ջուրս վերցնելու համար: Ահա ձեզ վրայ հարկ եմ դնում. ամեն մէկ կուժ ջրին այսքան բուռ (ափ) ցորեն պիտի վճարէք ինձ. ապա թէ ոչ՝ ջուր չըկայ ձեզ»: Եւ փորեց իր բակի մէջ մի ահագին ջրամբար և աղբիւրի ջուրն այնտեղ վազեցրեց:

II.

Գաղթականները անջուր մնացին: Չուրը մարդուս ամեն օր պէտք է խմելու, լւացելու, կերակուր եփելու, ձի ու տաւար ջրելու. գիւղացիները ամեն օր իրանց պէտք ջրէ համար տանում էին իրանց ցորենը և տալիս Հագային, լցնում էին նրա ամբարները և բերաններից հացը կտրում էին: Քանի որ Հագայի տունը լիանում էր, նրա դրացիները ազբաւանում

էին, և որքան գրացիներ Վիճակը գառնանում էր, այնքան Հագան իրան երջանիկ էր համարում, որովհետև նա այն անգուժ մարդկանցից էր, որոնց սրտի ուրախութիւնը բազմանում է ընկերների տիրութիւնից և թշտառութիւնից:

«Ո՛վ մարդ, ասում էին նրան գրացիները, Աստուած իր առատ աշովը օրհնել է: ոչ հացդ է պակաս, ոչ ջուրդ և ոչ մեր պատիւն ու ծառայութիւնը քեզանից: Այդ անսպառ ջուրը, որ ժողովում ես անյատակ ջրամբարիդ մէջ, գու երբէք չես կարողանալու սպառեցնել ոչ քո և ոչ գաւազներիդ պէտքերի համար. ժամանակ-ժամանակ մեզ էլ տուր նրանից. մեր բերանները պապակեցին, մեր անասունները տանջւում են, մեր մարմինը կեղտի մէջ փսեց, մեր արտերը չորանում են, խնայիր մեզ, մեր կուշտ լինելով դու երբէք չես քաղցած մնայ, ինչո՞ւ անգուժ սրտով նայում ես մեր տանջանքներին: Աղքատութիւնը մաշում է մեր կեանքը. խղճս մեզ»:

Հագան առանց շահի և տոկոսի ոչ մի կաթիլ ջուր չէր տալիս իր ջրամբարից և ոչ մի բուռ ցորեն իր շտեմարանից. իր շուրջը կեցած մարդկանց լացը, արտասուքը և լալազին աղաչանքը ուրախացնում էին նրան: Բայց նրա սրտի գուժը չէին շարժում: Նա այն ժամանակ միայն ուրախ էր և ցնծում, երբ իրան շրջապատողները լացի ու սգի մէջ էին:

Մի գարնանային գիշեր, երբ Հագայի ջրամբարն արդէն բերնէ-բերան լիքն էր և նրա բակի երկաթապատի դռները ամուր փակւած ու նիզերը վրաները դրւած էին,—յանկարծ գոռացին ամպերը, փայլատակեց երկինքը և սկսեց յորդ անձրև թափել, կարծես թէ կաթիլների տեղ երկնքից կուժերով ջուր էին թափում: Չուրն սկսեց ջրամբարից վայր թափել, և որովհետև քարէ ամուր պատերը և փակած դռները ջրի ճամփան փակել էին, ջուրն սկսեց բակի մէջ բարձրանալ: Անձրևը քանի գնում էր՝ սաստկանում էր և բակի ջուրը աւելի ու աւելի էր բարձրանում: Տան դռները չըզիմացան ջրի ուժին, մեխերը թուան տախտակներից, դռները բացւեցին և ջուրը այնտեղ էլ հասաւ նրանց: Բայց անձրևը չէր դադարել, ագբիւրը առատ-առատ բղխում էր գետնից, ջուրը մտաւ ամբար-

ները, թրջեց ցորենը, ապականեց ամեն կերակուրների պաշարը և խեղդեց տարաւ Հագայի անասունները: Անձրևը անընդհատ գալիս էր, ամպերը կատարի գոռում էին. ջուրը հասաւ Հագայի կրունկին, ծնկին, ապա և վզին... «Ախ, միտք արաւ Հագան, ինչո՞ւ մէկ հրաշքով չի բացւում բակիս դուռը, որ ջուրը ազատ ելք գտնէր և ինձ խեղդելուց ազատէր...» Բայց բակի դուռը ինքը իր ձեռքով ամուր փակել էր և կողպել, որ գրացիները գաղտուկ ներս չըմանէին և պապակած բերանները թաց չանէին: Չուրը ճամփայ չըգտաւ, աւելի բարձրացաւ և խեղդեց նրան, որ խեղճերից մէկ կաթիլ էր խնայում: Այսպէս պատժեց ազահ Հագան:



## 18. ԲՈՅՆ ՔԱՆԴՈՂԻ ՏՈՒՆԸ ԱՍՏԻԱԾ Է ՔԱՆԴՈՒՄ

Մեծատան շքեղ տանիքի տակին  
Ծիծեռնակն իրան մի բոյն էր հիւսել,  
Շատ ու շատ տարի այդ բոյնի միջին  
Չազեր էր հանել, պահել, թոցրել:

Ծիծառն երջանիկ իր ձագերի հետ,  
Մեծատան համար միշտ կեանք էր խնդրում.  
Մեր մեծատունն էլ շատ երջանկաւէտ  
կեանք էր անցնում ու բարիք դիզում:

Չրգիտեմ ինչպէս, և ինչից դրզւած՝  
Ծիծեռնակի բոյնն հարուստը քանդեց,  
Նրա ձագերին բնից վայր առած՝  
Ոտքի տակ առաւ ու սատկացրեց:


Բնուեր ծիծառն երբ որ այս տեսաւ,  
Դռնն կսկիծով մեծատանն ասաւ.  
«Այ դու անօրէն, քանդեցիր իմ բոյն,  
Թող որ Աստւած էլ քանդի քո շէն տունն»:

Ասաւ ծիծառը, թռաւ դէպի ժամ,  
Այնտեղից բերաւ մի ծեղ այս անգամ,  
Չգեց հարուստի գոյքերի վրայ,  
Այսպէս իր դատը Աստծուն յանձնեց նա:

Մեծատան արտերն ժանգահար եղան,  
Անասունները ժանտախտից մեռան,  
Յարդի ու խոտի գեղերի հետ էլ՝  
Յօրենն ու գարին կրակին զոհ դարձան:

Կրակը լափեց հարուստի տունը,  
Խորտակեց նրա գոյութեան սիւնը...  
Եկաւ նոր գարուն, ծիծառն էլ եկաւ,  
Այլ տանիքի տակ նորից բոյն դրաւ:

Իսկ մեծատունը ձեռները ծոցին,  
Իր տունն ու տեղի փլւածքի միջին՝  
Թափառում էր միշտ, անզազար կրկնում.  
«Բոյն քանդողի տունն Աստւած է քանդում...»





### 19. ՀԱՒԵՏԱՐԻՄ ՇՈՒՆԸ

Մի վաճառական ձիով ճանապարհորդելու դուրս եկաւ. նրա յետեից վազում էր նրա հաւատարիմ շունը: Վաճառականը գնում էր մի մեծ գումար ստանալու: Փողերն ստացաւ, ոսկով լիք քսակը կապեց թամբի յետերը և ճանապարհ ընկաւ դէպի տուն: Ծանապարհին քսակի կապը կտրեց, պարկը վայր ընկաւ, իսկ վաճառականը այս բանը չընկատեց: Սրատես շունը տեսաւ այդ և փորձեց վերջնել քսակը իր ատամներով, բայց զգաց, որ դա ուժից բարձր է: Այն ժամանակ քսակը թողնելով, վազեց, հասաւ տիրոջը, առաջ անցաւ, սկսեց յարձակել ձիու վրայ և կատաղութեամբ ու յամառութեամբ հաշելով, աշխատում էր նրան կանգնեցնել: Պատճառը չիմանալով, վաճառականը բարկանում էր շան վրայ, հայեցում նրան, խփում էր մտրակով, — բայց ոչ մի բան չէր օգնում: Հաւատարիմ կենդանին շարունակում էր յարձակել ձիու վրայ այնպիսի կատաղութեամբ, որ կարծես կամենում էր ցած քաշել տիրոջը: Տեսնելով որ ոչինչ չի օգնում և որ վաճառականը հեռագհետէ հեռանում է, շունն սկսեց կծոտել ձիու ոտները, որ գոնէ դրանով հարկադրէ իր տիրոջը յետ դառնալ: Վաճառականը վախեցաւ, նա մտածեց, թէ մի գուցէ շունը կատաղել է և պիտեհարով, թէ որքան վտանգաւոր են կատաղած շները, նա վճռեց սպանել իր հաւատարիմ ծառային:

Այնուամենայնիւ դեռ երկար ժամանակ վաճառականն աշխատում էր ազատել շնից մերթ փայփայանքներով, մերթ սպառնալիքներով, մերթ մտրակի հարւածներով, բայց տեսնելով որ այդ չի օգնում, հանեց ատրճառակը և սրտամորմօք արձակեց հաւատարիմ շան վրայ: Ընդհ կենդանին վայր ընկաւ, բայց մի րոպէից յետոյ վեր կացաւ և ցաւալի ճչիւնով ու արիւնաթաթախ աշխատում էր հետեւել իր տիրոջը: Վաճառականը շատ էր սիրում իր շանը. նրա համար ծանրը էր տեսնել կենդանու տանջանքը, ուստի և խթեց ձիուն ու առաջ արշաւեց: Մի քիչ հեռանալով, նա կամեցաւ տեսնել, թէ ինչ եղաւ խեղճ կենդանին, և այստեղ միայն՝ յետ նայելիս՝ նա նկատեց, որ փողի քսակը չըկայ: Նոր հասկացաւ վաճառականը, թէ ինչն էր այդպէս կատաղարար հաշում և յարձակում իր վրայ հաւատարիմ շունը, և նա աւելի ցաւեց շան, քան թէ փողերի վրայ: Նա իսկոյն յետ դարձրեց ձիու գլուխը, բայց շանն այնտեղ չըգտաւ, ուր թողել էր: Արիւնի հետքը ցոյց էր տալիս, որ շունն յետ էր դարձել: Ո՛րքան ցաւեց բարբի վաճառականը, երբ արիւնի հետքը բռնած գնալով՝ նա գտաւ հաւատարիմ կենդանուն փողերի քսակի վրայ ընկած: Գիտակցարար նայում էր շունը իր տիրոջը և փաղաքշանքով լիզում նրա ձեռքերը: Մի

բանի րոպէից յետոյ շունը սատակեց, իսկ վաճառականը տխուր-տըրտում վերադարձաւ տուն:

Մի վաճառական չիով ճանապարհորդելու դուրս եկաւ. նրա յետեից վազում էր նրա հաւատարիմ շունը: Վաճառականը գնում էր մի մեծ գումար ստանալու: Փողերն ստացաւ, ոսկով լիք քսակը կապեց թամբի յետերը և ճանապարհ ընկաւ դէպի տուն: Ծանապարհին քսակի կապը կտրեց, պարկը վայր ընկաւ, իսկ վաճառականը այս բանը չընկատեց: Սրատես շունը տեսաւ այդ և փորձեց վերջնել քսակը իր ատամներով, բայց զգաց, որ դա ուժից բարձր է: Այն ժամանակ քսակը թողնելով, վազեց, հասաւ տիրոջը, առաջ անցաւ, սկսեց յարձակել ձիու վրայ և կատաղութեամբ ու յամառութեամբ հաշելով, աշխատում էր նրան կանգնեցնել: Պատճառը չիմանալով, վաճառականը բարկանում էր շան վրայ, հայեցում նրան, խփում էր մտրակով, — բայց ոչ մի բան չէր օգնում: Հաւատարիմ կենդանին շարունակում էր յարձակել ձիու վրայ այնպիսի կատաղութեամբ, որ կարծես կամենում էր ցած քաշել տիրոջը: Տեսնելով որ ոչինչ չի օգնում և որ վաճառականը հեռագհետէ հեռանում է, շունն սկսեց կծոտել ձիու ոտները, որ գոնէ դրանով հարկադրէ իր տիրոջը յետ դառնալ: Վաճառականը վախեցաւ, նա մտածեց, թէ մի գուցէ շունը կատաղել է և պիտեհարով, թէ որքան վտանգաւոր են կատաղած շները, նա վճռեց սպանել իր հաւատարիմ ծառային:

### 20. ԵՐԿՆՔԻ ԶԱՆԳԱԿԸ

Հին, շատ հին ժամանակներում, երբ ոչ թագաւորներ կային, ոչ իշխաններ և ոչ դատաւորներ, մարդկանց գործերը քննուում էին մի մեծ զանգակով, որ կախւած էր երկնքից:

Մարդիկ իրանց վէճերի համար դիմում էին այդ զանգակին: Վկաներ կանչելու սովորութիւնը չըկար այն ժամանակ:

ներում և այդ հարկաւոր էլ չէր, որովհետեւ զանգակն այնպիսի մի հրաշալի գորութիւն ունէր, որ առանց վկաների ցուցմունքի ինքն էր ամենաճիշտ և ամենաանաչառ կերպով ցոյց տալիս, թէ ով է արդարը, ով է մեղաւորը:

Զանգակը կախած էր մի ընդարձակ դաշտի վրայ: Նրա տակ, գետնից բաւական բարձր, շինած էր մի բեմ, որի վրայ բարձրանում էին սանդուխքով: Գանգատաւորները միայն իրաւունք ունէին բարձրանալու այդ բեմը, իսկ հանդիսատես ամբոխը կանգնում էր ներքեւ՝ դաշտի վրայ: Եւ ոչ մի ձայն, ոչ մի շշուկ չէր լսւում ահագին ամբոխի միջից. զանգակը համարւում էր մի սրբութիւն, որ Աստուած ինքն էր կախել երկնքից չարամիտ մարդկանց անօրէն գործերը քննելու համար:

Գանգատաւորները բարձրանում էին բեմը և փոխէփոխ բռնում էին զանգակի լեզակի թոկից: Նա, ով մեղաւոր էր, բնաւ չէր կարողանում շարժել լեզակը, իսկ նա, ով որ արդար էր, հէնց որ բռնում էր թոկից, լեզակն իսկոյն շարժւում էր, և զանգակը զրնգզրնգում էր:

Սօսք չրկայ, ինարկէ, որ մարդիկ այդ ժամանակներում շատ սիրով և հաշտ էին ապրում իրար հետ, և շատ հազիւ էր պատահում, որ մէկը միւսի հետ որևէ տարաձայնութիւն ունենար, որովհետեւ ամենքին էլ յայտնի էր զանգակի հրաշալի գորութիւնը. ամենքն էլ գիտէին, որ ոչ մի դէպքում մեղաւորը արդար չի գուրս գայ, արդարը—մեղաւոր:

Բայց ինչպէս եղաւ, որ այդ զանգակն այժմ այլ ևս չրկայ, ինչպէս եղաւ, որ մարդիկ զրկեցին մի այդպիսի անաչառ դատաւորից:

Մի անգամ մէկն իր հարեանին փող էր փոխ տւել: Նշանակած ժամանակից յետոյ, երբ նա պահանջեց իր փողը, պարտապանն ասաց. թէ տւել է: Սա թէ՛ «չես տւել», նա թէ՛ «տւել եմ»:

— Դէ որ տւել ես, արի՛ գնանք զանգակի դատաստանին, — ասաց պարտատէրը:

— Գնանք. — ասաց պարտապանը:

Գնացին:

Նետաքրքիր ամբոխը շրջապատել էր զանգակի բեմը: Ամենքը անհամբեր սպասում էին զանգակի դատաստանին:

Գանգատաւորները բարձրացան բեմը:

Որովհետեւ մեղաղբողը պարտապանն էր, այդ պատճառով առաջ նա պէտք է բռնէր զանգակի թոկից: Նա ձեռքին մի հաստ գաւազան ունէր, զանգակի թոկից բռնելուց առաջ այդ գաւազանը տւեց պարտատիրոջը և դարձաւ զանգակին.

— Այ զանգակ, այ անաչառ դատաւոր, դու ասա՛ պարտքըս տւել եմ թէ ոչ:

Ասաց ու բռնեց զանգակի թոկից:

Ու բռնեց թէ չէ, զանգակը զրնգզրնգաց: Դա նշան էր, որ պարտքը տւած էր:

Պարտատէրը մնաց տեղնուտեղը ցամաքած:

— Դէ, հիմի էլ կասես չեմ տւել—ասաց նրան պարտապանը, գաւազանն առաւ նրա ձեռքից և յաղթական կերպով իջաւ բեմից:

Ամբոխը դիմաւորեց նրան ծափերով, իսկ պարտատիրոջն սկսեց թքել ու մրել, որ պարտքը ստանալուց յետոյ չէր ամաչել զանգակի դատաստանին դիմելու:

Բայց այստեղ մի հրաշք կատարւեց. զանգակը լեզու առաւ և սկսեց խօսել ահաւոր ձայնով:

— Դուք, մարդիկ, — ասաց նա, — լսեցէք ինձ: Այսքան ժամանակ ես ձեր դատաւորն եմ և երբէք չի պատահել, որ նարդար դատաստան անեմ: Բայց իմ այսօրւայ դատաստանն անարդար էր, որովհետեւ ձեզնից մէկը յանդգնեց խաբել ինձ: Նա իր պարտքը չէր վճարել, բայց որպէսզի իմ առաջ արդար դուրս գայ, տեսէք թէ ինչ խորամանկութեան էր դիմել. փորել էր ձեռքի գաւազանը, փորւածքի մէջ թագցրել էր պարտք վերցրած փողերը և երբ եկաւ, որ լեզակիս թոկից բռնի՛ գաւազանը տւեց պարտատիրոջ ձեռքը: Այդ ըրպէին յիրաւի որ պարտք վերցրած փողերը տւել էր պարտատիրոջը, և ես չէի կարող իմ զանգահարումով չըյայտարարել, որ պարտքը տւել է: Բայց յետոյ ի՛նչ արաւ նա. — նա պարտատիրոջից յետ առաւ իր գաւազանը մէջն ածած փողերով և դեռ ձեզնից ծա-

փեր էլ ստացաւ, իսկ խեղճ արդար պարտատէրը ձեր կողմից թուք ու մրի արժանացաւ: Դուք, մարդիկ, լսեցէք ինձ: Օրինակը վարակիչ է: — այսօր ձեզմից մէկը խաբեց ինձ, վաղը նրան հետևելով՝ միւսը կըխաբի, երրորդ օրը՝ մի ուրիշը և այսպէս անվերջ: Որ այդպէս է, դուք արժանի չէք ինձ պէս անաչառ դատաւորի. գնացէք այսուհետև դատեցէք դուք ինքներդ ձեզ, և թող ձեր մարդկային դատաստանը միշտ անարգար լինի:

Ասաց զանգաղն ու անագին զղրղիւնով թուաւ երկինք:

### 21. ԿԱՂՆԻՆ ԵՒ ԵՂԷԳԸ

«Այ եղէգ,  
Ի՞նչ ցեղ էք»,  
Ասաւ անագին  
Կաղնին եղէգին:  
«Քո ուժդ ի՞նչ է,  
Որ քամին փրչէ՝  
Կամ պէտք է դողաս  
Կամ փուլես սողաս:  
Խլէզ ու ճլէզ,  
Մասիս սարն եմ, տես.  
Արեւ զիտե՞ս,  
Զի հասնում զօտիս,  
Մըրթիկը՝ ոտիս,  
Գայիր էլի,  
Ողորմելի,  
Իմ սուերի տակ բուսնէիր,  
Վատ եղանակ չտեսնէիր:  
Իմն է կեանքը էս աշխարհում»: Խօսքը բերնում,  
Մին էլ օգում, մըթնոլորտում

Որոտ, ճայթոց,  
Ամպի պայթոց,  
Կայծակ անեղ,  
Կարկուտ, հեղեղ,  
Խենթ ու խռոտ  
Քամին զիւտ  
Փնչուն,  
Վըչուն  
Իրան առած,  
Մի սոսկալի  
Մըրթիկ դառած՝  
Զլեց,  
Խլեց  
Կաղնին տակից  
Ու երկնքի  
Եօթը յարկից,  
Որ չը շփեց  
Ցածի ժայռին, —  
Փշրեց թափեց  
Հսկայ ծառին:



### ԵՐԿՐՈՐԴ ԲԱԺԻՆ

ԳԻՒՂԱԿԱՆ ԵՒ ԶԱՂԱՔԱՅԻՆ ԿԵԱՆՔ

### 22. ԱՐՅՈՒՆՔԻ ԱՂԲԻԻՐ

Մօտեցաւ արևն Արևմուտ սարին ու դօշին չորեց: «Գնում եմ մօրս ծոց, ճամփայ տուր, թէ չէ՝ կըվառեմ ես քեզ»: Մարը կռացաւ ու ճամփայ տւեց, արեւ ժպտաց, սարերի զլուխներ, ամպեր ու երկինք կարմրեցին յանկարծ:

Նախիրն է գառնում հեռու դաշտիցը, գառներ են մայում, այծեր մըկըկում, կովեր բառանչում, երեխաներ ծըւում: Ինչո՞ւ են լալիս սրանք լեղաճաք, այս ի՞նչ պատահեց:

— Վայ, Մարէ-մէրիկ, գոռում են նրանք, օրդ խաւարեց: Ան Զորի միջում մենք խաղում էինք ալաջա պարը, երբ վրայ տւին մեզ յանկարծ փաշայի քուրդ նօքարները: Նրանք մըաւակով մեզ լաւ ձեծեցին ու տուն քշեցին, իսկ քո Անուշին ամուր կապեցին ու թամբին զրին: «Մայրիկ էր կանչում, մայրիկ ջան, ո՞ւր ես, ինձ սպանեցին»: Բայց նրանք Անուշին ապտակ խփեցին, իսկոյն լուցրին: Նա ձայնը կտրեց, քրդերը

փախան: Անուշդ կորաւ: Վայ, Մարէ-մէրիկ, քեզ սև լուր բերինք, օրդ սևացաւ:

Դառն կսկիծը նրա գլուխն ընկաւ, տանել չըկարաց. արցունքը ցամքեց, աչքերը պլշած ու կանգնած մնաց... Յանկարծ ծիծաղեց, խելքը կորցրած...

— Եկէք, բալաներ, այսօր Անուշին ես հարս եմ շինել, հարսանիք արել... մեռնեմ ես նրա մարմար թշերին, շիմշատ մատներին, մեռնեմ փեսայիս բոյ ու բուսաթին... դէ, պար բռնեցէք, հարսնիք է, բալէք»:

Ու ինքը սարեց... բայց յանկարծ ճշաց, մազերը փետեց ու դուրս արշաւեց...

Վեր կացաւ քամին, երկինք ու երկիր իրար հետ խառնեց, սև ու մուլթ ամպեր իր ծոցից հանեց, մէկ մէկի զարկեց: Լոտեց ամեն բան. քամին էր միայն, որ մոռնում էր, քամին էր միայն որ սուլում, ոռնում ու շառաչում էր...

Բայց ձորի միջից մի ձայն էր գալիս: Նա էլ հեծկտում, նա էլ է ոռնում ու վայ է տալիս: Արդեօք բորենին, թէ գայն է սպառնում այս խուլ գիշերին, թէ բուն է վախից սարսափած գիւղին սև շիւան բերում: Ոչ, ոչ, չի կարող ոչ մարդագելը, ոչ գայլը, ոչ բուն, — ոչ մի շնչաւոր չի կարող դիմանալ կատաղած քամուն: Մարէ-մէրիկն է այն ձորում նստած, Անուշին կանչում, ձայնը չի լսում, նա հեծկտում է, մազերն է փետում...

Բայց չի դադարում կատաղած ասարը. երկինքը ելաւ, անձրև ու կարկուտ իր միջից ժայթքեց, և մեկամաղձոտ նրա հետ՝ գիւղի գանգալն է հնչում, իսկ հեռու ձորից մի խուլ հեծկտանք նրա հետ խառնում...

Անցան տարիներ: Մարէ-մէրիկը ձորը չէր թողնում. մաղը գրգգրած, տկոտ ու նիհար խոտ էր ձարակում, աչքերին արցունք և թափառելով Անուշ էր կանչում:

Այսչափ կսկիծից, այսչափ արցունքից գազան փաշայի սիրտը չըկակղեց: Բայց ժայռը կակղեց, իր սիրտը պատռեց թըշւառ մօր լացից և արտահոսեց Սև-Ձորի միջից պաղ ու վճիտ ջուր, որ մինչև այսօր այնտեղ կոչում են «Արցունքի Աղբիւր»:

## 23. Բ Լ Բ Ո Ւ Լ Ի Ն

Արի, բլբուլ, մէկ տեղ նստենք,  
Ձէն-ձէնի տանք ու երգենք.

էս օրւանից դառնանք ընկեր,  
իրար խառնենք մեր ցաւեր:

Անցաւ գարուն, աշուն կուգայ,  
Շատ հեռու չէ և ձմեռ,  
Լաց, ընկեր ջան, էլ վարդ չըկայ,  
Թնւփը մնաց կիսամեռ:



Երգենք, ընկեր, ցաւը երգենք,  
Դու՛ բո մեռած ալ վարդի,  
Երգենք, ընկեր, ցաւը երգենք  
Ես՛ իմ աւեր վաթանի...

Անցաւ գարուն, վրշտոտ գարուն,  
Մօտ է աշուն, ցուրտ ձմեռ,  
Ախ ախպերս մնաց անտուն.  
Քոյրս քաղցից կիսամեռ...

Արի, բլբուլ, ցաւը երգենք  
Վարդի, աւեր վաթանի,  
Արի, ընկեր, իրար խառնենք  
Մրմուռ ցաւը մեր սրտի:

Արքի, բլբուն, մէկ պէշ Լարբին,

Չէն-չէնի քանի ու Իրգինի.

Հա օրւանից դառնանիք ընկիր.

Խրար Խառնինի մի քաւիր :

Մնայա գարուն, աշուն կու գայ.

Եւսր Կոու չէ և չմի

Լայ, ընկիր զան, էն վարդ չկայ,

Խու վր ընայ կրամիր :

24. Տ Է Ր Ն Դ Ա Ս

Մեր գիւղի համար Տեառնընդառաջն ընդհանուր ուրախութեան ասն է. այդ երեկոյ ամենքն էլ եկեղեցին են գնում, — ծերերը Սիմէօն ծերունու աղօթքն իրանց բարեխօս խնդրելու, հասակաւորներն իրանց գլխարկների մէջ օրհնած մոմ կաթեցնելու, որպէսզի ամառը շանթ ու որոտից, հուր ու կայծակից ազատ-ապահով լինին, իսկ երեխաները գնում են վառած մոմերով օրհնած կրակը բերելու Տէրնդասն այրելու համար:

Տէրնդասի համար նիւթեղէն պատրաստելու ծանրութիւնն ամբողջովին ընկնում էր մեզ՝ երեխաներիս վրայ, և մենք արդէն մի շաբաթ առաջ մեծ նեղութիւն կրելով հաւաքում էինք խոտ, յարդի կրճոնք, հին քթոցներ, փուշ, տատասկ և տաշեղներ:

Երեկոյեան վերջապէս աստղերի հետ միասին ժամօրը դուրս է գալիս ժամից, և վառած մոմերի անագին հեղեղը՝ հեաղհեաէ ճիւղաւորելով գիւղի ծուռ ու մուռ փողոցներով, պատկերացնում է մի սքանչելի հրաւառութիւն, մի չրտեսնւած լուսաւոր տեսարան գիւղացու մտայ կեանքում, որի ազօտ նմանութիւնը կրկնւում է միայն Զատիկի գիշերը, երբ լուսաղէմին գիւղացիները վառած մոմերով այցելութեան են գնում իրանց ննջեցեալների գերեզմաններին:

Ահա եկեղեցու մօտ գանուղ աներից մէկի կտուրի վրայ ճրրթճրրթալով բորբօրեց հսկայական խարոյկը. թանձր ծուխը հրեղէն լեզուների հետ գրկախառնելով՝ քուրա քուրա սկսեց գէպի վերև բարձրանալ. նրան հեռեց երկրորդը, երրորդը, չորրորդը... մի րոպէ ևս, և անա գիւղն ամբողջապէս խորասուզւած է ծխի ու կրակի ալիքների մէջ. կարծես Սողոմ և Գոմոր մեղապի քաղաքների նման գիւղը խեղդւում է երկնքից թափւող հուր ու ծծումբի մանաբեր տարափի տակ:

Սակայն սուգ ու շիւանի, լաց ու հառաչանքի ձայն չէր, որ լսւում էր խարոյկների շուրջը, այլ մանկական առոյգ ձիչն ու աղաղակը և աղջիկների անուշ ծիծաղն ու խնդումն էր, որ բռնել էր ամեն տեղ:

Մեր տունը գտնւում էր գետի ծայրում. երբ մենք՝ երեխաներս ժամի ճանապարհին սրահնրա Տէրնդասի մօտ հրամեցրած հատիկով ու խէծաղով գլուխներս խառնւած՝ վառած մոմերով մի փոքր ուշացած էինք տուն վերադառնում, մերոնք արդէն կազմ ու պատրաստ մեզ սպասելիս էին լինում Տէրնդասի մօտ: Սիմէօն պապս ամենայն ջերմեաւանդութեամբ վեր էր առնում մեր ձեռքից վառած մոմը, նախապէս երեսը գէպի արևելք դարձնելով՝ երեք անգամ խաչակնքում էր և ապա կիսաձայն ինչ-որ մըմնջալով՝ մոմը մօտեցնում էր Տէրնդասին ու կրակ տալիս. դա ծառայում էր որպէս ազգանշան մեզ համար, և մենք ամեն կողմից կրակ տալով խարոյկը՝ բացականչում էինք, «եալլա՛, եալլա՛...»:

Մեր ձայներու վրայ անից դուրս էին գալիս Զանիլ հարսներն ու ազապ աղջիկներն և իրանց հետ բերում էին հատիկ,

մեղրած խէծաղ, մէջը մանր յուրունքի նման շաքարեղէններ ածած, և լազուտ. նրանք գիւղական այդ քաղցրաւէնիքը հրամ-  
ցնում էին ոչ թէ միայն մեզ—տնեցիներին, այլ և բոլոր այն  
հարեաններին, որոնք այդ տարի սգաւոր լինելով՝ Տէրնդաս  
չէին վառել և մեզ մօտ հիւր էին գտնուում:

Երբ կրակի բոցերը փոքր ինչ մեղմանում էին, մենք—  
երեխաներս ձեռք-ձեռքի բռնած՝ սկսում էինք խարոյկի շուր-  
ջը պտոյտ գալ և ապա մէկ մէկու յետևից կրակի միջով թռու-  
չել, որպէսզի քաջ լինենք և ոչ մի բանից չըվախենանք:

Կրակը մեծ սրբութիւն է գիւղացու համար. բացի այն,  
որ նա տաքացնում է, նա հեռու է վանում և չար ուղիներին.  
Նա առողջութիւն է պարգևում հիւանդներին, նա քաջութիւն  
է ներշնչում երիտասարդներին և իմաստուն ծերերի համար  
ծառայում է որպէս հարուստ նիւթ՝ ապագայի վերաբերմամբ  
գանազան գուշակութիւններ անելու:

Ահա այս էր պատճառը, որ երբ խարոյկի շուրջն ամենքն  
իրանց գործով զբաղեցին, պապս ու մեծ հօրեղբայրս էլ իս-  
կոյն իրանց գերի մէջ մատն և նրանց ուշքն ու միտքն ամ-  
բողջովին գրաւեց այն հաբցով, թէ դէպի որ կողմն է թեք-  
ւում խարոյկի ծուխը. սակայն այնքան էլ հեշտ բան չէ այդ,  
որովհետև մարտի քամիների նման քմահաճ ու փոփոխական է  
Տէրնդասի ծուխը. անորոշ կերպով նա մերթ աջ է օրօրում  
և մերթ ձախ, մինչև որ վերջապէս ընդունում է մի որոշ ուղ-  
ղութիւն, որից և գիւղի ակտորներն ու գիտուն կարծեալներն աշ-  
խատում են գուշակութիւններ անել, եզրակացութիւններ գուրս  
բերել տարւայ բերքի որակի ու քանակի վերաբերմամբ, բանն  
այն է, որ ծխի ուղղութիւնը ցոյց է տալիս, թէ այդ տարի  
գիւղի որ կողմում գտնուած արտերն ու այգիներն առատ հունձ  
են տալու, որոնք՝ վատ և որոնք՝ միշակ: Օրինակ, ծխի կողմը՝  
լաւ, հակառակ կողմը՝ թոյլ, իսկ աջ ու ձախ կողմերը՝ միշակ  
եթէ ծուխը բարձր է գնում, ասում են, աշնանացանն է առատ  
լինելու, իսկ եթէ ցած՝ գարնանացանը:

Այդ երեկոյ պարապ չեն և գիւղի պառանները. խարոյկը  
վերջանալու մօտ, յիշում եմ ինչպէս մէջքից կորացած մամս

կտորած թիակը ձեռքին՝ մօտենում էր կրակին, երկիւղածօրէն  
ինչ-որ աղօթք էր փրկեցնում և կրակախառն մոխիրը վեր-  
ցնելով տանում, տան երթիքից վայր էր թափում ու բար-  
ձրաձայն կանչում երեք անգամ. «լոյսը ներսը, մութը դուրսը».  
Իսկ մենք՝ երեխաներս տնազելով նրան ասում էինք՝ «կատուն  
ներսը, մուկը դուրսը»:

Գիւղական կեանքն այդ օրւանից զգալի փոփոխութիւն է  
կրում, որովհետև գիւղացիները Տէրնդասի կրակի մէջ զցում  
ու այրում են բոլոր խրճրնկայները, որոնցով միջև այդ ծած-  
կում էին իրանց երթիկները, և դրանից յետոյ երթիկները  
բաց են թողնում:


1. Համեմատեցէք ձեր տեսած Տէրնդասը այս Տէրնդասի հետ:

## 25. Ս Ա Ր Ի Ո Ր

Արևը չելած՝ սարևորն արթնացաւ,  
Նորից ձորերում աղմուկ բարձրացաւ,  
Նորից սայլի տակ ճրոռում է ճամփան,  
Փրփրում հարսի քօղն ու դաթիբան.  
Դալար իւրդերը ամպերի տակին  
Աչքերը զցած քոչւորի ճամփին՝  
Փպտալով յակինթ ցօղերով առատ,  
Կանչում են կարծես բոյրով անարատ:  
Կանաչի վրջան աւթաւան<sup>1)</sup> ձեռքին՝  
Կրօնասէջ թուրքը չօքեց նամազի,  
Չեռները զգոյշ տանելով միրքին՝  
Աղօթք է անում Աստուծոն մեկուսի:  
Կէսօր է արդէն, կանաչ Լալւարից  
Իջնում է հանգիստ ոչխարը կրթի.

1) Ջրամանի տեսակը:

Կրթւելու մաս-մաս, անցնում է բերից, <sup>1)</sup>  
 Լսում է անուշ փրշոցը կաթի:  
 Հովիւ, հովուհի նստոտած շարքով  
 Կրթում են ուրախ և անհոգ խընդում,  
 Իրբեմն էլ այրած անուշիկ երգով  
 Սէր են զարթեցնում մէկ-մէկի սրտում:  
 Վերջացաւ արդէն ոչխարի կիթը,  
 Կաթսաներ տարան թարմ կաթնով լիքը.  
 Մէկն էլ գդակը շարժելով օգում,  
 Դեռ գառնարածին՝ «էկ, հէյ» է կանչում.  
 Երկար շանցնելով, սարի գագաթին  
 Գառների կայտառ հօտը երևաց.  
 Խառնուելով նրանք մայրերի հօտին,  
 Բերկրանքի յոյզով մայում են ցրւած.  
 Կանչում են, բայում գառն ու մաքին,  
 Անուշ ձայներով փրնտրում են միմեանց.  
 Ո՛րը գտնելով իրա գառնուկին,  
 Ծըծել է տալիս, փայելով սրտանց,  
 Ո՛րը խաղում է մօր հետ կուշա փորով,  
 Ո՛րն էլ մտնում է տխուր մայելով.  
 Եւ ամեն անգամ գառը մէր տալիս<sup>2)</sup>  
 Կարծես թէ անուշ համերգ են տալիս:



Գրեցեք այս պատկերը և պատկերը թէ ինչպէս գործանք գործեցիք «արն են գում» եւ  
 նոյն գրի ամէն:

1) Ոչխար կիթելու տեղը: 2) Մայրերին տալիս, ծծեցնելիս:

## 26. ՓՈՒՔՐԻԿ ՀԱՅՐԵՆԱՍԷՐԸ

Իսպանիայի Բարցելոնա քաղաքից մի ֆրանսիական նաւ մեկնեց դէպի Գենովա: Շոքենաւում նստած էին ֆրանսիացիներ, իտալացիներ, իսպանացիներ, շեյարացիներ. ճանապարհորդներին մէջ կար տասնըմէկ տարեկան վառ հագնւած մի պատանի: Նա մի կողմ էր քաշւած և խոժոռ հայեաքով նստում էր ուրիշներին: Իրաւունք էլ ունէր այդպէս նայելու: Երկու տարի առաջ հայրն ու մայրը, որ Պատուայի գլխագիւններ էին, նրան վաճառել էին մի դերասանական խմբի: Այդ խմբի հետ նա անցել էր Ֆրանսիա, Իսպանիա և սովից տանջւել էր: Նրան սովորեցնում էին ձեռնածու թիւններ (ֆոկլուներ) անել ու ձեռնում էին: Նրբ Բարցելոնա հասան, նա այլևս չըկարողացաւ տանել սովն ու հարւածները. նա փախաւ իր տիրոջից և դիմեց իտալական հիւղատոսի պաշտպանութեանը: Հիւղատոսը խղճալով տղային, մի տոմսակ տւեց նրան ձրիաբար մինչև Գենովա գնալու: Միաժամանակ մի նամակ էլ տւեց Գենովայի իշխանութեանը յանձնելու, որպէսզի վերջինս տղային իր ծնողներին հասցնէ. այն ծնողներին, որոնք վաճառել էին նրան իբրև մի անասուն: Խեղճ աղան ցնցոտիներ ունէր հազին և սաստիկ նիհարել էր: Նրան տեղ տւին շոգենաւի երկրորդ կարգում: Ամենքը հետաքրքրւում էին նրանով և հարցեր ուղղում, բայց նա ոչ մի պատասխան չէր տալիս. լկանքից ու գրկանքից զառնացած՝ նա կարծես բոլորին էլ ատում էր: Բայց և այնպէս ճանապարհորդներից երեք հոգի ստիպեցին նրան խօսել և նա իսպաներէն իտալերէնի հետ խառնելով, պատմեց իր արկածները: Այդ երեք ճանապարհորդները իտալացիներ չէին, բայց հասկացան նրա պատմածը: Մասամբ հարբած լինելով և մասամբ կարեկցելով տղային, նրանք մի քիչ փող տւին նրան: Այդ միջոցին սրահը մտան նոր մարդիկ. այն երեքը պարծենալով նորից սկսեցին զրամներ շարտել և գոռալ. — այս էլ վերցուր, հաւաքիր:

Տղան զրամները ժողովեց, կիսաձայն ու տրամազին շնորհակալ եղաւ և այս անգամ նրա աչքերը կարծես փոքր ինչ

մեղմացան: Յետոյ իր օթեակի անկողինը մտաւ և վարագոյրը քաշելով՝ սկսեց իր գործերի վրայ մտածել: Այս փողերով կարելի է որևէ համեղ բան ուտել... Ի՞նչ լաւ կըլինէր երկու տարւայ սովալլուկ կեանքից յետոյ: Գենովա հասնելուն պէս կարելի է նաև շորեր գնել: Ի՞նչ փառաւոր բան կըլինի երկու տարի ցնցոտիներ հագնելուց յետոյ... կարելի է տուն տանել փողերը. այն ժամանակ հայրն ու մայրը նրան մարդավարի կրնդունեն: Եթէ ոչ՝ կասեն — դարձեալ դատարկ տուն եկար... Տղան երջանիկ էր և շարունակում էր մտածել, թէ ինչպէ՞ս գործադրէ գանձը:

Այն ինչ երեք ճանապարհորդները նոյն կարգի դաճիճում նստած, խմում էին, խօսում իրանց տեսած երկրների մասին: Վերջապէս նրանք սկսեցին և Իտալիայի մասին խօսել:

Մէկը գանգատում էր պանդոկներից, միւսն երկաթուղիներից. յետոյ սկսեցին Իտալիայի ամեն ինչը հայնոյել: Մէկը գոռում էր, թէ աւելի լաւ է Լապլանդիայում ճանապարհորդել, միւսը՝ թէ Իտալիայում ամենքն էլ խաբեբաներ են. երրորդը՝ թէ իտալացի պաշտօնեաներն անգրագէտ են: — Տղե՛տ ժողովուրդ է, ասաց առաջինը: — Կեզոտո ժողովուրդ է, աւելացրեց երկրորդը: — Գողեր են, սկսեց երրորդը և գեռ խօսքը չէր վերջացրել, յանկարծ սուղիներ ու ֆրանկներ էին, որ գնդգնդալով տեղացին յատակի վրայ, սեղանի վրայ և մանաւանդ նրանց գլխին: Երեքն էլ կատաղած վեր թռան և սկսեցին դէս ու դէն նայել: Յետ առէք ձեր փողերը, — գոռաց տղան, դուրս նայելով վարագոյրի յետևից, — իմ հայրենիքը նախատողներից ես ողորմութիւն չեմ ընդունում:

## 27. ԱՐԴԱՐ ԴԱՏԱՍՏԱՆ

Պաղեստինում մի ընտանիքի մէջ ապրում էին երկու կին: Դրանցից իւրաքանչիւրը մի-մի ծծի երեխայ ունէր: Մի անգամ, գիշերը, կանանցից մէկը քնած ժամանակ իր երեխային տակովն արաւ, կանանցից մէկը քնած ժամանակ իր երեխային տակովն արաւ, խեղդեց: Արթնանալով և նկատելով այդ՝ նա իր քնած դրացու մօտից կամացուկ վեր առաւ նրա կենդանի երեխային, իսկ մեռածին դրեց նրա անկողինը: Առաւօտը, երբ այս վերջինը կամենում էր կերակրել



իր որդուն, յանկարծ տեսաւ, որ երեխան մեռած է և իսկոյն ճանաչեց, որ դա իրանը չէ: «Սա իմ որդին չէ,—ասաց զբացուհուն,—այլ քոնն է, տո՛ւր ինձ իմ զաւակը»:—«Սուտ ես խօսում,—վրայ բերեց միւտը,—այլ քո որդին է, իսկ կենդանին իմն է»:

Եւ նրանք սկսեցին վիճել: Հաւաքւեցին ժողովիկ, բայց ոչ որ չէր հասկանալ, թէ նրանցից ո՞րն է ճշմարիտը:

Այդ ժամանակ Պաղէստինում իշխում էր Սոդոմոն անունով մի իմաստուն թագաւոր: Կանայք վեր առան թէ մեռած և թէ կենդանի երեխաներին և բերին թագաւորի մօտ:

Սոդոմոն թագաւորը, լսելով նրանց զանգատը, իսկոյն կանչեց իր թիկնապահները մէկին և հրամայեց կենդանի երեխային կէս անել ու բաժանել զանգատաւորներին: Հէնց որ երեխայի հարագատ մայրը լսեց այս հրամանը, իսկոյն թագաւորի ոտներն ընկաւ և ասաց,—«Տէ՛ր թագաւոր, մի, հրամայիր սպանել երեխային, տո՛ւր, թող նրան լինի, միայն թէ կենդանի մնայ»: Իսկ միւս կինն ասաց —«Թագաւորն արգար դատեց. թող սա ոչ քեզ լինի, ոչ ինձ»:

Թագաւորն իսկոյն հասկացաւ թէ կանանցից ո՞րն է մանուկի հարազատ մայրը և հրամայեց նրան տալ երեխային:

Այսպէս արեւում մի ընդամենը մէջ ասրում էին իր-կու կին: Որքանից իւրաքանչիւրը մի-մի թիւ իրիցայ ունէր: Մի անգամ գիշերը, կանանցից մէկը քնած ժամանակ իր իրիցային ցածուկն արաւ, խեղդից: Անքունաւորով և նկարիչով այդ նա իր քնած դրսայու ծօցից կանայուկ վիւր ատաւ նրա կենդանի իրիցային իսկ մի-միին դրից նրա անկողինը:

28. Հ Ա Յ Ր Ե Ն Ի Ք

Է՛յ շան - հայրենիք,  
ինչքան սիրուն ես,  
Սարերդ կորած երկնի մովի մէջ,  
Ջրերդ անուշ, հովերդ անուշ,  
Մենակ բալէքդ արիւն-ծովի մէջ:  
Քո հողին մեռնեմ,  
Անգին հայրենիք,  
Ա՛խ, քիչ է, թէ որ մի կեանքով մեռնեմ.  
Երնէկ ունենամ հազար ու մի կեանք,  
Հազարն էլ սրտանց քեզ մատաղ անեմ:  
Ու հազար կեանքով  
քո դարդին մեռնեմ:  
Բալէքիդ մատաղ, մատաղ քո սիրուն.  
Մենակ մի կեանքը թող ինձի պահեմ  
Էն էլ քո փառքի գովքը երգելուն,—  
Որ արտուտի պէս  
վեր ու վեր ճախրեմ  
Նոր օրւայ ծէգիդ, ազիդ հայրենիք,  
Ու անուշ երգեմ, բարձր ու զիլ գովեմ  
Կանանչ արեդ, սիրուն հայրենիք...

29. Հ Ա Յ Ա Ս Տ Ա Ն Ի Պ Ա Ն Դ Ո Ւ Խ Տ Ը

Հայ ազգը օր ըստ օրէ թողնում է իր երկրները և կենդանանում քաղաքներում: Աղքատութիւնն ստիպում է նրան թողնել իր տունը, իր ընտանիքը, իր ամուսինը, իր զաւակները և գնալ Պօլիս՝ կամ այլ քաղաք աղքատութիւնից ազատելու համար: Բայց այդ տեղերում ևս նրան դիմաւորում է էսպէս նոյն աղքատութիւնը, գուցէ մի փոքր քաղաքային ամօր կերպարանքով:

Իրա վրայ աւելացրու ընտանեկան կեանքից զրկւիլը, դժոխային աշխատանքը, որով պիտի շահէ մի քանի յաւելեալ դուրուշներ, անտուն և անմաքուր կեանքը, որ պիտի անցկացնէ զանազան իշկաններում: Երեկոյեան տուն պիտի գայ յոգնած, ուժասպառ, շատ անգամ և վնասած անդամներով, իսկ լուսաբացին նոյն եգիպտական աշխատանքն է, որ սպառնում է նրան: Չըկայ այն ընտանեկան մխիթարութիւնը, ամուսնու և զաւակների այն մտերմական ու անմեղ հայեացքը, որ առանց խօսելու կարող են ամօքել ճակատագրի դառնութիւնը: Եւ այսպէս, իբրև գրաստ, իբրև մեքենայ ծառայելով արտաուելի օտարութեան մէջ, տասն-քսան տարուց յետոյ կամ մեռնում է այնտեղ, թողնելով իր ընտանիքը ծայրայեղ թշուառութեան մէջ, կամ վերադառնում է դէպի իր երկիրը: Վերադառնում է... բայց ոչ այնպէս առոյգ ու զւարթ, ինչպէս դուրս էր եկել այնտեղից, այլ հասակն առած, ուժասպառ, թոշնած: Վերադառնում է իր տունը, երբ կորցրել է աշխատելու ընդունակութիւնը և յարմարութիւնը: Ուրեմն՝ վերադառնում է նա միմեայն իր ներկայութեամբ, իր կարօտ ու աղքատ ընտանիքի թիւն աւելացնելու համար:

Եւ անա նրա տասն և ութը կամ քսան տարեկան որդին, որ աճել ու զօրացել է իբրև մի ծաղիկ իր սեպհական հողի վրայ, առնում է ձեռքը իր հօր պանդխտական գաւազանը և դնում է...

— Ո՛ւր բարով:

«Պօլիս, Տրապիզոն և այլն և այլն»:

— Ինչո՞ւ համար:

«Աշխատելու և ընտանիքիս օգնելու»:

— Աշխատելու և ընտանիքիս օգնելու, — կրկնում է խօսակիցը անհնարին տխրութեամբ:

Անցնում է նրա վրայով մի քանի տարի. յանկարծ այս նորեկը լուր է առնում, որ հայրը մեռել է, մայրը հիւանդ է: Մի փոքր ժամանակից յետոյ մայրն էլ մեռնում է:

Պանդուխտ ընկերները գալիս են նրան. մխիթարելու: Մի երկու բաժակ զինի... մի քահանայ, մի «հողոց», և պանդխտի

սիրտը պաղում է այն աշխարհից, ուր ծնւել էր... Ի՞նչ բանի համար վերադառնայ: Նա գտնելու չէ իր տունը, իր ծնողներին. նրա աչքին պիտի հանդիպին երկու գերեզման և մի ամալի բնակարան, եթէ և այն չէ անցել օտարի ձեռքը: Նա որոշում է մնալ օտարութեան մէջ և այս որոշումով յօժարում է մինչև տակը խմել թշուառութեան բաժանը: Այն, մնում է նա, բայց տունը քանդուկ:

Արդեօք քանի-քանի ընտանիքներ ընկնում են այսպէս:



Մասիս սարը և Արարատեան դաշտը:

### 30. ՊԱՆԴՈՒԽՏԻ ԵՐԳԸ

Օտար երկիրը, օտար արև,  
Որ շողում էք գլխիս վերև,  
Ինչքան շողաք... դուք ինձ համար  
Միշտ կըմնաք զիշեր խաւար...

Միրտս տոչոր՝ ձեզ նայելով,  
Անտէր, պանդուխտ կեանքս լալով,

Օր չի անցնում, հայրենիքիս  
Վառ կարօտը շայրի հոգիս:

Մատանդ լինիմ նրա պայծառ  
էն երկնքին, ուր սիրավառ  
Ոսկի արևն ինձ վերևից  
Փայփայել է մանուկ օրից:

Հայրենիքիս խաղաղ ծոցում,  
Ինչպէս փափուկ օրօրոցում,  
Ես մեծացել, կեանք եմ առել.  
Նրա շնորհով մարդ եմ դառել:

Ո՞նց մոռանամ ես էն օրհնած.  
Սարն ու ձորը ծաղկով լցւած,  
էն կենսատու ջուրն ու հողը,  
Քարունքի էն հովն ու ցօղը:

Ո՞նց մոռանամ ես էն փարթամ  
Իաշան ու արտը, ուր շատ անգամ  
Ասես թիթեո՛ թոթոացել,  
Արար-աշխարհն եմ մոռացել:

Ուր լսել եմ սրտիս ազիզ  
Գեղջուկ մշակ եղբայրներիս  
Իտոն լացը, կուշտ ծիծաղը,  
Ուրախ-ուրախ երգն ու տաղը...

Օտար երկինք, օտար արև,  
Որ շողում էք գլխիս վերև,  
Ինչքան շողաք... դուք ինձ համար  
Միշտ կրմնաք գիշեր խաւար...

Օրսր իրկրնի, օրսր արև.

Որ շողում էք գլխիս վերև.

Թնչանն շողաք... դուք ինչ եսանք

միշտ կրմնաք գիշեր խաւար...

Արքարս քոչորի չից նայելով,

Սնկրէր, պանդուխտս կանխա լայով,

Օր չի անցնում, հայրենիքիս

Վառ կարօտը շայրի հոգիս:

### 31. ԳԻՇԵՐԱՊԱՆ ՄԿՕԻ ԵՐԱԶԸ

Իսթան ձմեռան մի ցուրտ գիշեր էր: Թիֆլիզի մեծ փողոցներից մեկում, մի չքեղ տան դռան առաջ, մի մաշկած քուրք ուսերին՝ փալանի վրայ պըպզած էր մշեցի գիշերապան Մկօն: Նա աչքերը ձգած գետնին՝ ախուր մտածում էր... Լուսթիւն էր չորս կողմը, անցուդարձը կարելի էր. միայն երբեմն երբեմն գիշերաշրջիկ աղաների կառքը մօտից անցնելով՝ մի րոպէ նրա ուշքը գրաւում էր և կրկին գլուխը խոնարհում:

Գիշերւայ ժամը երկուսը խփել էր և անա մի կողմից ցուրտը, մի կողմից դադրածութիւնն ու նինջը կամաց-կամաց յաղթեց Մկօնին: Նա գլուխը թաղեց քուրքի մէջ, թիւն տուա պատին և անշարժ մնաց տեղը կուշ եկած: Հէնց էն է քաղցր քնի մէջ էր մտել, որ մեկը կողքին աքացի տալով գարթեցրեց.

«Տօ, ախմախ, էտէնց իս տանը մուղայլիթ կենսւմ, քեզ քանի շէր ասիլ իմ ու էլի իմ ասուամ, մէկ էլ էսէնց շնթոած չըտենսիմ քիզ թէ չէ...»

Խեղճ Մկօն քնից վեր թուաւ, տեսաւ տանտէր աղային, որ սամուր քուրքի մէջ կողուած, փոն-փոն անելով, բերանից հայնոյանքներ էր թափում: «Աղա, ոտացդ մեռնիմ, բաշխի, ցուրտ կէնէր չըդիմցայ ու աչքս նոր խուփ էրի»:

—Աբա փուղը վոնց ին դատում. 'երգնքեմէն խօս' դէվէր չէ թափում. անքուն վուր չըմնաս, էլ քիզ փուղ ինչի իմ տալի. էս վիրչի գամն իմ ասում, թէ մէկ էլ մրափած տեհիլ իմ քիզ, դուս կօնիմ»:

Աղան մի քանի սպառնալիքներ էլ տալով, քաշեց տան գանգը, դուռը բացեց և մըթմըթալով գնաց իր տաք սենեակում մինչև կէսօր խրմփալու, իսկ Մկօն վաշ-վիշ անելով, մի քանի րոպէ անցուղարձ արաւ տան դիմացը, սառած ոտները թմփթմփացրեց գեանին, որ քիչ տաքանայ ու կրկին քաշեց դռան անկիւնը և առաջւան մտածմունքի մէջ ընկաւ:

Նրա մտածմունքները Թիֆլիզի սահմանից շատ հեռու էին, նա մտքով փոխադրել էր Վասպուրական, իր հայրենի գիւղը. յիշում էր իր մանկութեան քաղցրիկ օրերը՝ երբ մի խումբ ընկերների հետ ձան (վէգ) էր խաղում, լճակներ շինում, դաշտում ծաղիկներ փնջում, կամ գառնուկներն առաջն արած՝ հանդում արածացնում. յիշում էր իր պատանեկութիւնը՝ երբ տափը վարելիս, հայրը գութանի մածը բռնած, իսկ ինքը եգներ լուծի վրայ հօտաղների հետ լայլայ կանչելով, երգում, աշխոյժ էր տալիս եղ ու գոմշուկին և ակօսի կողքից ընկնելով, ահագին դաշտը մի քանի օրում հերկում, պատրաստում էր... Յիշում էր իր երիտասարդութիւնը՝ երբ ամեն ինչ նրան ժպտում էր, ամեն ինչ նրա աչքին փայլուն էր երևում, որովհետև ոչ մի դառնութիւն դեռ նրանց շէմքից չէր մտել և հայրական տունը լիքն էր ամեն բարութիւնով: Բայց շուտով նրա առաջ արձանացան մի շարք պատկերներ, արիւն արտասուքով ներկւած. նա յիշեց այն սոսկալի օրը, երբ հինգ տարի առաջ քրդերը մտան իրանց

գիւղը՝ սուգ ու շիւան ձգեցին ամեն տուն, թալանեցին և իրանց խրճիթը, և երբ հայրը գութանի ձևիչը ձեռին պաշտպանում էր գազանների ձեռքից իր ընտանիքը, իր կայքը, ինչպէս քրդի նիզակը նրա կուրծքը խրեց և արիւնաթաթախ գեանին փուկեց... Յիշեց նաև հարկահանից ոչ պակաս քաշած տանջանքները և այն պարտքը, որ ընտանիքը պահելու համար արել էր և տարէցտարի դիզուում էր և իր արիւն քրտնքի վաստակը ձեռքից խլում... Եկաւ և այն դառն րոպէն, երբ պարկն ուսին, վիզը ծուռ, մնաս բարով ասեց իր մօրը, քոյրերին, ամուսնուն, համբուրեց օրօրոցում քնած փոքրիկ գաւակը և արցունքն աչքերին՝ հեռացաւ հայրական օջախից դէպի Կովկաս պանդխտութիւն...

Եւ այժմ նա Թիֆլիզում, ցերեկը փալանը կոնակին, քար ու ցեխ է կրում աղաների տունը շինելու համար, աղբ է դուրս ածում, փողոցներն է մաքրում, իսկ գիշերները՝ անքուն մնում, գիշերապահութիւն անում այն ցեխ ու ձնի մէջ, որ դարձեալ նոյն աղան հանգիստ ու ապահով քնի իր տաք անկողնում և ինքը կարողանայ մի քանի կոպէկ յետ դցել իր աղքատ ընտանիքի համար...

Այս և սրա նման մտածութիւններ էին պաշարել Մկօթ միտքը, որ յանկարծ քունը կրկին խժբժաց աչքերում. շատ էլ աշխատեց աղայի ահից արթուն մնալ, բայց չըկարաց... Նինջը յաղթեց նրան, գլուխը ծանրացաւ և ծուկեց կրծքի վրայ: Նա մտաւ քնի աշխարհը, ուր թագաւորում են չար ու բարի երազները և մարդուս ներկայացնում են աշխարհիս թէ հաճոյքները և թէ չարիքները, բայց միայն խաբուսիկ ձևով: Մկօն այդ աշխարհի մէջն էր. նրա դէմքից, շրթունքների ժպտից կարելի էր որոշել նրա ուրախ վիճակը. արդարև նա տեսնում էր իրան կրկին հայրենի տուն վերագառնալիս, շորերը նոր, քիսան փողով լիքը, մի խուրջին ուսին չթեղէններով տրաքում: Իր դիմացն են գալիս պառաւ մայրը, կինը, քոյրերը, իրար ձտով են ընկնում, նրանց պատմում է իր երեք տարւայ քաշած պանդխտութիւնը և այժմ էլ նրանցից չի բաժանել, նա հարուստ է. խուրջիսից հանում, բաժանում է

նրանց համար բերած ընծաները, ամենքն ուրախ են, ամենքը գոհ են... Տեսնում է նաև իր փոքրիկ Սաքոն տօտիկ-մօտիկ տուն պրծաւ, նա չի ձանաչում էրան. մայրը «քո պապօն է», ասում է նրան... «Իմ պապօն», կանչում է մանուկը և ցատկում հօր գիրկը... «Սաքօ ջան...» սեղմում է իր գրկի մէջ հայրը և համբոյրներով ծածկում նրան...

Հէսց այդ հայրական գգւանքի մէջ էր Մկօն, որ կրկին մի թեթև աքացի դիպաւ կողքին:

Մկօն սարսափած վեր թռաւ տեղից. «ախ կորուեցայ, բաշխի, աղա ջան, ոտացդ մեռնիմ, և սպասում էր աղայի նոր հայհոյանքներին, բայց սխալեց. իր դիմացը այժմ կանգնած էր իր ընկեր Սաչօն:

— Ծօ, Մկօ, հէրիք քնես էս ցրտուն, էթանք բանասեղ, լիսը բացւեր է:

Մկօն ոչինչ չըխօսեց, մի դառն ախ քաշեց, փալանը ձգեց, ուսովը և ցրտից սրսփալով, տխուր հետևեց ընկերին...

### 32. ԵՐԿՐԻ ՄՇԱԿՆԵՐ

Մ, ծանր հոգսերի խղճուկ գաւակներ,  
Որքան համբերող, քաջ է ձեր հոգին.  
Տանջում էք անվերջ, օրեր, տարիներ...  
Կարծես տանջանքն է միայն ձեր բաժին...

Մանուկ օրերից ձեր մէջ ապրելով,  
Վկայ եմ եղել ձեր շատ ցաւերին.  
Տեսել եմ, ինչպէս տանջանքի գնով  
Դուք հաց էք տալիս հայրենի երկրին:

Տեսել եմ, ինչպէս յուսալից, զւարթ  
Դուք մշակում էք անմշակ գաշտեր.

Ինչպէս տանջանքում անլաց, անվհատ  
Դուք երգ էք երգում՝ վաստակի՛ երգեր:

Տեսել եմ, ինչպէս ամառայ շոգին,  
Երբ կրակ է թափում արևառ երկինք.  
Ոսկեշող արտում, մանգաղը ձեռքին,  
Դուք մէջք խոնարհած՝ թափում էք քրտինք:

Տեսել եմ, ինչպէս գունաթափ աշնան  
Հայրենի երկրի կուրծքը պատռելով,  
Այնտեղ թաղում էք գանձերի նման,  
Ոսկի հատիկներ, ոսկի յոյսերով...

Տեսել եմ գարնան սիրուն օրերին,  
Պայծառ արևը դեռ նոր ծագելիս,  
Կանաչ, այեծուփ արտերի մօտին  
Ձեզ ծունկ խոնարհած՝ ջերմ աղօթելիս:

Տեսել եմ, ինչպէս և՛ ցուրտ տաղտկալի  
Ձմրան գիշերներ նստած խրճիթում,  
Յոգնած ձեռքերիդ դադար չէք տալի —  
Խօփն էք նորոգում, մանգաղը սրում:

Եւ այսպէս ազնիւ գործին անձնէր  
Ապրում, տանջում էք անբաւ հոգսերում.  
Եւ ձեր տանջանքում, հերոս մշակներ,  
Արդար վաստակն է ձեզ ոգևորում:

Օ, հայրենիքիս քրտնաջան որդիք,  
Որքան համբերող, քաջ է ձեր հոգին՝  
Ձեզնով է միայն կանգուն հայրենիք,  
Համբոյր ու օրհնանք  
Ձեր սուրբ վաստակին:

Օ, ծանր տոգսերի խոփուկ գաւակներ,  
 Արքայն համբերող, խաղ է շիր տոգին.  
 Անանգում է՞ անակիրգ, օրեր, քարերներ...  
 Կարծիս քանդանակն է միայն շիր բաժին...  
 Անուակ օրերից շիր մէջ ապրելով,  
 Ղկայ ի՞մ իշխէ շիր շար գաւերին.  
 Ամբիւ ի՞մ, ինչպէս քանդանակի գնով,  
 Դու՛մ կույ է՞ քան ի կայրերն իրկրին :

33. ԻՄ ՊԱՆԱՐԱՄԸ

1.

Ես մի ձեր մարդ եմ, սիրելի մանուկներ, իմ ընթերցողներ. պտրտել եմ շատ գիւղ ու քաղաքներ, անցկացել գետեր ու ծովեր, շատ բաներ տեսել, ու շատ բան լսել, երբեմն տրամել, երբեմն ուրախացել, այժմ ուզում եմ պանարամիս մէջ փոքրիկ պատկերով տեսածս ցոյց տալ:

Դէ՛հ, շուտով այստեղ, դուք ժիր մանուկներ,  
 Մեծ ու պատիկներ, խելօք ու շարեր,  
 Կարգ-կարգ շարուցէք, ինչ որ կըլսէք  
 Եւ կամ կըտեսնէք, ձեր մտքում ամուր,  
 Ամուր պահեցէք...

Սկսում է: Ահա մի պատկեր: Մի մեծ քաղաք է, մեծ-մեծ տներով, լայն փողոցներով, ուր պտրտում են մարդիկ ոտով ու կառքով տաք-տաք մուշտակներ ուսերին ձգած, սի-գար, պապիրոս բերանները դրած՝ ֆիսւ, ֆիսւ, ծծում, փչում են մուխը թանձրացած:

Թո՛ղ ծծեն, փչեն, փորերն ուռցնեն,  
 Ի՞նչ ունին պակաս, որ ինչ հոգս անեն...

Ահա մի պատկեր, դարձեալ նոյն տեղից, մի խուլ փողոց է, ցեխոտ ու կեղտոտ. խարխուլ տնակներ աջ ու ձախ շին-ւած, երկու զրկիցներ դռան առաջին զրոյց են անում քիթ քիթ տւած: Եւ հեռուն կանգնած մի աղքատ կնիկ, շորերը պատռած, ոտքերը բոբիկ, մի հիւանդ մանուկ բռնած իր զըր-կում, եկող գնացողին ձեռք է դէմ անում...

Այժմ ձեզ ցոյց տամ մի այլ տեսարան.  
 Դարձեալ նոյն քաղքում մի լայն փողոց է,  
 Եղևու ճիւղեր աջ ու ձախ փռած.  
 Մի մեծ բազմութիւն առաջ է անցնում  
 Դիակառքի չորս կողմը լցւած:

Առջևից գնում են քահանաները, ծաղկեայ փիլոններ ու-սերին ձգած և նրանց հետ էլ շատ տիրացուներ, մոմ ու խաչ-վառներ ձեռքներին բռնած. իսկ վերջից, տեսէք, ինչքան կառ-քեր կան, սևազգեստ կանայք մէջը նստոտած. ախ, ինչպէս տխուր, ինչպէս վշտալից, հետևում են սրանք մեռելի յետևից:

Դարձեալ մի պատկեր. քաղաքի ծայրում հինգ վեց մշակ-ներ ուսերի վրայ տանում են անբախտ ընկերի դիակ, որ քա-նի տարի իր երկրից հեռու, ծանր բեռի տակ մաշել է իր կեանք... չրկան յուղարկաւորներ—ոչ քոյր, ոչ եղբայր, չեն տեսնում նաև ոչ հայր և ոչ մայր, լուռ է փողոցը, լուռ են և մարդիկ. տեսնում էայս բոլոր միայն պարզ երկինք...

Ահա ձեզ մի այլ պատկեր. բարեկեանդան է. մի մեծ դար-գարուն սենեակ ձեր առաջ. կանթեղ ու լամպա վառած ձախ ու աջ, մեծ-մեծ հայելիք կախած պատերին, աթոռ, բազկա-թոռ ամեն տեղ շարած, իսկ մէջտեղ երկայն սեղանը ձգած,

տասնեակ մարդ ու կին ընթրիքի նստած. ինչեր նրանց առաջը, անի, չըկան դրած.

Շամպայն ու մադէր, անուշ գինիներ,  
 Պաշած ու խորած լաւ ձկնեղէններ,  
 Պաւեար ու պանիր, տապակած հաւեր  
 Ու քանի տեսակ քաղցրաւենիներ...

Ուտում են, խմում, քան, քան ծիծաղում,  
 Բարեկենդանը լաւ անցկացնում...

Ես էլ մաղթում եմ բարի վայելում:

Ահա նոյն տան կից փոքրիկ խրճիթում, մի թոյլ ու աղօտ ճրագի լուսում, չոր թախտի վրայ մայրը որդոց հետ բարեկենդանի ընթրիքն է անում: Չըկայ ոչ սեղան, ոչ համեղ ընթրիք, չըկան գինիներ ու քաղցրաւենիք, այլ մի հին մաշած սփռոց առաջները, հացի կտորտանք նրա մէջ դրած ու մի ամանով պանրի փշրտանք, ուտում են անձայն գլուխ քաշ ձգած...

Տխուր է խրճիթը, խոնաւ և անշուք, տխուր են դէմքերը մօրն ու որդոց. միայն չար փիսօն նրանց մօտ պըպզած՝ շարժում է պոչը, աչքերը պըշած...

Այժմ ծերուկիս թողէք, որ գնամ,

Եկող անգամը շատ բան ցոյց կըտամ.

Դէհ, մնաք բարեաւ, դուք, ժիր մանուկներ,

Մեծ ու պատիկներ, խելօք ու չարեր:

## II.

Անցան ամիսներ, բոլորեց տարին, ահա խեղճ ծերուկս կայ ձեր առաջին. եկէք մանուկներ, իմ աչքի լոյսեր դառնացած սրտիս դուք միակ յոյսեր. դարձեալ բերի ձեզ ես իմ պանարամ, մի քանի պատկեր նորից ձեզ ցոյց տամ.

Պատկեր լաւ ու վատ երբ որ կըտեսնէք,

Աղաչում եմ ձեզ, մտքից մի հանէք:

Դէհ, սկսում է:

«Ամառը սարում»:

Տեսէք այս սարը կանաչով պատած, այստեղ ու այնտեղ վրաններ թողած, վրանի դիմաց հայ, թուրք գիւղական մի մի գործ ձեռին բանի է նստած, որը տաշում է, որը սրում է, որը կար կարում, տղին օրօրում, որը հաց կամ կաթ տաքացնում, կարագ ու պանիր, մածուն պատրաստում:

Ահա քիչ հեռու նրանց տաւարը, ոչխարի հօտեր, ձիերի բոլուկներ, մինչև փորի տակ խոտերում ծածկւած կամ գըլ-գըլան ջրի ափը հաւաքւած, տկզած կանգնել են, չեն շարժւում տեղից, ինչու-որ կուշտ են ու գոհ վիճակից:

Եւ գիտէք ով է մոթալ փափախով,  
 Հաստավիզ մարդը իր դագանակով,  
 Որ աչքը անկած սարի լանջերին,  
 Մի բան է երգում գիլ-գիլ խոտերին.

Դա է նախրապանը—տէրը տաւարի,  
 Որ սար է գալիս ամենայն տարի:

## III.

Ահա նոյն նախիր, նոյն հօտն ու ձիեր, բայց ոչ թէ ամառը սարի խոտերում և ոչ քչքչան ջրի ափերին, այլ ցուրա ձմեռը գիւղի գոմերում:

Հալւել է միսը, ոսկրները ցցւել, տկզած փորերնին մէջքներին կպել, քաղցած է տաւարը՝ խոտ չըկայ տալու, սառել են դաշտեր՝ գարունն է հեռու:

Կրծում են սովից մտուրի փայտեր,  
 Դոժում կճղակով, պըրշում աչքեր,  
 Մայում, բառաչում, վիզերնին ծոռում,  
 Թուլացած ընկնում, քաղցից սատակում:

Իսկ մեր գիւղացին, սհ, ինչպէս խղճուկ  
 կանգնած նայում է ու թափում արցունք...  
 Մեծ է նրա վիշտ, մեծ է նրա ցաւ,  
 Երբ մի անասուն իր ձեռքից անցաւ:

Ահա ձեզ մի ուրիշ պատկեր.

«Գարնան սկզբում գիւղացու յոյսեր»:

Գարուն է, գարուն, ինչ քաղցրիկ անուն: Արտերը կանաչել են, ծառերը ծաղկել, ծաղկունքը բացել, ջրերը փուլել, գեղջուկ մշակը յոյսերով լցել:

Կըզայ ամառը՝ կըզեղնի ցորեն, հունձը կըհնձէ, կըժողովէ ամբար, կըհասնեն պտուղք՝ թափ կըտայ, կըլցնէ կթոց, կըկախէ շարեր:

Սոտ կայ տաւարին, դարման ձիերին,  
Ծաղիկներ մեղրին, մեղր մանուկներին.  
Ո՛հ, մեր գիւղացին ինչպէս երջանիկ  
Կանցնէ այդ տարին...

## V.

Պատկերը փոխւեց:

Ահա նոյն գեղջուկ ամառ ժամանակ, տխուր նստած է իրան կտրի տակ. ուր է նրա յոյս, իր արտն ու այգին, ինչու է ժանգատ մանգաղ—գերանդին:

Մարախը եկաւ արտերը կերաւ,  
Մարախից պրծած՝ կարկուտը տարաւ.  
Թրթուռը խժռեց ծառերի տերև,  
Պտուղ չըմնաց՝ ողջ այրեց արև:

Սոված մեղուններ թռան փեթակից,  
Բձիճը մնաց գուրկ ծորան մեղրից.  
Դաշտը չորացաւ՝ խոտ չըկայ կովին,  
Ամբարն է դատարկ՝ մահ է գեղջուկին.

Ո՛հ, ինչպէս թշուառ, ինչպէս յուսահատ  
Կանցնէ այդ տարին...

## VI.

Նայեցէք հովտի փոքրիկ քաղաքին, ուր սև-սև ամպերը սարերի նման կանգնել են գլխին: Բնութիւնը խաղաղ է, խաղաղ

է և գետը, որ սարի կողմից իջնում է քաղաք, ջրում պարտէզներ, պտըտում ջաղացք, վշտալով անցնում, կորչում ձորերում, ամենայն տարի յոյս և կեանք բերում:

Ահա ամբողջ կանգնած գետափին, ուրախ է հոգով, երկնից ամպերին, որ անձրև կըտայ, կըջրէ երկիր, կեանք կառնէ մարդը, դաշտն ու այգին...

Իսկ փոքրիկ տղայք, տես, ինչպէս անհոգ  
Սաղում, վազվզում են, «անձրևը» երգում,  
Որ ցած գայ ջրէ, բացնէ կանաչ խոտ,  
Աւել փոշիներ ու մաքրէ վատ օդ:

## VII

Ահա նոյն քաղաք, նոյն սև-սև ամպեր, որից թռչում են կրակէ նետեր, անձրևի փոխանակ կարկուտ է թափւում, որոտում երկինք, երկիր դրդում:

Մարդիկ հաւաքւած իրանց տները, քարացած նայում են այդ անեղ պատժին, որ փշրում է, շարդում, տուն ու տեղ աւրում, այգի ու պարտէզ խլում, հետը տանում:

Լալիս է մանուկ մօր վզին փաթթած,  
Բառանչում է տաւարը դրսում մնացած,  
Գոռում գոչում է գետը կատաղի,  
Ահ, սարսափ պատում ամեն սրտերի...  
Եւ անա յանկարծ մի ձայն է լսում,  
Մի ձայն գուժաբեր, ամենքին հասնում.  
«Հեղեղ, հեղեղ, կանչում են մարդիկ,  
Ա՛խ, մեռանք, կորանք, խնայէ, երկինք»...

## VIII:

Հեղեղը եկաւ, հեղեղը գնաց,  
Բայց տեսէք անա տեղը ինչ մնաց.

Ահա մի ծերուկ խոտած մի դիակ, կիսամեռ ընկել էր իր փլած տան տակ՝ նրանից հեռու գետնին տարածւել տասնամեայ մանուկ՝ մօր հատիկ զաւակ:



Անա քոյր, եղբայր միմեանց գրկած, ընկել են իրանց  
 ծնողները կրծքին, իսկ այնտեղ խեղդւել սկեսուրն ու հարս,  
 օրօրոցում կապած մանուկը կողքին...

Սգում է քաղաքը, սգում են ամենքը, որը իր հայրը, որը  
 իր որդին, քոյրը իր միակ եղբայր թանկագին:

Ողբի լացի ձայն երկինք է հասնում, մեծ ու փոքրի սիրտ  
 շարժում, մղկտում...

Ա՛խ, թողէք ծածկեմ այս տխուր պատկեր,

Պատկեր սոսկալի, արիւնով ներկւած,

Որի ժանտ տեսիլ դեռ մինչև այսօր

Սարսափ է ազդում դժբախտ բնակչաց:

1. համեմատեցէք իրար հետ հակադիր պատկերները:

### 34. ԳԻՒՂԻ ԺԱՄԸ

Տան-դօ, տան-դօ... Նազըն, վեր կաց,

Արևն արդէն մայր է մտնում:

Տես, խաթունն էլ գործը պրծած

Փողոցումն է, ժամ է շտապում:

Ժամը տւին՝ տան-դօ, տան-դօ...

Տէր, փառքդ շատ տան-դօ տան-դօ...

Շուտով նախիրն հանդից կըզայ,

Գնանք որ շուտ էլի յետ գանք,

Կովը կթենք, թը՛ռ-թը՛ռ կաթ տայ,

Կովը կթենք, մեր ցաւն հոգանք:

Ա՛խ, Նազըն ջան, չես իմանում՝

Էգուց էլի աղան կըզայ:

Նրա սիրտը միշտ անկշտում,

Էլ ամպի պէս պիտի գոռայ:

«Շուտով Գրիգոր, փողերը բեր,

է՛լի չրկայ, կովդ հանի...»

Ա՛խ, Նազըն ջան, այն Ինչ բան էր,

Մի՞տդ է հերու... Տէր, դու փրկի՛»:

Հայրիկդ արդէն գնացել է,

Որ փող ճարի. ե՞րբ պիտի գայ,

Տեսնենք մէկը խղճացել է...

Ա՛խ, սև օրը Տէրն էլ չըտայ:

Շուտով, Նազըն, գնանք ժամը,

Աղօթք անենք. քո ձայնն Աստուած

Շուտ կըլսի, այս անգամը

Մեզ չի թողնի անկով, անհաց...

Բարի մարդիկ միշտ կըլինեն,

Հայրիկդ հետը փող կըբերի,

Փողը կըտանք չար աղային,

Որ մեր հորթուկն էլ չըխլի...

Տան-դօ, տան-դօ... Նազըն, գնանք,

Արևն արդէն մայր է մտնում,

Էգուց տեսնենք, որ վեր կենանք,

Ինչ նոր արև է մեզ ծագում...

Ժամը տւին՝ տան-դօ, տան-դօ...

Տէր, փառքդ շատ, տան-դօ, տան-դօ...



### 35. ՊԱՅԹԻՒՆ ՀԱՆՔՈՒՄ

I.

Նա բանում էի հանքի խորքում. գործիքովս քանդում էի ապառաժը: Ընկերս ծալապատիկ նստած՝ ճրագը ձեռքին լոյս էր անում:

Յանկարծ մեր ականջին հասաւ մի խուլ հեռաւոր գղրրգիւն:

— Ի՞նչ էր, — բացականչեց ընկերս, ոտի կանգնելով վախեցած.

Մեր մօտից մի մարդ անցաւ վազէվազ. նա հեռւմ էր:

— Ի՞նչ էք կանգնել անշարժ — գոչեց նա առանց կանգ առնելու — չըլտեցիք... գազի պայթիւնը... Շուտ փախէք դուրս: Եւ անհետացաւ: Նոյն րոպէին մեր ճրագները հանգան և մենք թաղւեցինք թանձր խաւարի մէջ: Օդը սաստիկ խեղդող դառաւ:

Գլխապատառ վազում ենք, սայթաքելով ամեն մի քայլափոխին:

Բայց ուր ենք վազում: Մեր աջ ու ձախից ձգւում են անհաշիւ ոլորուն անցքեր, որոնք նոյնպէս թաղւած են խաւարի մէջ: Նրանց վրայ գտնւում է նոյն տեսակ մուժ անցքերի մի ուրիշ շարք, ապա երրորդը, չորրորդը: Ի՞նչպէս զբոսնենք մեր ճանապարհը այդ ահագին լաբիրինտոսի մէջ, այս սոսկալի ստորերկրեայ աշխարհում, երբ զրկւել էինք մեր անբաժան ընկեր՝ լապտերի լոյսից: Սովորական ժամանակ այդտեղ դէս ու դէնից լուսաւոր կէտեր են երևում բանւորների լապտերները: Իսկ այժմ... Մարել են մեր այդ կենսատու աստղիկները, իրանց հետը տանելով մեր կեանքը ու մեր յոյսերը:

Վազում ենք սակայն: Յանկարծ մեր առաջ թանձր ծուխի մի պատ է բարձրանում: Մռայլ, գարշելի հոտ ունեցող խաւարը պատել է մեզ չորս կողմից, այրւում է մեր դէմքերը: Գլուխս պտոյտ է գալիս: Խեղդւելու վրայ ենք: Եւ խելագարի պէս յետ ենք վազում այս դժոխքից:

Բայց ուր էլ որ գնում ենք, այդ անիծած գազերը անանցանելի պատնէշի նման մեր ճանապարհը կտրում են ու յետ հրում:

Միենոյն տեղում չենք կարողանում մնալ, դէս ու դէն ենք նետւում, շրջում, պտտւում այդ մուժը հանքում, որը չի ուզում մեզ բաց թողնել ու պինդ բռնած պահում է մեզ իր մռայլ ճիրաններում:



II.

Բոլորովին յոգնած և յոյսս կտրած՝ ես մեքենաբար ձեռքս տանում եմ գրպանս:

Ի՞նչ կայ այնտեղ. ժամացոյցս. մի հասարակ պարզ ժամացոյց ժանգոտւած ու մաշւած, որի վրայ հանքը մի անջրնջելի դրօշմ է դրել:

Բայց զարմանալի է. այդ ժամացոյցը այժմ ինձ վրայ մի տարօրինակ տպաւորութիւն է անում:

Նա միակն է այս քաօսի մէջ, որ մի կրօնաւոր, խելացի բան է ներկայացնում: Նա մեզ միացնում է ամբողջ աշխարհի հետ: Նրա չըխկչըխկոցը զարմանալի կերպով ինձ հանգստացնում է ու սիրտ է տալիս: Նա կենդանի է, նա խօսում է: Կարծես ասում է ինձ. «Պինդ կաց սիրելիս, խելքդ մի կորցնի, աշխատի, աշխատի յարատե ու կանոնաւոր և կըփրկւես»...

Ախ այդ բարերար չըխկչըխկոցը:

Ինչքան նա սփոփել է մեզ բոլորիս, մեր այդ օրերի գերեզմանային դաժան կեանքի ժամանակ, երբ մենք սաստիկ սովի, ծարաւի ու յոգնածութեան ազդեցութեան տակ կատարեալ յուսահատութեան էինք հասնում: Մեզնից ամեն մէկը վերցնում էր նրան, շոյում, փայփայում, ականջին դնում, լսում ու անվերջ լսում և չէր ուզում բնաւ բաժանուի: Կատարեալ երեխայ էինք դարձել:

Ես շուտ-շուտ ժամացոյցս լարում էի, որ չըկանգնի:

### III.

Ժամացոյցիս չըխկչըխկոցը վերադարձրեց ինձ սառնասրտութիւնս:

—Ձէ, պէտք չէ որ յուսահատուիմ, —ասի ինքս ինձ:

Ընկերներս անշարժ պարկած էին յուսահատ: Վճռեցի յոյսի մի նշոյլ վառեմ նրանց սրտում և ստիպեմ շարժելու:

—Լսեցի՞ք, ընկերներ, մօզ կանչում են. հանքը զարկում են, —գոչեցի ես:

«Հանքը զարկում են». ի՞նչ գրաւիչ խօսքեր մեզ պէս կորած, կեանքից կտրւած մարդկանց համար:

Դա նշանակում էր, որ այնտեղ, վերևում, ուր որ փայլուն արեգակը շոյում է երկիրը իր տաք ոսկեգօծ ճառագայթներով, այնտեղ արգէն մտածել են մեր մասին և ամեն ջանք գործ են դնում մեզ ազատելու:

«Հանքը զարկում են». սա մի ձայն է, որ երաժշտութիւնիցն էլ քաղցր է, որ իջնում է վերեւից պահապան հրեշտակի նման մեր յոյսը վառ պահելու և յորդորելու, որ մենք համբերութեամբ տանկնք մեր բոլոր նեղութիւնները, մինչև որ մեր փրկիչները գան հասնեն մեզ:

Հանքը զարկելը հաղորդակցութեան մի միջոց է, իր տեսակի մի հեռախօս, իհարկէ շատ աւելի պարզ ու հասարակ. նրա միջոցով հանքահանները իմաց են տալիս իրար, երբ մէկի հետ դժբախտութիւն է պատահում, զարկելով այդ նպատակով շինւած խողովակը, որ իրար է միացնում սրահները: Նոյն բանն են անում վերևի յարկից՝ վտանգւածների մասին տեղեկութիւն ստանալու համար:

Եւ տեսէք ի՞նչ տարօրինակ բան է մարդու երևակայութիւնը: Այդ ձայնը, որ գոյութիւն չունէր, նրանք բոլորն էլ պարզ լսում էին:

Սրագ ոտի թռան, և նորից ճանապարհ ընկանք:

### IV.

Գնում ենք անվերջ նեղ անցքերով, բարձրանում ենք, իջնում, մագլցում, սահում:

Սրահի վերի մասում մի ինչ որ պատնէշի ենք հանդիպում, ձեռքերով շօշափում ենք և ամբողջ մարմնով ցնցում: Դա դիակների մի ամբողջ դէպ է՝ կուտակւած և դէս ու դէն ցրւած:

Դիակները դեռ սառած չեն: Պարզ էր, որ մեր գալուց քիչ առաջ էին մտել իրանց յաւիտենական քունը: Խեղճեր. երևի նրանց բանելու տեղը շատ մօտիկ է եղել պայթումի տեղից և մեզանից շուտ են ենթարկւել վատ գազերի ազդեցութեանը: «Անշուշտ մեզ էլ նոյն վիճակն է սպասում մօտ ապագայում», մտածում եմ ես ու դարձեալ ցնցում:

Շտապով թողնում ենք այդ սոսկալի վայրը և գնում... անվերջ գնում:

Ոտներս տանում են ինձ բոլորովին մեքենաբար. էլ չըզիտեմ, թէ ո՞րտեղ ենք գտնուում մենք, ո՞ւր ենք գնում: Մըտ-

քերս չեմ կարողանում կենտրոնացնել մեր գրութեան վրայ, որ որոշեմ անելիքս: Շարունակ մտածում եմ իմ սիրելիների մասին. արդեօք բախտ կունենամ նրանց նորից տեսնելու: Ի՞նչքան լաց է լինում երևի կինս՝ փոքրիկս գրկած, ինձ անշուշտ կորած համարելով:

Բոլորս լուռ ենք, տխուր մտածմունքների մէջ խորասուզված:

Յանկարծ մեր առաջ մի բան է շարժում մթութեան մէջ: Եւ լուռ է մի ձայն, մի մարդկային ձայն, որի մէջ մի անսահման ուրախութիւն էր հնչում:

- Ահա, ահա, գալիս են մեզ ազատելու:

Այդ մի ձայնից յետոյ լուռ է երկրորդը, երրորդը: Նրանք հինգ հոգի էին: Տեղներիցը վեր են կենում և վազում դէպի մեզ:

Մթութեան մէջ փնտռում ենք իրար, ձեռներս պարզած, աչքակապուկ խաղացող երեխաների նման: տալիս ենք մեր անունները և յայտնում, որ մենք էլ նրանց նման հանքի դժբախտ բանտարկեալներն ենք: Դժւար է նկարագրել խեղճերի յուսախաբուցիւնը:

Առաջարկեցինք, որ մեզ միանան ու գնանք միասին հանքի ելքը փնտռելու: Եւ գտանք... քսան օր գեանի տակ խաւարի մէջ անտանելի տառապելուց յետոյ:

36. ԹԻԹԵՂԱԳՈՐԾԻ ՄԱՀԸ

Հսկայ շինութեան բարձր տանիքին  
Վաղ անաւօտից նա աշխատում էր,  
Կարիքն ու հոգսը իր ընտանիքի  
Նրա եռանդը կրկնապատկում էր:

Երկար աշխատեց... և արեգակը  
Մօտ էր կէսօրին՝ ճաշելու ժամին.  
«Շտապիր, ճաշի է ժամանակը»,  
Ասաց նա ուրախ իր հարևանին:

Յանկարծ սայթաքեց բարձր տանիքից,  
Տապալւեց գետին ջարդւած դիակով.  
Մարդիկ սարսափած այս դժբախտ դէպքից,  
Կանգնել — դիտում են ապուշ հայեացքով:

Նորահամակւած կեղծ ցաւակցութեամբ,  
Հետաքրքրւած հոսոյ արիւնով,  
«Ափսոս» են ասում անամօթութեամբ,  
Ու անցնում, դէպքը մոռացման տալով:

Եւ միայն կինը ու քննարկած որդիք  
Չեն մոռանալու աշխատաւորին,  
Թոյն — ատելութեամբ պիտի անիծեն  
Բիրտ ու քարացած խիղճը մարդկային:

37. Մ Ո Ւ Ր Ա Յ Կ Ա Ն

Ես անցնում էի փողոցով: Ինձ կանգնեցրեց մի ձեր, ուժից ընկած մուրացկան: Աչքերն արտասուլից, ուռած ու կարմրած, շրթունքները կապտած, հպին լաթեր, մարմնի վրայ անմաքուր վէրքեր:

Օ՛, ինչ այլանդակ կերպով մաշել-կերել էր այդ անբախտ արարածին աղքատութիւնը:

Նա ինձ պարզել էր իր կարմրած, ուռած ու կեղտերով ծածկւած ձեռքը: Նա հառաչում էր, նա խեղդւած ձայնով ողորմութիւն էր աղիբսում:

Սկսեցի գրպաններս տակն ու վրայ անել: Բան չըզտայ — ոչ փող, ոչ ժամացոյց, ոչ էլ նոյն իսկ թաշկինակ. հետս ոչինչ չէի վերցրել: Իսկ մուրացկանը շարունակ սպասում էր... և նրա կարկառած ձեռքը թոյլ կերպով երիբուժում ու ցնցում էր:

Ինքս ինձ կորցրած, շփոթւած՝ ես ամուր սեղմեցի այդ դողդոջիւն, այդ կեղտերով ծածկւած ձեռքը. — «Թողութիւն արա, եղբայր, ես ոչինչ չունիմ»:

Մուրացկանն իր կարմրատակած աչքերն յառեց վրաս: Նրա կապտած շրթունքները բծիծաղ աւին, և նա էլ իր կողմից պինդ սեղմեց իմ ստոսած մատները:

է՛հ, ինչ արած, եղբայր, — ծամծմեց նա, — դրա համար էլ շնորհակալ եմ. այդ էլ մի ողորմութիւն է, եղբայր»:

Ես հասկացայ, որ ինքս էլ ողորմութիւն ստացայ իմ եղբորից:

### 38. ՄԵՌԵԱԼ ՏՈՒՆ

Մեր բանան ընկած էր ամրոցի ծայրին, հէնց պատնէշի մօտ: Երբեմն ցանկապատի արանքովը լոյս աշխարհին ես նայում, որ մի որևէ բան տեսնես: Տեսածդ լինում է միայն երկինքի մի կտորը, հողի բարձր պատնէշը՝ վրան խոտեր բուսած և պատնէշի վրայով օր ու գիշեր յետ ու առաջ քայլող պահապան զինւորները: Եւ միշտ էլ մտածում ես, թէ կանցնեն ամբողջ տարիներ, դու կրգաս մտիկ տալու ցանկի արանքովը ու կրտեսնես նոյն պատնէշը, նոյն պահապան զինւորներին և երկինքի նոյն փոքրիկ կտորը, ոչ այն երկինքի՝ որ բանտի վերևն է, այլ ուրիշ, հեռաւոր, ազատ երկինքի: Երևակայեցէք մի մեծ բակ, որի երկարութիւնը մօտ երկու հարիւր քայլ է, իսկ լայնութիւնը հարիւր յիսուն և ամբողջովին շրջապատւած է անկանոն վեցանկիւն ձև ունեցող պատւարով: Պատւարը շինւած է սրածայր բարձր սիւններից, որոնք կողքէ կողք ուղիղ թաղւած են հողի մէջ և ամբացրած են խաչաձև տախտակներով: Ահա արտաքին շրջապատը:

Շրջապատի մի կողմում շինւած են ամուր մեծ դռներ, որոնք միշտ փակ են և պահպանւում են զինւորներով: Այդ դռները բացւում էին միայն այն ժամանակ, երբ բանտարկեալներին աշխատանքի էին տանում: Այդ դռներից այն կողմը սկսւում էր խնդազին, ազատ — անկախ աշխարհը, ուր մարդիկ ապրում էին սովորականի պէս: Շրջապատի այս կողմում այդ աշխարհը պատկերանում էր, ինչպէս մի առասպել:

Բանտարկեալներն ունէին իրանց առանձին աշխարհը, որ ոչ մի բանի նման չէ, իրանց առանձին օրէնքները, հագուստը, բարքերն ու սովորութիւնները և կենդանի-մեռեալ տունը: Այս կեանքը բացառիկ է, նրա ընակիչները առանձին տեսակի:

Ահա այս առանձնակի անկիւնն է, որ ես ձեռնարկում եմ նկարագրելու:

Երբ մտնում էք շրջապատից ներս, տեսնում էք մի քանի շէնքեր: Ներսի լայն բակի երկու կողմովը ընկած են գերաններից շինած երկար մի յարկանի երկու շարք տներ: Դրանք իսկական բանտերն են: Այդտեղ են ապրում կալանաւորները՝ կարգերի բաժանւած: Շրջապատի խորքում կայ էլի մի այդպիսի տուն. դա խոհանոցն է, որ բաժանւած է երկու մասի: Այնուհետև գալիս է մի երրորդ շէնք, որի մէջ գտնւում են մառանները, շտեմարանները, պահեստները: Բակի մէջտեղը դատարկ է և կազմում է մի հարթ, բաւական մեծ տարածութիւն: Այստեղ կանգնում են կալանաւորները, երբ նրանց հաշւում և անուաներով կանչում են առաւօտը, կէսօրին և երեկոյեան, երբեմն էլ օրական մի քանի անգամ, նայելով թէ պահապանները որքան կասկածոտ են և որքան շնորհք ունեն համարելու: Այս շէնքերի և ցանկապատի միջև էլի մի մեծ տեղ էր մնում: Բանտարկեալներից ոմանք, որոնք աւելի խորշող ու մուայլ բնութիւն ունէին, ազատ ժամերին թափառում էին այստեղ և իրանց մտքերի յետևից ընկնում: Այս շրջապատի թիւնների ժամանակ պատահելով այդպիսիներին, ես սիրում էի գննել նրանց խոժոռ, տանջւած դէմքերը և գուշակել, թէ ինչ են մտածում: Մի արստրական դէմքերը և գուշակել, թէ ինչ են մտածում: Մի արստրական ազատ ժամերին սիրում էր ձողերը համարել: Այս ձողերը հազար հինգհարիւր հատ էին. նա հաշւել էր: Ամեն մի ձողը նրա համար մի օր էր նշանակում: Այդ ձողերով նա հաշւում էր իր բանտարկութեան օրերը: Հոգով ուրախանում էր, երբ էր իր բանտարկութեան օրերը: Հոգով ուրախանում էր, երբ վերջացնում էր վեցանկեան որևէ կողմը: Դեռ շատ տարիներ նա պէտք է համբերէր, բանտում ժամանակ շատ կար համբերութեան սովորելու:

Մի օր տեսայ՝ ինչպէս ընկերներին մնաս բարով էր ասում մի կալանաւոր, որ քսան տաժանակիր տարիներ էր անցկացրել և վերջապէս ազատւել էր... Կային մարդիկ, որ յիշում էին, թէ ինչպէս նա առաջին անգամ մտաւ բանտը ջահել, անհոգ: նա չէր մտածում ոչ իր յանցանքի և ոչ էլ պատժի:

մասին: Այժմ նա դուրս էր գնում իբրև ալևոր ծերունի, խո-  
ժոռ ու վշտահար դէմքով: Նա լուռ ու մունջ անցաւ բոլոր  
վեց սենեակները: Ներս մտնելով նա աղօթք էր անում պատ-  
կերի առաջ և յետոյ մինչև մէջքը կռանալով խոր գլուխ էր  
տալիս ընկերներին և խնդրում, որ իր արած վատ արարքնե-  
րը ներեն:

Մի անգամ էլ երեկոյեան կալանաւորներից մէկին, որ Սի-  
բիրի ունեւոր գիւղացի էր, կանչեցին դրսի դուռը, կէս տարի  
առաջ նա լուր էր առել, որ իր կինն մարդի էր գնացել և  
սատրիկ տխրել էր: Իսկ այժմ ինքը կինը մօտեցաւ բանտին,  
դուրս կանչեց և ողորմութիւն տւեց նրան: Նրանք մի երկու  
րոպէ խօսեցին, երկուսն էլ փոքր ինչ լաց եղան և ընդմիջտ  
բաժանւեցին: Ես տեսայ նրա դէմքը, երբ յետ էր դառնում...  
ճիշտ որ այստեղ կարելի էր համբերութեան սովորել:

39, ՄԽԻԹԱՐԱՆՔ



Կացարանս նեղլիկ մի խուց,  
Խոնաւ, անօդ ու անլոյս.  
Սպասում եմ էսօր-էգուց,  
Բայց փրկութեան չըկայ յոյս...

Միայն բանտի «խելօք» ծառաս  
Վկայ իմ լուռ տանջանքին,  
Յոյս է տալիս, «հոգ չէ, աղաս,  
Կըստփորէք էս կեանքին»...

40. ԳԵՐԻ ԱՐԾԻԻԸ

I.

Մի վերաւոր արծիւ բերել էին մեր բանտը: Բանտար-  
կեանքներս շրջապատեցինք նրան: Չէր կարողանում թռչել. աջ  
թևը կախ էր ընկել գետնին, մէկ ոտն էլ մխաւած էր: Թըռ-

չունը կատաղի հայեացք էր ձգում շուրջը, դիտում էր հետա-  
քրքիր ամբոխը և բաց էր անում իր կեռ քիթը, միշտ պատ-  
րաստ թանկ ծախելու իր կեանքը:

Երբ բոլորն էլ նայելուց կշտացան ու սկսեցին ցրւել, նա  
կաղալով, մի ոտի վրայ ոտոտստելով և առողջ թևը թափ տա-  
լով, քաշւեց բանտի բակի ամենահեռաւոր ծայրը  
և այնտեղ կուչ եկաւ անկիւնում:

Այդտեղ նա ապրեց մօտ երեք ա-  
միս և ամբողջ ժամանակը դուրս չեկաւ  
իր անկիւնից:

Սկզբում յաճախ գալիս էինք նրան  
նայելու և զրգոում էինք շանը նրա  
դէմ: Շունը գազազած վրայ էր ընկ-  
նում, բայց վախենում էր մօտենալ:  
Արծիւը հպարտ ու վայրագ, վերաւոր-  
ւած արքայի պէս, կծկւած իր անկիւ-  
նում, դիտում էր հետաքրքիր այցե-  
լուններին:



Սկզբում նա ուտել էլ չէր ուզում, մի քանի օր բան չա-  
ռաւ բերանը. վերջը ուտում էր, բայց ոչ մեր ձեռքից, ոչ էլ  
մեր ներկայութեամբ: Երբ տեսնում էր մօտը մարդ չըկայ,  
մի քանի քայլ հեռանում էր իր անկիւնից և կաղալով անց-  
նում էր պարսպի տակով, այսպէս մի քան քայլի շափ, յե-  
տոյ դառնում էր յետ, նորից գնում, նորից յետ գալիս, կար-  
ծես զբօսնելիս լինէր: Բայց հէնց որ հեռուից նկատում էր մէ-  
կին, իսկոյն կաղալով ու ոտոտստելով, շտապում էր իր տեղը  
և գլուխը յետ գցած, կտուցը լայն բաց արած, պատրաստում  
էր կուլելու: Ոչ մեր քաղցր խօսքերը, ոչ մեր փաղաքշանքնե-  
րը չէին մեղմացնում նրա սիրտը:

Ոչ ոքի չըհաւատալով և ոչ ոքի հետ չըհաշտելով, մենակ  
և չարացած սպասում էր նա մահւան:

II.

Չըզիտեմ ինչպէս, մի օր յանկարծ բանտարկեալների մէջ  
միտք ծագեց, թէ հարկաւոր է բաց թողնել նրան:

—Թէ սաստկելու է, թող բանտում սաստկի, —ասում էին մի քանիսը:

—Իհարկէ, ազատ, անկախ թուչուն է, բանտին չի ընտելանայ—պնդում էին միւսները:

—Մեզ նման չի, —աւելացրեց մէկը:

—Բան ասիր. սա հօ թուչուն է, իսկ մենք մարդ:

—Արծիւը, ախպէր, անտառների թաղաւորն է:

Ճաշից յետոյ, երբ աշխատանքի գնալու զանգակը տւին՝ բանտարկեալներս արծւին տարանք մեզ հետ: Նրան գրկողը պինդ սեղմել էր կտուցը, որովհետև սաստիկ դիմադրում էր և ուզում էր գլուխը ազատել: Հասանք մի բարձր տեղ, ամենքս էլ հետաքրքրութեամբ կամենում էինք տեսնել, թէ ուր պիտի գնայ արծիւը: Զարմանալի բան. բոլորս էլ մի բանով բաւական էինք, կարծես մենք էինք ազատութիւն ստանում...

—Սրան տես է. անպիտանին բարութիւն ենք անում, դեռ կծում էլ է, —ասում էր նրան տանող բանտարկեալը, գրեթէ սիրով սեղմելով թուչունին:

—Դէ, բնց թող—կանչեց մէկը:

—Ազատութիւն տուր, իսկական ազատութիւն. —աւելացրեց մի ուրիշը:

Արծւին գրկողը նրան գցեց մեր բարձրութիւնից ցած, գէպի մեր ոտքերի տակ տարածւող դաշտավայրը:

Աշնան վերջերն էր, օրը ցուրտ էր և մառախլապատ: Քամին սուլում էր մերկ դաշտերի վրայ և խշխշում էր դեղնածուր հորացած, փշոտ ու վայրի խոտերի մէջ: Արծիւը սլացաւ ուղիղ, թափ տալով հիւանդ թևը և կարծես շտապելով, որ մեզնից հեռանայ ուր որ էլ լինի: Բանտարկեալները հետաքրքրութեամբ հետևում էին, թէ ինչպէս սկին էր տալիս նրա գլուխը չորացած խոտերի միջով:

—Մտիկ է, —մտածկոտ արտասանեց մէկը:

—Ինչպէս է փախչում, —աւելացրեց միւսը:

—Իսկի յետ էլ չի նայում:

—Զրկինի դու կարծում էիր, նորից յետ պիտի գայ ու շնորհակալութիւն յայտնի, —ծաղրեց մի ուրիշը:

—Այ, սրան ասում են ազատութիւն...

—Ազատութիւնը լաւ բան է:

—էլ չի երևում...

—Ի՞նչ էք կանգնել: Մարշ. —կանչեցին մեզ ուղեկցող պահապան զինւորները, և բոլորս լուռ քարշ եկանք գէպի մեր տաժանակիր աշխատանքը:

Համեմատեցէք ազատ արծւի և նրան ազատութիւն տող բանտարկեալների վիճակը:

### Արիւնի փոքրիկ

Մենա իրիկ ամբս է, որ իս կուսակա՛մ ի՞նչ քի՛նական քանից: Գործիւն շարք յազոյ ի՛նչ գնում: Աշակի-բարական կիանիք շարք ուրախակի կողմիք ունի: Ուսուցիչներս և ընկերներս սիրալիք վերաբերանիք: Բողալիք է քալիս օրա-բուրիան դառնու թիւնիք: մի ամբս ի՛նչոյ գալիս է Ժննդիան արշակուրդները: Որքանի ուրախ ի՞նչ, որ նորից քիանիք ի՞նչ ի՞նչ սիրասունի դէմքիք — Բայրիկիս, ի՛նչ, փոքրիկ Աշուրիւն. Յուսով ի՞նչ, որ դու ի՛նչ ևս էլ ի՞նչ Բողալիք ի՛նչ և անհամբիք սպասում էլ ի՞նչ վերադարձիք:

Արիբ, որ այս անգամ անկարող ի՞նչ անկարող  
 Բանտիւն գրիչ ինչ : Գործերս շատ ին. սպաս -  
 րասցանք ի՞նչ կրամայ վերաբու գու՞նիք :

Ննդունիք կարգազին քարենիւր և համբոյնիւր  
 Կր Անքամ

1913 թ. դեկտեմբերի

Թիֆլիս :

#### 41. ԳԵՐԻ ԱՐԱԳԻԼԸ

Գերի արագին ինչպէս բանտարկւած,  
 Բարձր պարսպի յետեն է փակւած.  
 Կողքէր նա թռչել ու անցնել ծովեր,  
 Բայց, աւանդ, խեղճի խուզած են թևեր :

Իր անգորութիւնը նա լաւ է գգում,  
 Եւ թևերի տակ գլուխն է ծածկում,  
 Կրցանկար առանջ նայել նա սիրով,  
 Բայց փակւած է նա ամուր պատերով :

Կարող չէ տեսնել նա երկնականար  
 Իր մութ, նեղ բանտից, — բայց ինչո՞ւ համար.  
 Այնտեղ թռչում է ազատ կարաւան,  
 Իսկ նա մատնւած է շար գերութեան...

Եւ նա անհամբեր սպասում է վշտով,  
 Որ մէջքին բուսնին թևերը շուտով .

Նա այն ժամանակ շար գերութիւնից,  
 Կրթուչի ազատ աշխարհ յուսալից :

Եւ անա սառն աշունն է փշում,  
 Արագիլները տաք տեղ են թռչում.  
 Թշուառ, ինչպէս ստրուկ, նա անհամարձակ,  
 Վշտագին ու որբ, շրջում է մենակ :

Լսում է անա վերից կոնչիւն,  
 Գնում է բարձրից կոունկների չուն,  
 Ականջ է դնում շարատանջ գերին,  
 Ազատ երամի ուրախ երգերին :

Կամենում է նա նորից փորձ փորձել,  
 Խուզած թևերը բարձր տարածել,  
 Բայց այլոց նման, աւանդ, նա ազատ  
 Կարող չէ սլանալ, երկիրն հարազատ :

Անբախտ արագիլ, խեղճ կալանաւոր,  
 Էլ այն յողթական դու չես թևաւոր,  
 Թէ զօրանան էլ թևերդ ուժգին,  
 Զո՞ն պիտի լինին անգութ դանակին :



Դիտեցէք այս պատկերը ի՞նչ են մտածում թռչնորս երեխա-  
 ները, պատմեցէք եւ զրի սուր :



### 42. ԱՄԵՆԻՑ ԹԱՆԿԸ

Տնւր ինձ սյն, ինչ որ քեզ համար ամենից թանկ է, և ես կրթշկեմ քեզ, — ասաց բարի կախարդուհին վիրաւոր թռչնակին, որը մենակ ընկած էր ծովի ափին, մի ամայի տեղ, և մեռնում էր: Արիւնը կաթիլ-կաթիլ դուրս էր հոսում նրա կրծքի վրայ գտնուող վերքից և թափւում էր աւազի վրայ: Նրա փոքրիկ մարմինը հետզհետէ գառչում էր:

«Ամենից թանկը, դա իհարկէ կ'անքն է — մտածեց թռչնակը: Բայց բարի կախարդուհին արժանի կըհամարէ՞ ինձանից վերցնել կեանքս, որը հէնց ինքն է խոստանում տալ: Բարի կախարդուհին, երևի կատակ է անում»:

Եւ մարող աչքերով նայելով դէպի նա՝ թռչնակը շշնջաց. — Լաւ, բժշկիր: Կըտամ քեզ ամենից թանկը: Կախարդուհին իր գաւազանով դիպաւ նրա վերքին, — վերքն առողջացաւ և թռչնակը ցնծագին թրպրտաց, և ոտքի կանգնեց:

- Իէ, տնւր ինձ քո թևերը, — ասաց կախարդուհին:
- Ոչ, — ասաց թռչնակը, ցնցւելով, — սչ, անկարող եմ:
- Միթէ նրանք ամենից թանկը չեն քեզ համար:

— Հէնց այդ պատճառով էլ նրանց չեմ կարող տալ, — կամաց շշնջաց թռչնակը: — Աւելի լաւ է այնպէս արա, որ ես մեռնեմ: Լաւ է բոլորովին չապրել՝ քան թէ ապրել և չըթռչել:

— Թո՛ր, — ասաց կախարդուհին, — ես չեմ ուզում քո մահը: Բայց յիշիր, որ ամենից թանկը միշտ էլ թանկ է կեանքից:

### 43. Կ Ա Ր Օ Տ

1.

- Լուսամուտս բաղխում էր մի կին:
- Պառաւ էր նա, գոնատ ու մաշկած դէմքով:
- Ի՞նչ է կամենում, մտածում էի ես:
- Մօտեցայ լուսամուտին և հարցական նշան արի:

— Ինչքեմ ներս թող մի բոպէ, աղերսում էր նա: Ես զնացի դէպի դուռը և բաց արի: Պառաւը շնորհակալութիւն արաւ: Մենք մտանք սենեակը: Նա նայեց երեսիս, նայեց ամբողջ կազմիս: — Ի՞նչ էք կամենում, մայրիկ, հարցրի ես. ինչո՞վ կարող եմ օգտակար լինել:

Պառաւը ցնցւեց. թափանցիկ հայեացքով նայեց աչքերիս: Ինձ ոչ մի օգնութիւն հարկաւոր չէ — ասաց նա, ես մի խնդիրք ունիմ, մի փոքրիկ խնդիրք:

- Ինչքեմ, ասացէք:
- Թոյլ տւէք համբուրել ձեզ. թոյլ տւէք կարօտս առնել, գաւակիս կարօտը:
- Պառաւի աչքերին ցոլացին արտասուներ:
- Ո՞ւր է ձեր գաւակը հարցրի ես:
- Նա այլևս չըկայ:
- Ես մօտեցայ պառաւին սեղմեցի ձեռքը և հախբուրեցի նրա:
- Նա համբուրեց ճակատս և աչքերս, գգւեց ինձ:
- Շնորհակալ եմ, թանկագին գաւակս, ես բաղդաւոր եմ այս բոպէին: Այժմ կարող եմ զնալ և մաշել իմ օրերը:
- Գնաց մայրիկը:

II.

Պարտէզում կենդանութիւն էր տիրում: Արեգակը պայծառ լուսաւորում էր: Գարնանային տաք օրը մարդկանց դուրս էր բերել իրանց տներին: Մարդիկ ըզբօսնում էին պարտիզի ուղիներում և ազանաբար կուլ տալիս թարմ, կենարար օդը:

Խայտաճամուկ հասարակութեան մէջ կար և մի վշտահար կանացի դէմք: Նա մօտենում էր ծաղիկներին և փոքրիկ բողբոջներին, կռանում, հոտոտում նրանց և մտածմունքների մէջ ընկնում:

Պարտէզի պահապանը հեռւում էր նրան: Նա վախենում էր, որ կինը կըկտրի ծաղիկները: Վերջապէս նա մօտեցաւ կնոջը:

Ծաղիկ չէ կարելի կտրել մըթմըթաց նա:

— Ես չեմ կարում արդարացաւ կինը:

— Ապա, ի՞նչ ես այդքան մօտենում:

— Ես միայն կարօտս եմ առնում, նայում եմ նրանց, հոտ եմ քաշում: Իմ տան առաջն էլ կար այդպիսի ալ վարդ:

Պահապանը նայեց կնոջ այլայլած, վշտանար դէմքին և զգացւեց:

— Ո՞րտեղ է քո տունը, հետաքրքրեց պահապանը:

— Հեռու է— փղձկաց կինը— նա քարուքանդ է եղել:

Պահապանը այլևս չըբօսեցրեց և հեռացաւ:

Մի քանի րոպէից յետոյ նա վերադարձաւ դէպի կինը:

— Ուզո՞ւմ ես այդ վարդը— հարցրեց նա յանկարծ:

Միայն մի թերթիկ, պոկիր ինձ համար, աղաչեց կինը, մի ալ թերթիկ, այլևս ոչինչ:

Պահապանը պոկեց մի թերթիկ:

Կինը դրեց ծոցը. շնորհակալութիւն յայանեց պահապանին և թեթև ժպիտով հեռացաւ պարտէզից:

#### 44. ՔԱՌԱՉԱՅՆ ԴԱՇՆԱԿՑՈՒԹԻՒՆ

Չորս այլ և այլ կենդանի,  
Մէկը արջուկն անճուռնի,  
Մէկը կապիկ, մէկն իշուկ,  
Մէկն ալ նոխազ բուրդմօրուք  
Մէջերնին խօսք կըդնեն  
Որ մէկ բօնսեռ մը սարքեն,  
Չեմ գիտեր ինչպէս կընեն  
Որ ամեն բան կըճարեն.  
Գլտան նօթ, այլծ, սլաս, շութակ,  
Նստան ուռի ծառին տակ.  
«Քոնսէն մ' ընեմք որ, ըսին,  
«Երկինք երկիր ըզմայլին»:  
Ամեն մէկը մեծ ջանքով  
Իր գործիքը զարնելով



Կրկուտուէր տըքտըքտը  
Բայց համ մը հոտ մը չըկար:

«Կեցէք, եղբարք, ճըւաց յանկարծ  
«Չարածըճի կապիկը,  
«Մէկս ալ շէնքով մը չեմք նստած,  
«Ի՞նչպէս լինի լաւ երգը  
«Ի՞նչ, արջ աղբար,  
«Քու պասըդ առ,  
«Նիստ հօս ասանկ այլծին դէմ,  
«Ես սեղունտին  
«Պէտք է առջին

«Այսպէս նստիմ ու զարնեմ:  
«Հիմա տեսնէք թէ ինչ բօնսէն ձևանայ.  
«Սարեր, ձորեր, դաշտն ու հովիտ հիանայ»:

Երաժիշտները շարւեցին նստան,  
 Չարնել սկսան.  
 Բայց այն քօնսեօին անհամ բան ըլլալն  
 Իրենք ալ տեսան.

«Էհէ—կանչեց էշն անդիէն—գազրեցէք.  
 «Ատոր ճարը գտայ ես.

«Եկէք ամենքդ մէկ շարքի վրայ նստէք.  
 «Տեսնէք ինչպէս

«Անո՛ւշ կըլլայ քօնսէնը»:

Մտիկ ըրին իշու՛ն՝ մէկալ էշերը.

Նստան շարքով

Մեծի կարգով,

Բայց անօգուտ. նորէն քօնսէնն էր խառնակ.

Որը կսէ

«Անանկ չէ

«Ասանկ նստէ դուն, աղբար».

Որը անոր հակառակ,

Թէ «Իուն ինչո՛ւ հոս նստար»:

Սոխակին մէկը լսեց՝ նոցա գօշու՛նն աղաղակ,  
 Թուաւ իջաւ որ տեսնէ թէ ինչ կայ այն ծառին տակ.  
 Դարձան անոր մէկ բերան՝ ըսին. «Աղէկ որ եկար.  
 «Հոգիդ սիրես, մեզի մէկ խրատ մը տուր օգտակար.

«Ահա նօթի մեծ գիրք ունինք.

«Մէկմէկ հատ ալ գործիք ունինք.

«Միայն դու մեզ այս ըսէ

«Թէ ընտո՞ր պէտք է նստինք»:

Սոխակն ինչ ըսէ աղէկ. —

«Քաջ երաժիշտ լինել ով որ կամենայ,

«Պէտք է փափուկ ականջ ու խելք ունենայ.

«Իուք, աղբարներ, ինչպէս կուզէք շարւեցէք,

«Քօնսէն սարքիլ ձեր բանը չէ, լաւ գիտցէք»:

Քստաշայն դաշնակցութիւն

Չորս աչկե աչկ կիւնդանի,

Մէկն սարգուկն անձոռնի,

Մէկը կասկի մէկն իշուկ,

Մէկն ալ նորսալ քուրդօքուրդ

Մէջիբնին խօսք կըդնին

Որ մէկ խօսիտ մը սարքին.

Չի՞ գրպիք ինչպէս կընին

Որ ամէն բան կը ծարքին.

Գլխան նօթ, աչք, պաս, զուրակ,

Նայրան ու ուր ծառին քանկ:

#### 45. ԿԿՈՒՆ ՈՒ ԱՔԼԱՐԸ

— Չընաշխարհիկ

Իմ աքլարիկ,

Չայնդ գիւ-գիւ

Ոսկի ծիւ-ծիւ

Երգերիդ մէջ

Իբր ելեէջ,

— Կիու քուրիկ,

Հուրիկ, բուրիկ,

Քու ձայնն էլ է  
 Լաւ գեղգեղում,  
 Ծոր է տայիս  
 Ու մ'իմ'դում:  
 Երգ եմ լսել  
 Ես շատ ու քիչ,  
 Բայց չեմ տեսել  
 Քեզ պէս երգիչ:  
 — Ոսկեփետուր  
 Ասուածատուր,  
 Կուզեմ  
 Լսեմ

Չայնդ անսպաս  
 Միշտ անդադար,  
 Թէկուզ մի դար:  
 — Պուճպուճուրիկ  
 Մի պուա ջրիկ,  
 Կկու քուրիկ,  
 Երգում եմ ես,  
 Որ լրում ես  
 Էս չափ պուճուր,  
 Ըսպասելով  
 Իմ աչքերը  
 Դառնում են ջուր:  
 Ո՞րտեղից է  
 Քեզ էտպէս ձայն,  
 Մ'աքուր, քնքուշ  
 Ու գնզգնզան:  
 Դուք էտպէս էք  
 Ամբողջ ցեղով.

Մի բուռ բան էք  
 Թէն տեղով,  
 Բայց ձեր երգը  
 Խիստ աջողակ,  
 Չունի, չունի  
 Ո՛չ մի սոխակ:  
 — Գոն եմ քեզնից,  
 Չիւան արլար.  
 Խղճով ասենք,  
 Դու միալար  
 Լաւ ես երգում  
 Դրախտանաւից,  
 Թռչունների  
 Լաւի լաւից:  
 Ողջ աշխարհը  
 Խօսքիս վկայ,  
 Քեզ պէս երգիչ  
 Չըկայ, չըկայ:  
 Էստեղ ծիտը,  
 Ծիտիկ-միտիկ,  
 Ասա՛ «չա  
 Մրանց մտիկ.  
 Ի՛նչ լաւ գիտեն  
 Իրար եղել.  
 Ասա թողին  
 Պակաս տեղ էլ:  
 Է լաւ հերիք  
 Իրար գովէք.  
 Աշխարհ գիտի՛  
 Թէ դուք ով էք»:



## ԵՐՐՈՐԴ ԲԱԺԻՆ

ԲՆՈՒԹԵԱՆ ՆԿԱՐԱԳՐՈՒԹԻՒՆՆԵՐ ԵՒ ԵՐԵՒՈՅԹՆԵՐ

### 46. ԳԱՐՆԱՆԱՅԻՆ ԱՌԱԻՕՏԸ

Առաւօտ էր. Արարատեան դաշտի լուսապայծառ առաւօտներից մէկը: Արևի առաջին ճառագայթների ներքոյ Մասիսի սպիտակափառ գագաթը փայլում էր վարդագոյն շողքերով, որ աչք էին շլացնում: Արագածի պսակաձև գագաթը չէր երևում: Նա զեռ պատած էր ձիւնի պէս ձերմակ մշուշով, որ պէս մի ամօթխած հարսիկ, սքողում է իր դէմքը անթափանցիկ շղարշով: Կանաչագարդ դաշտավայրը, ցօղած վաղորդեան մարգարիտներով վառում էր ծիածանի ամենանուրբ գոյներով: Փչում էր մեղմ հովիկը, ծաղիկները ժպտում էին, դալար խոտաբոյսերը ծփում ու ծածանում էին, և դաշտի խաղաղ տարածութիւնը օրօրում էր սքանչելի ալեկոծութեամբ: Գեղեցիկ էր այդ առաւօտը: Թռչունները ուրախ ուրախ ճախրում էին մի թփից դէպի միւսը: Գոյնզգոյն թիթեռները,

գոյնգոյն ծաղիկների նման, ցանաւած էին շօղի մէջ: Սպիտակ արագիլը, կարմիր ստները հորիզոնական դիրքով ուղիղ մեկնած՝ լայն թևերով թափահարում էր, շտապելով դէպի Արարսի մօրուտները: Չեւնասուն եղջերուները, վայրենի վիթն ու այծեամբ դուրս էին եկել ՍոսրոՎի արքայական անտառներից, և ազատ, համարձակ վազվզում էին շրջակայ մարզերի վրայ:

Արևը բարձրացաւ, և որքան բարձրանում էր նա, այնքան Արարատեան ընդարձակ դաշտավայրը, որպէս մի հսկայական բուրվառ, խնկարկում էր իւր վաղորդեան անուշահոտութիւնը: Ամբողջ հովիտը ծխում էր, գոլորշիանում էր: Յողազարդ բուսականութիւնը յետ էր տալիս երկնքին իր ընդունած մարգարտեայ կաթիլները:

Ծագում է Բանուկ արևը դարձան  
 կովկաս լեռների շխեր պարնէշայ,  
 Զարթոււմ ին մէկ-մէկ սարերն աննըման  
 Զօրան անկողով ինը մուշայ.  
 Անսա լալ-արի վիրխարի ուսին  
 Բապոււմ է արիին թարնայսաժ ոչոն,  
 Ասրիբ ու չորիբ իբար իրիսին  
 Ասչում ին, ծագում ամար մըղուշայ



ԲԵՏԵՑ

Դիտեցէ այս պատկերը, թէ «գարնանը» ով թե՛ է անում, պատկերը ևս նայը գրեցէր:

## 48. ԳԱՐՈՒՆԸ ԵՎ ԱԻ

Գարունը եկաւ, հաւքերը եկան,  
Հնչեց ձորերում կարկաչը անուշ.  
Հարսների նման ալ-ալան հագան  
Սարերը սիրոն, ծաղկունքը քնքնւշ:

Ամպերը ելան. հովերը ելան,  
Հովերը սիրուն, սիւքերը ըզգոնւշ.  
Կորած գարունքի երգը գլխան  
Աղբիւրն արթնացաւ - երգեց հեղոնուշ:

Ու սրտիս դիպան, պաղ սրտիս դիպան  
Երգերը քնքնւշ, հովերը ըզգոնւշ.  
Ու, իմ կրծքիս տակ արթնացաւ մի բան,  
Ա՛խ այնքան սիրոն, ա՛խ այնքան անուշ...

## 49. ԱՄԱՌԻԱՅ ԵՐԵԿՈՅ

Ճաշայ շոքն անց էր կացել: Սար ու ձոր գլխներն էլ եգ բարձրացնում էին, որ փոքր շունչ առնին: Արեգակը Մասսայ քամակիցը՝ հանդարտ աչքը բաց էր արել, մունջ-մունջ երևանու բերդին մտիկ էր տալիս ու էնա ուզում էր, որ կամաց-կամաց մէր մտնի: Թանձր խաւար, սև դումանը էկէլ, բոլոր դաշտերի, ձորերի երեսը բռնել, օդը ծանրացրել, կալել էր: Ղուշը տեղից չէր ուզում ժած գայ, հաւը բնից գլուխը հանի: Ամեն տեղից ոտքը խաղաղել, ամեն տեղից ձէնը ձոր լուել, պապանձել, փասայ փուսէն քաշել էր: Զուր ջրողը առի վրայ էր թեք ընկել, քնած մտացել, վար ու ցանք անողը՝ հանդումը, բազմանչին իր ծառի տակին՝ շաքում քուն մտել, դինջացել:

Մարդ, ինս, ջինս՝ գեղերումը էլ չէին երևում: Բազի կոնդի (բլուր) ծէրից, բազի սարի դօշից, բազի ձամփում, շոլում

մէկ սեմազի չափ դարալթու սեին էր տալիս, ձիու քամակիցը դէս ու դէն թեքում. երեսի, քամակի վրայ շուռ գալիս, եգ գլուխը դգում, օրգանգուն ու զանթարմէն ժած տալիս, ձիուն քացի տալիս, ես դամշով խփում, որ սաները մի քիչ եգին փոխի, թէզ տեղ հասնի: Բազինն էլ ձեռն ահանջի քոքին դրած՝ ախուր, բարակ ձէնով մէկ բայաթի էր քոքել, քթի տակին, ձիու ջիւաւը գլխին քցած՝ ինքն իրան բզգում, գնում էր, որ տուն հասնի, ու իր բեգարած, ջարդած ջանը, կամ մէկ շաքի տակին դինջացնի, ես իր տան դուռը, իր օղուշաղի երեսը, քանի որ դեռ մութը վրայ չէր հասել, տեսնի ու սիրտը բաց ըլի:

Հօգազներն էլ իրանց գութանի տաւարը բաց էին թողել, լուծը եգ արել ու մէկ քօլգի տակի՝ գութանը մէկ կողմը, եգները միւս՝ ջրերի դրաղին վեր էին թափել, քաղցր քուն մտել: Նախիրը մէկ դգում, ոչխարի սուրուն միւս՝ շաք տեղը նստել չանէն չանի էին քսում, փնջացնում, արոճ անում: Չօբանն էլ գլուխը մէկ քարի վրայ դրած՝ նղղել, աչքը կպցրել էր, որ շօքը քաշածին պէս վեր կենայ, սուրուն իրիկնահովին մէկ լաւ խտտաւէտ տեղ տանի, արածացնի: Օյեաղ շների մէկը էս ցցի վրայ, մէկ միւսը թափի ծերին, ես շօբանի ոտի տակին՝ գլուխը դրել, նօթերը կիտել, մարաղ էր մտել, որ թէ գող, գէլ կամ գազան սիրտանի, մօտենայ, բիրդանբիր վրայ թռչի, թիքայ թիքայ անի, իր ախրոնչ ոչխարները պահի: Մէկ կանաչ խոտ, մէկ դալար թուփ, կամ մէկ ծաղիկ, մէկ տեղ էլայ չէր երևում, որ մարդ հոտն առնի, կամ երեսին մտիկ տայ, սիրտը բացւի ու իր ձամփի երկարութիւնը մոտանայ, կամ շօքի ձեռիցն էրլած, խորոված ջանին հովութիւն տայ, էնպէս էր սար ու ձոր, դաշտ ու հանդ շորացել, խանձել պապանձել: Միմիայն խոտերի շօփերն ու քոլերի սուր սուր ձէրերն էին էստեղ, էստեղ՝ ցից ցից գլուխ բարձրացրել, ախուր, տրտում, մոլորւած, կանգնել մնացել:

Սև-սև ջամդաքակեր ակոսները, ես վախուկ տուլաշներն էին հէնց մենակ մնացել, որ էստե, էստե, մէկ քարափի ծերի, ես մէկ բըջի գլխի, ես թէ չէ մէկ ձամփի միջում,

իրար գլխի հաւաքել էին, նստել, կամ պտիտ էին դալիս, իրար կացահարում, իրար թևերից քաշում, որ մէկի գտած որ- սը ձեռիցը խլեն, փայ անեն իրանց ձագերին էլ տան, կամ հեռները տանեն: Օձ, կարիձ, խլէզ, բզէզ ու ինչ կերպ ջանաւար ասես՝ մորելս, մժեխ՝ մէյդան էին բաց արել: Որը մէկ քօլի տակից, որը մէկ քարափի բաշից, որը խոտերի միջին, կամաց կամաց ժած գալով, պոչ ու գլուխը իրանց քաշելով, կամ ծլունդ ըլելով, էլ եզ սագ անելով, կամ գեանի սպառածի վրայ սողալով, փշտացնելով, ծւալով, ծղրտալով՝ ոտն էին էլել, ուզում էին իրանց արևի ձէնն ածեն: Որն էլ իր բնի առաջին արեկող անելով, գլխները հանել, մունջ մունջ ականջ էին դրել, սուր-սուր ականջները ցցել, պէլացել, շլացել՝ էս կողմն, էն կողմն մտիկ էին տալիս, որ ոտքը խաղաղելիս դուս գան, մի քիչ շունչ քաշեն, իրանց քէֆն անեն, իրանց ոզգը ճանկեն, էլ եզ իրանց բունը մտնին, էլ եզ գնան քնին գինջանան:

Էսպէս մեռել, լուել էր բնութիւնը ու մէկ շփլթու էլայ մէկ տեղից չէր լսում: Միմիայն հեռու տեղից մէկ բարակ քամի բազի-բազի վախտ փչում, ծառերի տերևները սլացնում, ժած էր գցում ու գոլ-գոլ՝ մարդի երեսին, բերնին՝ ձեռը նագուք քը- սում, շուտով անց էր կենում ու փշերի, խոտերի, քարափնե- րի, ձորերի մէջ մտնում: Ինչպէս ծխի մէջ խրած՝ հեռու տե- ղից՝ գաշաի գեղերը, փոսերը մթնած, լուած՝ ինչպէս սև ամ- պի կտորներ, կամ էրած, խանձած տեղեր՝ էս տեղից, էն տեղից սևին էին տալիս ու խառն ի խառն երեւում:

Արագը ինչպէս մէկ նետ օձ, կամ էրծաթի գոտի, արեւմտեան կողմիցը, ձորերի միջիցը իր սուրբ, լուսափայլ ճակատն ու գլուխը բաց էր արել, ու մրմունջ, հանդարտ, լուռ գալիս, Մասսայ փէշին մի քիչ թևով խփում էր, շը- փում ու էլի ծուռն աչքով նայելով, նրան հաթաթայ տա- լով, ձէնը ձոր անելով, գլուխը պտրտելով՝ գնում Ջանգու- ին ու Գառնու գեան իր ծոցն առնում ու խաղալով, խայ- տալով, վովոալով՝ հեռանում քերտանց հետ ու պուռնկ- պոռնկի, դօշ դօշի, քամակ-քամակի տւած, իրար գլխի, երեսի

ձեռները քսելով, փաղաքշելով, հոնաք անելով, աչքները խը- փում, նղղում ու Շարուրի դուզ ծոցումը՝ ծեծւած, շարգւած բուն մտնում:

Ճաշուց շոփն անց էր կապի: Ասր ու չորս գոյ- խընկրե է էր քարոչքայնու՞մ էրն, որ փոփը շուկ սու շիփն: Միքի-գակը մասսայ փանակիքը՝ համե - դարբը աչքը բաց էր արի, Բունգ, Բունգ Արեւանու քիթոյթն: Սրբի էր փայլա ու Բուս ու գու՞մ էր որ կանայ- կանայ մէր մընի: Թանջը խաւարը, սև դու մանը էկի, բոչոր դաշտիքի, չորիքի երեսը բունի, օրը Ժանքայքի, կայի էր: Ղուշը րի- ղից էր ու գու՞մ ժած գայ. հաւը բնից գուրը հանի: Մովէն րիդից ուրիք խաղաղութի, ասիէն րիդից չիէն չորս էուի, պապանջի, փասայ փուսէն խաղի էր:





## 50. ԱՄՊԵՐԻ ՔԱՐԱՒԱՆԸ

Տես, հեռուիցն ահա շարան ու շարան,  
Տրնկ, հա տրնկ, եկաւ քարաւանն ամպերի,  
Ու սար ու քարաւան իրարով դիպան.

Բարով ձեզ սարեր, տէրեր աշխարհի:  
«Այ, բարով, բարով,  
Էս ո՞ր ծովերով».

Պոնտիցն ենք գալիս մենք շարուէ շարան,  
Գնում ենք անցնենք հարթերը կասպեան.  
Դէպի Հիմալայ...

\* \* \*

Դէպի լեռան իջևան  
Գալիս է հիւր ամեն օր  
Ամպերի ձիգ քարաւան  
Եւ ճամփայ է ընկնում նոր:  
Ու գնում են լողալով  
Հորիզոններն հեռաւոր,  
Արևելեան աստղերին,  
Որպէս կարօտ ուխտաւոր:


## 51. Ա Ն Տ Ա Ռ

Սեկն տալով հեռաստանում՝ կանգնած է բարձր, սաւե-  
րախիտ, հինաւորաց, մռայլ անտառը: Բայց հինաւորաց ա-  
սելով՝ չբախտք է կարծել ձերացած, դառամեալ, տերևա-  
զուրկ: Եթէ բարձր ծառերը այդպէս լինէին, տեսքը շատ տը-  
խուր կը լինէր:

Բնութեան մէջ ամեն բան աստիճանաբար է ընթանում:  
Մեծ անտառը միշտ բազկացած է լինում զանազան հասակի  
ծառերից՝ մի քանիսը, որոնք իրանց զարը վերջացրել և բո-



լորովին չորացել են, աննշմարելի են դառնում ուրիշ շատ ծառերի մէջ, որոնք կանաչ ու ծաղկաւէտ են: Տեղ տեղ անտառում ընկած են անագին բներ՝ նախ գոսացած, ապա արմատից փտած: Նրանք իրանց վայր ընկնելու ժամանակ թեքել ու կոտրատել են մերձաւոր մատղաշ ծառերը, որ չընայելով իրանց այլանդակութեանը՝ գեռես աճում ու ծաղկում, բանաստեղծօրէն կողքին ճկւած տարածում են գետնի վրայ, կամ կորանում կամարաձև: Անտառի հսկաների դիակները ներսից փտելով, երկար ժամանակ պահպանում են իրանց արտաքին տեսքը. նրանց կեղևը մամուլատուտ է և մինչև անգամ ծածկում է խոտով: Ինձ շատ անգամ պատահել է շտապած ժամանակս ցատկել այդպիսի դիակների վրայով, գետին գլորելիչոր, անձրեային փոշու նման նեխուած փոշու ամպը ինձ շրջապատում է մի քանի վայրկեան: Բայց այս բոլորովին չէ խանգարում այն կանաչ, հզօր անտառային թաղաւորութեան ընդհանուր գեղեցկութիւնը, որ արձակ աճում է գովութեան, աղջամուղջի և լուսթեան մէջ: Ամառը, տօթ կէսօրին, խիտ անտառի տեսքը մխիթարում է մարդուս, նրա ներքին լուսթիւնը մեզմ է. երբ քամին ժամանակ առ ժամանակ վազում է նրա կատարների վրայով, ինչքան քաղցր է տերևների սուսփիւնը. նրա մռայլութեան մէջ մի ինչ որ խորհրդաւոր և զաղտնի բան կայ: Գաղանի, մարդու և թռչունների ձայնը անտառում փոխում են և հնչում օտարօտի հնչիւններով: Բայց մեծ անտառը, փոթորկի ժամանակ սոսկալի է. չընայելով որ ցածր հանդարտ է. ծառերը ճոնչում ու հառաչում են, ճիւղերը ճրճում ու կոտրատում են: Մարդուս հոգու վրայ ազամայ երկիւղ է ախր սպետում և հարկադրում նրան վազել մի արձակ տեղ:



## 52. ԳԻՇԵՐԸ ՀԱՍՍԻ

Գիշերը հասաւ. մթին է ճամփան.  
 Մարում է կամաց աղմուկը քոչի.  
 Առակի ափին քարաւաններն իջան.  
 Կանչում են՝ «տղերք, ապրանք շրկորչի»:  
 Ջիերի շոկեր, ուղտերի բարւան,  
 Սայլերի ճրոտոց, ոչխար ու տաւար  
 Գտնելով ձորում գիշերն իջեան,  
 Հանգիստ են առնում միւս օրւան համար:  
 Կրակի վրայ, առակի ափին  
 Մի տեղ ընթրիք են շտապ պատրաստում,  
 Մի տեղ էլ կորած գառանն ու հորթին  
 Սար ու ձոր ընկած հովիւն է կանչում.  
 Մի այլ տեղ ուրախ շրջան բոլորած՝  
 Ուտում են նրանք կաթն ու խորոված.  
 Գիշերն էլ արդէն մնչում է, լուռւմ,  
 Յողնած քոչւորին հանգիստ քուն բերում.  
 Միայն մի կով է դարձեալ բառանչում  
 Եւ քունը կտրած հորթուկին կանչում.  
 Հսելով նրան գիշերն անդադար,  
 Հեռւմ է տխուր ծերունի անտառ:  
 Այնտեղ խարոյկի շուրջը բոլորած՝  
 Տեսած ու լսած արկածն են պատմում,  
 Եւ մեծ ու փոքր ականջներ լարած,  
 Աշուղ Գիքոյի երգերն են լսում:

## 53. Ա Շ Ո Ի Ն

Աշուն է, խոր աշուն, գորշ երկինք, թուխ պ խոնաւ ամպեր: Մերկ ու թափանցիկ են պարտէզները, պուրակները և անտառները: Ամեն ինչ ակնյայտնի երևում է նոյն իսկ գիւղական թաւուտում, ուր ամառը մարդկային աչքը չի թափանցում: Հին ծառերը վաղուց մերկացած են. միայն շահիլ ա-


ռանձին կանգնած թղթենիները դեռ ևս պահպանել են իրանց թառամած, դեղնաւուն տերկները: Այդ տերկները ոսկու պէս փայլում են, երբ աշնանային արևի շեղ ճառագայթները ընկնում են նրանց վրայ: Գետինը ծածկւած է բազմազան ու բազմերանգ չոր տերկներով: Այդ տերկները կակուղ և փափլիկ են խոնաւ եղանակին, այնպէս որ զգոյշ անցնող որսորդի ստրբերի տակ չի լսում խշխշոց: Ընդհակառակը սաստիկ ցուրտ եղանակին նրանք այնպէս չոր են, որ թռչուններն ու գազանները մարդկանց քայլերի աղմուկից հեռու են թռչկոտում: Եթէ օրը խաղաղ է, շատ հեռու տարածութիւնից լսում են աղէտի, սկիւռի և այլ անառաային գազանների զգոյշ ոտտիւնները, սրանց հեշտութեամբ տարբերում է որսորդի փորձած սուր ականջը:

Ահա աղմուկով թռչում է սև ճարեկների երամը — նա ուղիղ գէպի այգին է գնում: Ոմանք նստոտում են ժայռերի վրայ, ոմանք իջնում են գետին և դէս ու դէն թռչկոտում: Մի առ ժամանակ նրանք հանգիստ են, լուռթեամբ բաւարարութիւն են տալիս իրանց քաղցին: Հէնց որ կշտանում են, խումբ են կազմում, նստում մի քանի ծառերի վրայ և երգում: Ամենքն էլ լաւ չեն երգում, ոմանք միայն աղմկում են, բայց համերգը խիստ հաճելի է:

Այդ համերգը զարմացնում և ուրախացնում է առաջին անգամ լսողին, որովհետև վաղուց լսել է թռչունների ձայնը և այսպէս ուշ աշնանը այլևս չի լսում նախկին բազմազան երգը, այլ միայն մի քանի թռչունների, գլխաւորապէս փայտփորիկների, խաչկտիկների ճիչը:

Ահա այսպիսի աշուն եմ սիրում ես, ոչ իբրև որսորդ, այլ իբրև բնութեան գեղեցկութիւնների շերտ սիրահար:





Գիտեցէք այս պատկերը, թէ «աշխարհ» ով ի՞նչ է անում, պատկերէ եւ նոյնը զոր ասէք:

### 54. Կ Ո Ւ Ն Կ Ն Ե Ր

Ո՞ւր էք գնում շարան-շարան:  
 Հէ՛յ դուք սիրուն կուռնկներ,  
 Ո՞ւր էք թռչում այդպէս արագ  
 Մեր աշխարհից հիւրասէր:

Չըլինի՞ արդեօք մեր վաթանը  
 Դուք նեղ գտաք ձեզ համար  
 Եւ շտապով դուք թռչում էք  
 Մի երջանիկ նոր աշխարհ:

Եւ պիտի գաք դարձեալ շտապ  
 Էս վաթանը մեր սիրուն,  
 Երբ հեռանայ սև ձմեռը,  
 Երբ որ բացւի նոր գարուն...

### 55. Չ Մ Ե Ռ

Չիւնն եկել՝ դիզւել, սար ու ձոր բռնել էր: Պարզկայ  
 գիշերը էնպէս էր գետինը սառցրել, որ ամեն մէկ ոտը կո-  
 խելիս՝ հազար տեղից տրաքտրաքում, ճրճում, ճքճքում  
 էր, ու մարդի ջանը սրսռացնում, ձէն տալիս: Ամեն մէկ  
 ծառի ճղկներից, ամեն մէկ տան բաշից՝ հազար տեսակ սառցի  
 լուլայ, հազար տեսակ ձնի քուլայ՝ կախ էր էլել ու բիզ բիզ  
 իրար վրայ սառել: Հէնց գիտես՝ սար ու ձոր կամ նոր էր  
 ծաղկել, կամ նոր ձերացել, մահա՛ն դուռն ընկել. շունչն էր  
 մնացել, որ տայ, ու աշխարհիս «բարով մնայ» ասի: Դու՛չ, գա-  
 զան, անասուն, սողուն՝ սրը փետացել՝ էստեղ էնտեղ վեր էր  
 ընկել, սրն էլ վազուց, ամսով առաջ բունը մտել, ձէնը կրտ-  
 րել, պաշարը վայելում, զարնան գալուն սպասում: Գետերի,  
 առուների երեսները սառիցը մէկ դագ էկել, հաստացել, իրար  
 վրայ դիզւել՝ էնպէս էր ջրի, աղբրի բերնին հուփ տւել, որ

մօտներին կանգնողը միմիայն նրանց խուլ ձէնն էր լսում, որ սառցի տակին տխուր, արտում, բլբլում էր ու էլ եղ էստեղ, էնտեղ կամաց կամաց ձէնը կտրում, պապանձում, սառչում:

Արեգակը էս առաւօտ՝ որ գլուխը քնի տեղիցը ու աղօթարանիցը չի բարձրացրեց ու աչքը աշխարհի վրայ գցեց, շողքը սարերի գագաթին, դաշտերի գլխին, էնպէս էր պեծին տալիս, պապղում, փայլում ու սառցի, ձնի հետ խաղում, ծիծաղում, կանաչ ու կարմրին տալիս՝ որ հէնց իմանաս՝ թէ ալմազ, դմռութ, եախուլթ ու հազար տեսակ անգին քարեր ըլէին դաշտերի, սարերի գլխին, երեսին, դօշին փռած: Սարերի սառը բուքը, ձորերի դառնաշունչ քամին՝ էնպէս էր մէյրան բաց արել, գոռում, փչում, հոսան անում, ձնի թեփը իրար գլխով տալիս, որ ճամփորդի քիթ ու պոունկը կպցնում, ճաքացնում, երեսը պատում, գլխին, երեսին հազար անգամ խփում, աչք ու բերան լցնում. շատին կամ ձորերն էր քցում, խեղդում, կամ ձնումը թաղում, շունչը կտրում, կամ ոտ ու գլուխ փետացրած, ճամփից խուկում, սար ու չու քցում, խեղդում, կամ քարէքար տալիս:

Համեմատեցէք զարնան ևս ձմրան օրերը:

## 56. Չ Մ Ե Ռ

Աշնան վերջին քամին եկաւ,  
Սրբեց դաշտեր, ձոր ու լեռ  
Ու ամենքին համբաւ բերաւ,  
Թէ գալիս է ցուրտ ձմեռ:

Ու մռայլեց երկինք, գետին,  
Մէզը պատեց դաշտ ու սար.  
Ցուրտը եկաւ տիրեց երկրին,  
Ճերմակ հագաւ մեր աշխարհ:

Մարդ, անասուն ծերուկ հիւրից  
Վախվիսելով մտան տուն.  
Գետն էլ լռեց ցրտի ահից,  
Ախ հեռու է դեռ գարուն...

## 57. ԴԱՐԻԱԿԻ ՉՈՐԸ


Վլադիկաւկազից դուրս գալով, մի քանի ժամից յետոյ արդէն գտնուում եմ Դարիալի ձորի մէջ: Օդը մռայլ է, խոնաւ և ցուրտ: Աջ կողմս ապառաժներ, ձախ կողմս ապառաժներ, վերջապէս բոլոր շուրջս ապառաժներ, որոնցից մէկի ստորտաով գնում եմ և շարունակ նայում վեր, բարձր, որտեղից կիսաբանդ կամարների ձևով գլխիվայր կախել են անաղին ժայռեր: Նրանք նայում են ցած և սարսափ ներշնչում ինձ: Եթէ մի կտոր, թէկուզ մի չնչին մասը պոկւի իր տեղից՝ ինձ սայլակիս հետ միասին փոշու հետ կըհաւասարեցնի: Բնութիւնը մտադիր չի եղել այստեղ ճանապարհ բանալու, բայց յանդուգն մարդը ինչեք չի արել:

Ընթանում եմ գէպի առաջ և բարձր: Մեր ուղին սկըսում է ժայռերի ստորին փէշերից և ոլոր մտոր պտոյաներով բարձրանում զրանց կրճքի վրայով ու դիմում ձիւնապատ գագաթների կողմը, որոնք այս միջոցին ծածկւել են սպիտակ և մոխրագոյն ամպերով, այն երկնային սաւանով, որի միջից երբեմն-երբեմն դուրս են ցայտում հատիկ-հատիկ մշտականաչ եղենիները և դարձեալ անհետանում: Ապառաժներն անընդհատ միմեանց են յաշորդում: Նրանք բազմաթիւ և բազմաձև ծալքերով ձգւում են անդնդային մռայլ ձորի միջով և միախառնւում անթափանց թանձր կապուտակի հետ, ուր վարագուրեաժ է գարնան քնքուշ երկնակամարը: Ամեն տեղ տիրում է խլացուցիչ աղմուկ: Այս աղմուկը, գոռում-գոշումը, կատաղի թերէքին է պատկանում: Իս գլխիվայր վազելով քարքարոտ յատակի վրայից և ամեն ինչ քարուքանդ անելով, անխնայ շարտում է այս ու այն կողմ ժայռերի միջից պոկած

ահագին բեկորները: Դա նման չէ սովորական արագահաս գետերին, դա կատաղի է և իր կատաղութիւնը հասցրել է գազաթնակէտին: Կորցրել է իր գոյնը, կորցրել է բոլորովին իրան: Հագարաւոր պտոյտներ անելով, քարի է զարկում, ամեն ինչ զջլում, արմատախիլ անում, ջարդում ու փշրում: Շրջապատում է կղզիացած ամրապինդ ժայռերին և անէծք ու սպառնալիք ուղղում «չնչին արարած, եթէ ոչ այսօր, գոնէ վաղը անշուշտ կը պոկեմ տեղիցդ, կը զարկեմ ափիդ և փշրելով կը ոչնչացնեմ ըս գոյութիւնը»: Եռում է ամբողջապէս, բլուրներ ու անդունդներ կազմում, նոցից շուռ է գալիս և ջնջում ու իր հետ տանում: Այստեղ ծափ է տալիս, այնտեղ ապտակում, ծեծում, երրորդ տեղը խփում գլուխը գետնին և մի ակնթարթում թռչկոտում բարձր, շատ բարձր՝ թուքեր արծակելով ամեն կողմ: Նա անգութ է, գոռոզ և հպարտ: Չի ուզում ջրի նմանել, ամբողջապէս փրփուրի է փոխել: Մանր ու խոշոր սիրուն առակներ ամեն մի քայլափոխում ծնունդ են առնում ժայռերի կրճքի միջից, կարկաչելով, ուրախ-ուրախ վազում են ներքև, ձորի մէջ կատարուող աղմկալից տեսարանը տեսնելու, բայց անողորմ հրէշը կլանում, խեղդամահ է անում այդ ծաղկահաս անմեղ արարածներին:

## 58. Ճ Ո Ր Ո Խ

Այն գիծ ճորոխի ժայռերն են ահա,  
Որ ինչպէս մթնած երկու մռայլ ամպ՝  
Կարծես զիմարզել երկու աժգահա՝  
Իրար են նայում կանգնած պատահմամբ:  
Այն գիծ ճորոխն է, որ ահեղ ձորում  
Քարեանի նման չում է իր չուն:  
Որ մէկ գոռում է, մէկ նւազ մարում՝  
Պտրելով ձամբայ խաւարի միջում:



Պարիսի ձորը

# 59. ՉԻՆԱԿԱՆ ՍԻԼԻՆՉԻ ԹԱԳՈՒՀԻՆ

Չինական Գօանչի կայսրը ուներ մի կին Միլինչի անու-  
նով, որին խիստ սիրում էր: Կայսրը ցանկանում էր, որ ողջ  
ժողովուրդը յիշէ իր սիրելի թագուհուն: Այս նպատակով նա  
ցոյց տւեց կնոջը շերամի որդը և ասաց. «սովորիր, թէ ինչ-  
պէս պէտք է այս որդը խնամել և ժողովուրդը երբէք չի մո-  
ռանայ քեզ: Միլինչին սկսեց զննել որդերին և տեսաւ, որ երբ  
նրանք անզգայանում են, նրանց վրայ մնում է թելերի մի






կծիկ: Նա ար-  
ձակեց կծիկը,  
նրանից բարակ  
թելեր մանեց  
և մետաքսէ  
թաշկինակ գոր-  
ծեց: Այնուհե-  
տև նա նկա-  
տեց, որ որդե-  
րը աճում են  
թթենինների վը-  
րայ: Նա սկսեց  
հաւաքել թթե-  
նու տերևներ և  
նրանցով կե-

րակրել որդերին: Այսպիսով նա բազմացրեց շատ որդեր և ժո-  
ղովրդին սովորեցրեց, թէ ինչպէս պէտք է խնամել նրանց:

Այդ ժամանակից անցել է հինգ հազար տարի, բայց չի-  
նացիք մինչև օրս յիշում են Միլինչի թագուհուն և նրա հա-  
մար տօն կատարում:



 <p>1. Թիթեռը ո՞ր է դրել իր ձերը.</p>	 <p>2. Չերից ի՞նչ է դուրս եկել.</p>
 <p>3. Ի՞նչ են ուտում որդերը ու ի՞նչ են դառնում:</p>	 <p>4. Թրթուրները երբ մեծանում են, ինչի՞ են փոխարինում:</p>
 <p>5. Ի՞նչ են դուրս եկել պատեան- ներից:</p>	 <p>6. Ու՞ր են թռչում թիթեռները.</p>

Դիտեցէք իւրարանջիւր պատկերը, նախ պատմեցէք եւ ասպ-  
զրի ստեղծ ամբողջի բովանդակութիւնը:



## 60. ԱՐԾԻՒՆ ՈՒ ՃԻՃՈՒՆ

Հսկայ թևերը լայն-լայն տարածած,  
 Հզոր արծիւը ուղղեց իր թռիչք  
 Իէպի բարձրաքերձ լեռներ սեպացած,  
 Իէպի անսահման կապուտակ երկինք:  
 Երկար սաւաննեց նա խիտ ամպերում,  
 Քանի ուժ ունէր զօրեղ թևերում.  
 Եւ վերջ ի վերջոյ յոգնած ու դադրած,  
 Նա նստեց հսկայ մի լեռան կրճքին,  
 Որի գագաթը մինչ երկինք հասած,  
 Մարսափ էր ազդում վերև նայողին:  
 Նստեց նա հանգիստ, անփախ, անվրդով  
 Եւ շուրջը գոռոզ հայեացք ձգելով,  
 Իր արջայական ձայնովը անեղ  
 Որոտաց ուժգին. «Մենակ եմ այստեղ,  
 Մենակ ու ազատ այս լեռան վրայ  
 Որպէս քաջայայթ լիազօր արքայ.  
 Իմ գահն է անհուն այս երկնակամար,  
 Որոտ ու ամպեր ոտքիս պատանդան.  
 Ո՞վ կայ աշխարհում փառքիս հաւասար,  
 Ո՞վ կարէ հասնել գահիս բարձրութեան:  
 — «Ես»

Լսեցաւ յանկարծ մի ձայն թոյլ, բարակ,  
 Մեծապանծ թռչնի հէնց ոտների տակ.  
 «Ես, անձրևային ճիճուս աննշան»,  
 — Ի՞նչպէս, դու այստեղ, իմ դէմ յանդիման,  
 Ասան ինձ շուտով, ճիճու անպատկառ,  
 Ո՞րտեղից դու այս ամպերին հասար...»

— «Այն նեխած ճահճից, արծիւ ինքնագով,  
 Ուր դու ծնւած ես քո այդ վեհ փառքով.  
 Այն նեխած ճահճից, որտեղ այժմ դու,  
 Զգու՞մ ես անգամ հայեացք ձգելու»:  
 — «Բայց ի՞նչ հնարքով դու միջատ չնչին,  
 Հասար իմ անհաս ամպազարդ գահին.  
 Ասան, պատմիր ինձ, ի՞նչպէս, ի՞նչ կերպով...»  
 «Ինչպէս, սողալով, արծիւ, սողալով»:

## 61. ԾՈՎԱՒԵՆԱՅՈՒԹԻՒՆ

1.

Օգոստոսի 20-ն էր, պայծառ էր Դերբենդի երկինքը,  
 պարզ ու հանդարտ էր կասպից ծովը, որ ապակու պէս փայ-  
 լում էր և հիւսիսային մեղմ գեփիւնից ժպտում:

Ճանապարհորդները ծովեզերում կանգնած, անհամբերու-  
 թեամբ սպասում էին շոգեհաւին: Կէս օրն անցաւ: Ահա հիւ-  
 սիտում մի սև կէտ երևեցաւ, որ հետզհետէ մեծանում էր և  
 աւելի պայծառ կերպով նշմարում:

Գա շոգեհաւն էր, որ իր ծինելույցից բարդ-բարդ դուբս  
 էր թափում ծուխը և ամպի պէս տարածում հորիզոնի տակ:  
 Մօտենում է: Ահա պարզ որոշում են կայմերը: Մի ժամ  
 ես, ահա Դերբենդի առաջը մեղմացրեց իր ընթացքը, և նրա  
 սուլիչի սուր ձայնը յայտնում է խարխիս ձգելը... Իսկ ծովա-  
 փում, տես ինչ աղմուկ ու իրարանցում է. այստեղ հաւաք-  
 ւած են շատ ճանապարհորդներ, նրանց ազգականներն ու բա-  
 րեկամները և հետաքրքիրների մի խումբ: Ո՞րը ուրախ ու զը-  
 րեկամները և հետաքրքիրների մի խումբ: Ո՞րը ուրախ ու զը-  
 ռուն կամ թոռանը՝ մայրը՝ իր որդուն գրկած, հեկեկում է ու  
 նրան խաչակնքում... Մի խօսքով ծիծաղ ու ժպիտ, արտա-  
 սուք ու տխրութիւն իրար են խառնել:

— Հասանք, հասանք շոգեհաւը, լսում են թիավարների  
 ձայները և ամբողջ նաւակներից սանդուխով շոգեհաւն է

բարձրանում: Բայց ինչ բազմագիմի տեսարան. այստեղ կը-  
գտնես ամեն ազգից, ամեն սեռից, ամեն դասակարգից. հա-  
րուստ ու աղքատ, քահանայ ու բժիշկ, վաճառական ու ար-  
հեստաւոր, կին ու աղջիկ, ծծկեր ու պատանի... Հազար ու  
մի պատկեր, հազար ու մի վարք ու բարք. չորս կողմը ապ-  
րանքների կոյտեր և նրանց վրայ հարիւրաւոր պլշած աչքեր:

Ահա նաւապետը բարձրացաւ իր տեղը. հրաման է տա-  
լիս խարիսխը հանել և հեռանալ: Նաւաստիները հո-հոպ, հի-  
հոպ, հոպ-հոպ կանչելով՝ քաշում են խարիսխը և երրորդ սու-  
լիչը արդէն յայտնում է շոգենաւի մեկնիլը:

— Մնաս բարև, մնաս բարև, կանչում են ամեն կողմից,  
գլխարկները բարձրացնում և թաշկինակներով միմեանց ճա-  
նապարհ ձգում...

Բորբոքում է հնոցը, բարձրանում է ծուխը, շոգին մը-  
ղում է մեքենաները, շրթմփ ու թրթմփ, գլորում են անիւ-  
ները և ահագին շարժական տուներ պատռելով ծովը, առաջ է  
ընթանում, մի ուղիղ և փրփրուն հետք իր ետևը թողնելով:  
Նա տանում է իր վրայ հարիւրաւոր մարդիկ, հարիւրաւոր  
մարդկանց յոյսեր իր սենեակներում ու շտեմարաննե-  
րում: Ամենքի սիրտը տրոփում է յոյսի ու երկիւղի մէջ.  
մահն ու կեանքը, կարծես, պատերազմում են միմեանց  
դէմ. ամեն մի երեքում, ամեն մի թեթև ցնցում նաւորդի  
վրայ սարսափ է բերում, ծովի վրայ մահը կեանքից մի տախ-  
տակով է բաժանւած:

Փռնչալով գնում է շոգենաւը. անհ Սամուր գետը իր ան-  
տառով մի կողմ մնաց. մութը պատեց ինչպէս ցամաքի, նոյն-  
պէս և ծովի վրայ. հիւսիսի ցուրտ քամին սուլելով անցնում  
է շոգենաւից ու մարդու մարմինը մի անախորժ դող ձգում:  
Հանդարտութիւն է չորս կողմը. նաւորդներից շատերը փա-  
թաթեալ իրանց վերարկուների մէջ՝ որը խօսում է, որը ա-  
կանջ դնում, որն էլ պառկած խումփացնում: Գիշերային այդ  
լուսթեան մէջ միայն լսում են մեքենաների շրխկշրխկոցը,  
ջրի շրմփոցը, նաւապետի հանդարտ քայլերը և ղեկավարի  
ուլած հրամանները: Վերնայարկում նստած նաւորդները նա-

յում են երկնքի անսահման տարածութեան  
դամանդեայ աստղերի գեղեցկութեանը ու կա

II.

Յանկարծ արեւելքը շոռագունեց. հորիզոն  
կապոյտ ծովը մի փայլ առնում և ահամայ  
գրաւում: «Լուսինը», բացականչում ես, ինչ ս  
կեր. գիշերւայ թագուհին ջրից կիսովին բարձրա  
տի ողջոյն է տալիս ծովին. նա ամբողջ ժամեր  
այդ վճիռ աւագանում և այժմ մտնում է աստղեր  
րութիւնը՝ այնտեղից դիտելու մարդկանց գործերը...  
քանի բարձրանում է՝ այնքան դժգոյն կերպարանք է առ



Արեւելքը կարմրում է. արեւմուտքում սարերի սև գիծը որոշ  
փշում է կողմնակի քամին և շոգենաւը աջ ու ձախ տատանո

Գիշերւան թագուհին իր հրաժեշտը տալով՝ վաղուց մտ  
է սարերի քամակը. իսկ նրա ետևից անա բացւեցան երկնքի  
վարագոյրները, և իր ծիրանին հագած դուրս եկաւ փայլուն  
արևը: Նա թօթափեց իր փէշերը, և անա ցոլանում են նրան-  
ցից ոսկեղէն ճառագայթներ և հալածում խաւարը... բոլոր  
բնութիւնը նորից կենդանութիւն ստացաւ...

Քամին սասականում է, ծովը կատաղում, լեռնանում են  
ալիքները, բարձրացնում շարժական տուներ ու կրկին ծովի յա-  
տակը իջեցնում: Փռնչում է շոգենաւը, հարւածում ծովը,  
բայց իգճւր. տաշեղի պէս մղում է ջրի երեսին: Այստեղ անա  
մարդկային ճարտարութիւնը խոնարհւում է բնութեան այս ա-  
հեղ տարրի առաջ...

Նաւապետը հրամաններ է տալիս. նաւաստիները իրար են  
անցած. ղեկավարը աջ ու ձախ դարձնում է իր ղեկը. մարդ-  
կանց երեսին մեռելութիւն է դրոշմած. չըկայ առաջւայ ծի-  
ծաղն ու գւարթութիւնը. ամեն մարդ կուշ եկած՝ իր կեանքի  
պահպանութեան հոգն է տանում... Տես՝ ինչ սարսափելի դրու-  
թիւն է շուրջը. մեծ ու փոքր, տղայ ու աղջիկ՝ այս ու այն  
կողմը թեքւած՝ ախ ու վայ են կանչում...

— Ապշերոնը, Ապշերոնը, շուտով կազատւենք այս ալիք-


Պատկերը ամբողջական է



բարձրանում: Բայց մարդիկ: Նայում ես՝ աջ կողմից ընկած է ռուսոս ու ազգատիբ ու նրա առաջը մի երկարացած կղզի. անհետաւոր, կին ուսակներ պատսպարան են գտել այդ պարամի պատկեր, հաշտեղ չեն համնում ոչ կատաղի ալիքներ, ըանքների կոյտ սաստկաշունչ քամին...

Ահա նաև Արեգակը վերևից կրակ է թափում, եփ եկած լիս խորխոր աղաղում, շոգենաւը սահում է կապոյտ ծովից, հոպ, հոպ-հոպ արան ընդ առաջ բերում. աջ կողմից ցամաքն է լիջը արդէն ձախից՝ փոքրիկ կղզիները, որտեղ միայն ձկնկուլ-Մովսիսի բաղերն են իջնանում: Բայց անհ հեռուն ամգլխարե՞ ծուխ է բարձրանում և մինչև երկինք տարածւում. նապրթ աչքը իսկոյն որոշում է Բագուն... Սև քաղաքը:

Կէսօրուան չորս ժամի խաբէ, շոգիւսաւը ձիւղի-լով նարբարաւոր նաւ ու նաւակներ, Բագւայ նաւանանգրարը մըսաւ. նա իրորարաւ-լով կանգ առաւ արջաչական կամրջի դիմա-յր և վերջին առկայք յայտնից խարխաւ չը-գիւր: Արա դրօշը ծածանւում է; նա աչտ՞ իրաւունք ունի ամբոյ. « Բնութիւնի դէ՞ կուլիցի, բոլոր ոյժս գործ դրի, քաւէ՞ ինչ աչտ՞ յաղթութիւնի դաւի՞նի »:



Գիտեցէք այս պատկերը, միտքաւոր եցէք եւ ճանկեանեցէք շողմաւոր անարատունանի նաւ:

## 62. Ն Ա Ի Ա Վ Ա Ր

— Է՛յ, նաւաւար, ի՛նչ ես անում,  
Ո՛ւր ես նստում դու նաւակ.  
Մե ամպեր են, տե՛ս բարձրանում  
Դէպի երկինք կապուտակ:

Հորիզոնն էլ մոլթով պատած՝  
Հեռում ամպն է որոտում.  
Նայի, ծովն էլ կամաց-կամաց  
Պարզ երեսն է կնճռոտում:

«Է՛հ, աղա Ղան, դարդ մի արա,  
Ծովափին եմ ես ծնել.  
Մեծացել եմ ծովի վրայ,  
Ծովի բերքովն եմ սնել:

Մանուկ օրից շատ եմ տեսել  
Եւ՛ փոթորիկ, և՛ աղէտ.  
Ծովն է ինձ միշտ օրօր ասել,  
Նոր չեմ ծանօթ ծովի հետ:

Հայր ունէի, ծովում կորաւ  
Որսի ելած մոլթ զիշեր.  
Եղբայրներիս ծովը տարաւ,  
Չկնորս էին անվեհեր:

Կեանքը լաւ է... բայց ի՛նչ արած...  
Համ էլ մահից ի՛նչ փախչեմ.  
Ծովն է տալիս մեզ կեանք ու հաց,  
Ծովի տակն էլ կրհանգչեմ...»

## 63. Լ Ո Ր

I.

Ես տասը տարեկան էի, երբ մի անգամ հօրս հետ գնացի  
որսի: Հայրս գնում էր մանր թփերի միջով, ուր առհասարակ  
շատ լորեր էին պատահում: Յանկարծ որսի շունը—Տրէգօրը  
կանգ առաւ: Հայրս քրս-քրս տւեց և Տրէգօրի հէնց քթի  
տակից դուրս թռաւ լորը, սակայն նա շատ տարօրինակ էր  
թռչում, զլորում էր, շուռ գալիս, վայր ընկնում. կարծես թէ  
նա վիրաւորւած էր, կամ նրա թեւը կտարւած էր: Տրէգօրը  
բոլոր ուժով սկսեց հետապնդել նրան. նա այդպէս արագ չէր  
վազում, երբ թռչունը կանոնաւոր էր թռչում: Հայրս նոյնիսկ  
հրացանն արձակել չէր կարող, վախենալով, որ կտարակը  
շանը կըկաշի: Վերջապէս Տրէգօրը բռնեց նրան և բերեց,  
հօրս տւեց: Հայրս թռչունին դրեց իր ձեռքի ափի վրայ: Ինչէ՛,  
նա վիրաւորւած է, հարցրի ես:—Ոչ, նա վիրաւորւած չէ,  
նա պէտք է որ մօտեքքումս ձագեր ունենայ. նա զիտմամբ  
վիրաւոր էր ձեւնում, որ Տրէգօրը կարծէր, թէ նրան հեշտ է  
բռնելը:

— Բայց ինչո՞ւ էր նա այդ անում, հարցրի ես:

— Նրա համար, որ շանը հեռու տանի իր ձագերից: Յե-  
տոյ նա աւելի լաւ կըթռչէր: Միայն թէ այս անգամ նա սը-  
խալւեց—խիստ էր ձեացնում և Տրէգօրը նրան բռնեց:

— Ուրեմն նա վիրաւորւած չէ, նորից հարցրի ես:—Ոչ...  
բայց նա կենդանի չի մնայ... Տրէգօրը, ինչպէս երևում է,  
պինդ սեղմել է նրան իր ասամներով: Ես աւելի մօտեցայ լո-  
րին: Նա հանգիստ պարկած էր հօրս ափի վրայ, կախ ձգելով  
գլուխը և իր թուխ աչքերով նայում էր ինձ:

II.

Եւ յանկարծ ես խղճահարւեցի: Ինձ այնպէս էր թւում,  
թէ մտածում է. «Ինչո՞ւ համար ես պարտաւոր եմ մեռնել.  
Ինչո՞ւ համար—չէ որ ես իմ պարտքը կատարեցի, աշխատեցի

փոքրիկներին փրկել, շանը հեռու տանելով և բռնեցի»։ Երբ նա աչիկները փակեց, ես լաց եղայ։

Յետոյ ես մօտեցայ հօրս և խնդրեցի, որ ինձ ընծայէ լորը։ Բայց ինչո՞ւ է պէտք լորը, հարցրեց հայրս։— Ես ուզում եմ նրան թաղել։— Թաղել։— Այո, նրա բնի կողքին։ Տուր ինձ դանակդ, ես նրա գերեզմանը կրփորեմ։ Հայրս զարմացաւ։— Որպէսզի երեխաները այցելութեան գան նրա գերեզմանին, հարցրեց նա։— Ոչ, այնպէս... Ես ուզում եմ։ Նրան շատ հաճելի կըլինի պառկել իր բնի կողքին։ Հայրս ոչ մի խօսք չասաց, հանեց դանակը և ինձ տւեց։ Ես իսկոյն մի փոքրիկ փոս փորեցի, համբուրեցի լորի կուրծքը, դրի փոսիկի մէջ և հողով ծածկեցի։ Ապա նոյն դանակով երկու ճիւղ կտրեցի, նրանց կեղևը մաքրեցի, մի խաչ շինեցի և խրեցի գերեզմանի մէջ։ Շուտով ես հօրս հետ հեռացայ այդ տեղից, բայց ես շարունակ յետ-յետ էի նայում։ Սաչը սպիտակ էր և հեռից երեւում էր։

Հինգ օրից յետոյ ես և հայրս նորից եկանք այդ տեղը։ Ես գերեզմանը գտայ խաչի շնորհիւ, թէպէտ գեղնել էր, բայց վայր չէր ընկել։ Սակայն բունը գատարկ էր, նրա մէջ չըկային ձագուկները, հայրս հաւատացնում էր, որ հայրը նրանց հեռու տեղ է տարել։ Եւ երբ մի քանի քայլի վրայ թփի տակից դուրս թռաւ լորը, հայրս այլևս չըկրակեց նրա վրայ։

Այդ օրւանից որսի գնալու հրապոյրը կորաւ ինձ համար։

## 64. Ա Ր Ա Գ Ա Ծ

Մեր առջին է Շիրակի ալեծածան հարթութիւնը, և լայնանիստ Արագածը, որ մի մօր պէս բազմել է շրջակայքի բլուրների մէջ։

Անոյ՛ Արագած...

Ամեն ինչ մեզմ է նրա արտաքինի մէջ. և կատարները, որոնք շուրջանակի բոլորել են և թագ կազմել նրա գլխին, և ձորերը, ուր իջածքները կախում են զգուշութեամբ, որ


վերելքն անկարելի չըդառնայ, և ժայռերը, որոնք պինդ նրտաւ են նրա կրծքին, որպէսզի վայր չընկնեն, չէ որ նրանց ստորոտներում շարքաշ մարդն է տնքում։ Եւ յետոյ նա հովիտներ ունի ջրաշատ ու հարուստ, սիրուն դարաւանդներ, կանաչ պուրակներ, փապարներ, խոխոշուն ջրեր, որոնք քարերի տակից ծորում են կաթնի պէս և ցօղում նրա գեղուն կուրծքը։ Ոչ ոք դժգոհ չէ նրանից, և թափառական թաթարները իրանց հօտերով, և աւազակ քիւրդերը, և մանաւանդ շինարար, վաստակաւոր հայ գիւղացին, որ կպել է նրա կրծքին, վարում է և ցանում, նրա լայն հողուն խառնել է իր հողին և պաշտում է իր լեռը, այդ հինաւուրց մօրը։

Սիրուն Արագած...

Վաղորդեան թափանցիկ մշուշը իջնում է նրա կատարից մինչև ստորոտները ինչպէս մի հակ սյական քօղ և նրա տակից լեռը, կարծես, յորանջում է մեզմիւ ու զարթնում։ Եւ այն քօղը բազմերանդ է, նուրբ, հազիւ նկատելի՝ գոյների մի սքանչելի խաղ կայ վերից վար, ձիւն-սփայլ սպիտակ՝ կատարին, նա իջնում է վար մուգ-կապոյտ, բաց-կապոյտ, թոյլ մանուշակագոյն, ոսկեգոյն և ստորտում հողագոյն երանգներով։ Ամենից բարձր՝ հէնց կատարի թագի վրայ, ճերմակ ամպերի մի շարան կայ, եթերային, սպիտակազգեստ աղջիկների մի խումբ, որոնք իրար յետևից կուացած՝ ասես, արտ են քաղհանում։ Արագածից աջ ու ձախ գնացող բոլոր լեռները, Ալաճայի արիւնտ բարձրունքները նոյնպէս ճերմակ ամպեր ունեն կատարներին։ Ամենքը, կարծես, նախընթաց գիշերը ըսպիտակ շղարշով գլուխները փաթթած են քնել թեթև անձրևի տակ հարբուխ չըստանալու համար և այժմ՝ հազիւ զարթնած, գեռ չեն բացել ճակատները ծագող արևի շողերի առաջ։

Ներքևում, լեռնալանջերի վրայ, ծուխ է բարձրանում ոլոր-մոլոր։ Գիւղերն են զարթնել և թոնիրների առաջին հեքն է այն։ Հով չըկայ և ծխի պտոյտը ոլորուն սիւնով երկար ժամանակ իջնում է դաշտի վրայ, նա ճգնում է էլի բարձրանալ, բայց ծայրը երերում է, լայնանում ու փունջ կազմում և, ի վերջոյ, մեզմիւ լուծւում է մշուշի հետ առանց կարողանալու

հասնել լեռնակատարներին: Եւ ձերմակ ամպերը, և նրանց տակի կատարները նայում են վար, արևի շողերի առաջ ժրպտում և մեղմիւ, ծխի անգորութիւնը տեսնելով, նրանք հրապարտ են, որ սև կեանքից, խեղճ ու կրակ աշխարհից խօսող այդ ծուխը չի հասնում եթերային բարձրունքին և նրա մուրը վերստին մաղւում է նոյն անքայտոյ երկրի վրայ:



### 65. Ա. Լ. Ա. Գ. Ե. Ա. Զ.

Սև-մութ ամպեր ճակտիդ դիզւան,  
Դուման հագար Ալագեանգ,  
Սրտումս արև հէջ չի ծագում,  
Սիրտս էլ գուման, Ալագեանգ:

Չառ փեշերդ անցայ, տեսայ,  
Սռանց դարտի մարդ չըկայ,  
Էհ, իմ դարդս, Չան Ալագեանգ,  
Իմ դարդիս պէս հէջ չըկայ:

Է՛յ, Մանթաշի մարմանդ հովեր,  
Իմ դարդս որ ձերն էղնէր,  
Ձեր նուշ-անուշ ծաղկանց հոտը  
Թոյնի, տօթի կըփոխէր:

Է՛յ, Մանթաշի նախշուն հաւքեր,  
Իմ դարդս որ ձերն էղնէր,  
Ձեր էդ վառ-վառ խաս փետուրներ  
Կըսենային քանց դիշեր:

Է՛, վախ. կոտրան իմ թևերս,  
Ընկայ գիրկդ, Ալագեանգ,  
Ախ մեծ սրտիդ սեղմեմ սիրտս,  
Կամ, արնն լամ, Ալագեանգ:

### 66. Ա. Ր. Ա. Ք. Ս

Նին Արաքսը... դարմանալի քամահաճութիւններ ունէր: Անյիշելի ժամանակներից յամառութեամբ կուում էր իր անհաւատար եզերքի հետ և, կարծես, դժգոհ էր այն նեղ շաւղից, որ գծել էր նա ընթացքի համար նոյնքան քամահաճ բնութիւնը, նա սիրում էր ազատութիւն: Նեղ շաւղը վրդովեցնում էր նրան:

Երբեմն լեռնային երկու գուգահեռական գօտիներ միաբանում էին և սեղմում էին նրան իրանց անձուկ և խորին ձորակի մէջ: Այդ միջոցին նրա կատաղութիւնը չափ չունէր: Ահռելի յորձանքներով զարկում էր իր ապառաժոտ ափերին, գոռում էր, գոչում էր, փրփրում էր, և մարդ, կարծես, լսում էր նրա սոսկալի որոտմունքի մէջ այս ճակատագրական խօսքերը. «Նեղ է... խեղդւում եմ»:

Երբեմն լեռնային գօտիների միաբանութիւնը խախտում էր, բաժանւում էին միմեանցից, հեռանում էին միմեանցից. և բաց էին անում նրա առջև լայն, ընդարձակ տարածութիւն: Այդ միջոցին նրա կամայականութիւնը չափ չունէր: Ազատե

լով իր նեղ կիրճից, մի չար վիշապի նման, անխնայ կերպով քղողում էր, յեղյեղում էր իր հարթ, կանաչագարդ ավերը, — և կամ մի հարբած հսկայի նման, երբեմն դէպի աջ էր թեքում, երբեմն դէպի անեակ էր խոտորում, և երբէք ուղիղ ճանապարհով չէր գնում:

Նա իր ազատութիւնը խելացի կերպով վայելել չըզիտէր: Յանկարծ վիթխարի թևերը բաց էր անում. խլում էր ցամաքից մի կտոր հող և, ճնշելով իր զով գրկի մէջ, կղզիացնում էր նրան: Առ ժամանակ երեխայական սիրելութեամբ, սկսում էր փայփայել և խնամել իր խաղալիքը: Կղզին աճում էր, կանաչագարդում էր, աճում էին թուփերը և վառում էին ծաղիկները: Երկնքի թռչունը հիւսում էր այնտեղ իր բոյնը, վայրի անասունը սնուցանում էր այնտեղ իր ձագուկներին: Կղզին ներկայացնում էր մի գեղեցիկ փունջ, որով զւարճանում էր նաև, սլանասէր երիտասարդի նման, զարդարում էր իր հպարտ կուրծքը: Բայց յանկարծ, կարծես ձանձրանում էր նա. ալիքները փրփրալով բարձրանում էին, կոհակները կատաղաբար մոնչում էին, և մի քանի րոպէի մէջ կլանում, ոչնչացնում էին գեղեցիկ զարդը, և նրա հետքը անգամ չէր երևում:



## ՉՈՐՐՈՐԴ ԲԱԺԻՆ

ՃԱՆԱՊԱՐՅՈՐԴԱԿԱՆ

### 67. Դ Է Պ Ի Ա Ն Ի

Ալեքսանդրապոլից մինչև Անի մօտ 50 վերստ ճանապարհ է: Ռուսաց նոր շինած երեք-կամարանի կամրջից անց կենալով Ախուրեան գետը՝ դուք կըմտնէք իսկոյն տաճկաց նախկին սահմանը — մի ընդարձակ դաշտ, Շիրակայ դաշտի շարունակութիւնը:

Այդ դաշտի միջից հեզիկ սահում ու գնում է Ախուրեանը, բաժանելով իր գնացքի շարունակ ընթացքով ուռսական և տաճկական նախկին սահմանները: Գետի երկու կողմում ձգւում են բազմաթիւ գիւղեր: Այդ գիւղերի մէջ, որոնցից ոմանք հայաբնակ, ոմանք տաճկաբնակ և ոմանք խառն են, կան կանգուն, և անկանգուն, հին և նոր, տներ ու կիսատեր եկեղեցիներ և վանքեր... որոնք մի առանձին տպաւորութիւն են գործում առաջին անգամ ոտք կոխող հայ ճանապարհորդի վրայ:

Կարծես մի ելեքտրական գորութեամբ հեռադիտակս դէպի Ալաճայի ստորոտը խոնարհեց և Անուոյ աւերակները յանկարծ իմ աչքիս դիպան... Աստուած իմ... չեմ կարող խօսքով բացատրել այն՝ ինչ որ նոյն րոպէում ես զգացի... Սիրտս փրդ-

կաց և արտասուքներն ինձ հեղձամղձուկ արին: Սրտատրուփ և տազնապալից կառքիցս վայր իջայ և ջերմ արտասուքով իմ կաթոգին և մոռացած հայրենիքի սուրբ հողը առաջին անգամ ես համբուրեցի: Զառվայր դաշտի վրայով սահում, գլորում էին կառքիս անիւները և ես որքան առաջ էի գնում, այնքան տազնապում էի, որովհետև Անույ աւերակները հետզհետէ շատանում և մեծանում էին իմ աչքի առաջ: Ես հասայ Անի և աւագ դռնից ներս մտայ քաղաքը:

Ոչ թէ հայ՝ այլ ամեն մարդ, ինչ ազգից կուզէ, թող լինի, տեսներով առաջին անգամ այդ քաղաքը՝ չէ կարող անտարբեր նայել նրա աւերակներին, որոնք մի ծանր, մի սրբ-տաճմլիկ տպաւորութիւն են գործում իսկոյն մարդուս վրայ: Աւերակները շատութիւնը և միասին լինելը, նոցա վիթխարի-ութիւնը, վսեմութիւնը, փառաւորութիւնը՝ այդ ամենը կենդանութիւն են ներշնչում. միւս կողմեց փլատակների տեղ տեղ կոյտերը, հողաբլուրների և քարաբլուրների ահռելի տեսարան-ները իրանց մեռելութեան հոտ փշող լուծեամբ մի զարհու-րելի գերեզմանոցի պատկեր են ներկայացնում: Զեր աչքը անյագաբար այս և այն կողմն է ձգում, ձեր սիրտը աւերակ-ների հրապոյրներով է կախարդւում, իսկ ձեր ուշքն ու միտքը անդադար այս և այն կողմն է ոտոտտում, ելեքտրական մի ցնցիւն, մի սարսուռ էք զգում ձեր շղերում և կարծես ուզում էք թողնել փախչել այդ անաւոր և փառաւոր, այդ սխրալի ու տխրալի տարօրինակ քաղաքից, որի ամեն մի ան-կիւնից, ամեն մի կողմից տաղաշափի (պ. Մկրտիչ Պալեան) ասածի նման:

Հետզհետէ քեզ անս նոր նոր ձայն  
 Սրտիդ մէջ, տիկին, արձագանք կուտան,  
 Ամեն մի քարէ մի նոր ձայն կելլէ,  
 Ամեն մի բեկոր նոր բան կըպատմէ.  
 Ո՞ր կողմը նայես՝ տխուր տեսարան,  
 Ո՞ր կողմը դիտես՝ աւերակ միայն:  
 Կամ հրաշալի սուրբ եկեղեցեաց  
 Կրտսենես զու լոկ գմբեթը մնացած,

Կամ մեծակառոյց ի հիմանց ի վեր,  
 Կիսաւեր կանգնած են ապարանքներ.  
 Անա կըշարժին, անա կերերին.  
 Նորա էլ հիմայ գետին կըփուին,  
 Իսկ դու զգացած տխուր ցօղազին  
 Աչքով կըտեսնես աւերակ Անին:

Անին տեսնող ամեն մի ճանապարհորդ այցելու իր անու-  
 նրն ու ազգանունը և մի քանի սրտառուչ տողեր մատիտով,  
 ածուխով կամ կաւիճով գրել է այս և այն տեղում:

Անույ մէջ չէք տեսնի ոչ մի շինութիւն, որոյ պատերը  
 շատ կամ քիչ ծածկւած չըլինեն այդ տեսակ արձանագրու-  
 թիւններով, զանազան լեզուներով, (հայերէն, տաճկերէն,  
 ռուսերէն, ֆրանսերէն, գերմաներէն և անգլիերէն):

Այդ արձանագրութիւնները բոլորն էլ սրտացաւ բովան-  
 դակութիւն ունին թէև, բայց նոցա մէջ կան այնպիսիներ,  
 որոնք աւելորդ չըհամարեցի դուրս բերել միշտակարանիս  
 մէջ:

Ահա այդ տողերը:

1. Գեղածիժձող գուռ գարունը տիրելու է այս երկրում.  
 քաջ և անվախ հայ անունը մնալու է միշտ աշխարհում:
2. Եկի, տեսի և ողբացի:
3. Աստուած իմ. ինչո՞ւ թողիր որ անօրէնները պղծեն Քո  
 սուրբ տաճարը, ինչո՞ւ թողիր Քեզ սիրող և պաշտող ազգդ:  
 (Այս տողերը ռուսերէն և նրա գրողն է մի ռուս գնդապետ):
4. Այսքան զօրութիւն ունեցող մի ազգ՝ եթէ մինչև հի-  
 մա չէ անհետացել, այսուհետև երբէք չի անհետանայ: (Այս  
 գրողը ֆրանսիացի է:)
5. Ամեն տղայ ունի իրան: հէր ու մէր,  
 Մէջ աշխարհիս դու ես անտէր մնացեր.  
 Արարածոց լոյս է բացել անջնջեր,  
 Քեզի համար մթոտ, ամպոտ սև օրեր:
6. Հեռւից կերևին ժամ ու զանգատուն.  
 Բերդն ու պարիսպ նկուն, կիտով քայքայուն.  
 Քաղաքդ, շէնքերդ անբնակ,

Դէ՛հ, ի՛նչպէս հայու աչք չողբայ անքուն:  
 Ձերևիր թագաւոր, չերևիր զինւոր.  
 Հայաստան սգաւոր, վա՛խ, էս ի՛նչ սև օր,  
 Արարատ, քո տխուր ազգդ ցիր ու ցան,  
 Երկիրդ ոտաց կոխան, ափսոս քեզ հազար:

(Այս գողարիկ տողերը մի պատուական հայ կաթողիկ վարդապետի են):

### 68. ՆՈՐ ԳԱՐՈՒՆ

Քեզ սպասող չըմնաց,  
 Ո՞ւր ես գալի, այ գարուն.  
 Գովքդ ասող չըմնաց,  
 Ձուր ես գալի, այ գարուն:

Սև-մուժ պատեց աշխարհին,  
 Սար ու ձոր դառան արին,  
 Մեզ վայ բերեց էս տարին —  
 Ո՞ւր ես գալիս, այ գարուն:

Բիւլբիւլն եկաւ վարդ չունի,  
 Ծաղկոցը կայ՝ գարդ չունի.  
 Էլ ո՞վ ա որ գարդ չունի —  
 Ո՞ւր ես գալի, այ գարուն:

Քեզ սպասող չըմնաց,  
 Ձուր ես գալի, այ գարուն.  
 Գովքդ ասող չըմնաց —  
 Ո՞ւր ես գալի, այ գարուն:



### 69. Ծ Ո Վ Ի Վ Ր Ա Յ

Դէպի Աղջամար էրնէ գնում աշխանայրն մի  
 Կով գիւլի: Գրեւոյց էլած Ժովարի աւալնիբի  
 Մէջ կանգ էր առել, և ապաստում էր խեղ-  
 նայրն, որի հիւս խօսք էրնէ արեւ մրաւին իս-  
 նապարտորդիւն:

Վերջապոյն էր դիպում շանայ Ժովի վր-  
 րայ: Զուրդ էրդ կանաչ էր կրքի, կոծակ-  
 նիբը մրմրանց կրկնով հեռանում էրն դէպի  
 խորիբը և վրսիբը գծի կապում. հեռում  
 երևում էրն իցիբիբիբի գրեւոյբը, Գառապան-  
 նիբը. մի այլ կողմ՝ Աղջամար կղզու կէսն էր.

1.

Դէպի աղթամար էինք գնում աշխանային մի գով գիւլի:  
 Գիւլից էլած ծովափի աւազների մէջ կանգ էի առել և սպա-  
 սում էի քահանային, որի հետ խօսք էինք արել միասին ճա-  
 նապարտորդելու:

Վերջալոյսն էի դիտում Վանայ ծովի վրայ: Չուրը լերդ կանաչ էր կտրել, կոհակները միմեանց հրելով հեռանում էին դէպի խորքերը և փրփուրի գծեր կազմում, հեռում երևում էին եղերքների գիւղերը, ծառաստանները. մի այլ կողմ Ադթամար կղզու կէսն էր: հորիզոնի մի կողմի վրայ Կաուց անապատը, իսկ միւսի՝ Առաէր կղզին, որ մի մեծ սև թռչունին նման երբեմն կարծես ընկղմւում էր ջրի մէջ և երբեմն դուրս ցցում իր լերկ գագաթը:

Նաւավար Թորոսն այդ միջոցին նաւակի քիթը ցցել էր աւազի մէջ և միքանի գիւղացիների օգնութեամբ նաւակն էր մտցնում ոչխարները:

Մինչ այդ արեգակը հեռոցհեռէ ընկղմւում էր. ամպերը մեղմացնում էին իրանց բոցը, լոյսի շառաւիղը աղօտանում, ծովը թանաքի գոյն էր ստանում, կոհակները մեծանում էին, ֆոսֆորային կայծեր արձակում ու միմեանց մղելով՝ դալիս շառաչիւնով փուռում էին ոտերիս տակ: Եւ Առաէրը թագնւում էր խաւարի մէջ: Կաուցը անորոշ կերպորանք ստանում, եղերային ծառերն ու գիւղերը նմանում էին մռայլ սուերների:

Մի ձայն սթափեց ինձ: Քահանան էր. ձեռին բռնել էր մեծ կապոց և գինու հողէ սափոր:

— Գնանք, որդի ասաց նա, նաւ մտնենք:

Ու մտանք: Պատրաստ էր: Քահանան քղանցքը ծալելով՝ ոլորեց, մէջքի վրայ ցցեց, կապեց ու գինին ցած դրաւ ոտերի մօտ. յետոյ, երբ ես կռթնած կայմին նայում էի սև ջրերին, դարձաւ արևելք և կարգաց:

— Տէր, ուղղե՛ս մեզ գգնացս մեր...

Եւ այդ խուլ աղօթքը, խառնւելով կոհակների շառաչիւնին, նաւակի ծփման ու Թորոսի՝ պարբերաբար նաւակից շերեփով ջուր դուրս թափելուն մի խորհրդաւորութիւն էր սրփում շուրջը...

Բարձրում, գիւղի մէջ, տեղ-տեղ պլպլում էին ճրագներ. հեռուն - անտառի ծայրերում՝ երևում էին նախորդների և անձխագործների կրակներ, իսկ անտառի ստորոտները ընկղմւել էին խաւարի մէջ:

Վերջապէս շարժւեցինք: Թորոսը դադարեց ջուր դուրս թափելուց, հրամայեց առագաստ պարգել և թաւ ափի վրայ, որպէսզի նաւակը ջուրը մղէ:

Ծովի տարածութեան հորիզոնից սկսում էր երևալ լուսնի կէսը՝ արծաթագօծ կողերով հայելու նման, և աղօտ լոյսի մէջ սղողելով դողդոջուն ջուրը:

Նաւակը սլանում էր և հետքերի վրայ պայծառ գիծ թողնում. երբեմն կողը այնքան ծռում էր, որ ձեռքս կոխում էի ջրի մէջ և թոյլ տալիս, որ մատներիս ծայրերից կաթկթեն շողշողուն շիթեր:

Կղզիները անհետացել էին: Սաւար խորքի մէջ ափն էր, ներքովդ ու Գրգուռ լեռների կոյտը, և հեռում՝ Սիփանը իր ձիւնափայլ կատարով: Փչում էր ծովային գով, գրեթէ ցուրտ քամի:

Ծովի ալիքները մեծանում էին, նաւակը սկսում էր մեծապէս շարժւել: Քիչ յետոյ քահանան պառկեց. իսկ ես մի տեսակ անորոշութեան մէջ, աչքս լուսնի շողքերի տակ սրբսրթացող կապոյտ ջրերին՝ խորասուզեցի երագների մէջ...

## II.

— Կատաղի ծով ունինք, խօսեց Թորոսը. անցեալ տարի հէնց այս կողմերումն էր, որ մի նաւակ ընկղմւեց և մօտ քառասուն հոգի խեղդեց:

— Քառասուն...

— Մէջն էլ մի քահանայ կար ու երկու կին: Ադթամար ուխտի էին գնում խեղճերը... Տես, վարժապետ, քիչ աջ նայիր. այդ ալիքները տեսնում ես. մեծանալու-մեծանալու են և ծովը օրօրելու... Ըհ, եկան... Չրվախենաս...

— Հեռւից, իջնելով ու ելնելով, թանձր կանաչագոյն մի քանի խոշոր կոհակներ, հաւաքւելով ուրիշ շատերի հետ՝ մեծացած ու յուզւած, սրացան դէպի նաւը: Մի ընդհանուր շարժումով ջրերը նաւակի շորս կողմից ետ քաշւելով փոսացան, ապա նորից դիզացան եկող կոհակների հետ և երբ նաւակը շիւղի պէս նրանց կատարի վրայ էր թռնում - պայթիւնով



ճայթեցին նրա կողին ու ջրի լեզի անձրև տեղացին մեզ վրայ:

— Այս առաջինն է... ասաց Թորոսը և դեկը դարձրեց:

— Դեռ սա ի՞նչ է որ, շարունակեց նա. այնպէս սոսկալի սարեր են կազմում, այնպէս կատաղաբար, երկու աժդահարների նման միմեանց վրայ գահավիժում ու թաւալում, որ Աստուած մի արասցէ, եթէ նաւակը մէջն ընկնի, փշուր-փշուր կըլինի... Բայց փոթորիկ չենք ունենալ...

Անցիր ձախ կողմս, որ էլի չըթրջես.

Անցայ ձախ կողմը: Նորից մի ալիք պայթեց նաւակի կողի վրայ, և լաց նրա քիթը:

Ու նաւակը սլանում էր, ձեղքում սև ջրերը և ծփում մեծ ալիքների վրայ:

### 70. ԵՐԱՍԽԻ ՎՐԱՅՈՎ

1.

Ամենքս նստել, տեղ էինք բռնել մեծ ֆուրգօնի մէջ, տախտակէ կամարի տակ կծկւած:

Գնում էինք, ամբողջ ընտանիքով և ընդմիջա գաղթում էինք գիւղից:

Շարժեց ֆուրգօնը, հեռացրեց մեզ գիւղի տեսքից, նրա դաշտ ու լեռներից, մօտը հոսող և այժմ այնպէս ուրանի փայլող գետակից...

Պէտք է որ տասը տասներկու տարեկան լինէի մեր այդ գաղթականութեան ժամանակ:

Իհարկէ, ես էլ ընկերներ ունէի, ունէի և իմ սիրած անկիւնները, բայց տխուր չէի և ոչ էլ ցաւում էի գիւղից հեռանալու համար:

Չրգիտեմ ինչու էր այդպէս: Արդեօք լաւ ընկերներ չունէի, թէ՛ մանկական թեթևամտութիւն էր այդ:

Ընդհակառակը, այդ ճամփորդութիւնը զարճացնում էր ինձ: Առաջս փռւած էին ընդարձակ, ժպտուն դաշտեր՝ լի բազմատեսակ և գոյնզգոյն ծաղիկներով. կարկաչում էին առակ-

ները, ճւլում էին թռչունները և մեր ֆուրգօնը վազում, գլորւում էր այդ ամենի միջով:

Մի քանի անգամ ցած թռայ ֆուրգօնից, ծաղիկների փնջեր դցեցի ներս, ծառերից ձիւղեր կտրտեցի, յետոյ նորից հեծայ ֆուրգօնի հետևում իմ տուրակի վրայ ու կանչեցի եղբայրներին.

Դէհ, տղերք, մի բան երգենք...

Չայնակեցեցին, ես մի երգ սկսեցի. բայց շուտով ստիպեցինք լուռ կենալու, որովհետև ֆուրգօնի ցնցումները խայտառակ կերպով փշրտում ու ջարդում էին թէ՛ մեր կողերը և թէ՛ մեր երգը:

Այդպէս էր ահա, որ դուրս ելանք իմ հայրենի գիւղից և գաղթեցինք դէպի հեռու աշխարհներ:

II.

Մութին հասանք մի գիւղ. իսկ միւս առաւօտ շուտով դարձեալ լցեցինք մեր արկղի մէջ և սկսեցինք իջնել դէպի մի աւազոտ ու ընդարձակ դաշտ՝ անցնելով կոյս կոյս բլուրներից:

Օհ, դաշտ եմ ասում, բայց աւելի ճիշտ կըլինէր ասել՝ անապատ:

Ոչ մի ծառ: Նոյն իսկ խոտը այնտեղ քիչ էր, դեղնած ու չորացած: Շուրջը ամբողջ աւազ է, բայց աւելի հող ու անտանելի փոշի:

Էլ սև ոչինչ չըմնաց: Փոշին շերտ կապեց մեր շորերի ու մազերի վրայ. քամին սուրաց ու սուրաց. մի տաք, խեղդող քամի, մինչև որ վերջապէս հասանք աւազների և կարողացանք բանալ աջներս ու բան տեսնել:

Եւ առաջին բանը որ տեսանք՝ զարմանքից կանչեցինք ամենքս:

Ուղիղ մեր դիմաց, ծանր ու մեծ՝ սահում գնում էր վերևից ներքև մի լայն, շատ լայն գետ, պղտոր ու կարմիր ջրերով:

Օհ, ինչպէս ծանր էր գնում նա և ինչպէս շքեղ էր:

— Երանիս, — կանչեց հայրս, — Երանիս գետն է:

Քիչ յետոյ մեր Փուրգօնը կանգ առաւ ուղիղ գետափին: Յաժ իջանք: Բեռները բոլոր իջեցրին, մի մեծ կարպետ փռեցինք գետնին, մայրս սփռոցը բացաւ և նստանք ճաշի:

Գետեզրը այդտեղ ամայի էր: Մի հողաշէն խրճիթ միայն կար, մէջը զինուորներ, որոնք ներս ու դուրս էին անում, հօրիցս ինչ որ թղթեր ուզեցին, ներս տարան և ետ բերին տէին, յետոյ, երբ քիչ մեզ գննել էին՝ թողին հեռացան:

Հայրս բացատրեց մեզ, որ գետի միւս ափը պարսկական հող էր, և մեզնից այստեղ, ուսաց հողում, անցազիր հարցրին ու թողատրեցին սահմանն անցնելու: Անցազրի պաշտօնատունը և մաքսատունը գտնուում էին մեզնից բաւական հեռու, ցածում:

Ճաշը վերջացնելուց յետոյ, մենք երեխաներս գետափ իջանք և գննել սկսեցինք եզերքին կպած մի մեծ նաւ:

Այդպէս նաւ իսկի չէի տեսել պապիկերի վրայ. իսկ մեր թղթէ նաւակները բոլորովին ուրիշ տեսակ էին: Սա մի խոշոր արկղ էր. ուղղակի անդուկ, չորս կողմը փայտէ վանդակ շինած: Մի երկար ձող էլ, որ թիակը պէտք է լինէր, արկղի միջից պարզուում գնում էր և խրուում ջուրը:

— Կաստ է. — հասկացրեց մեզ հայրս, որ մօտ էր եկել:

Իրանով էինք միթէ անցնելու: Այդ ջրոտ, ցեխոտ ու լրպրծուն յատակի վրայ էինք հաւաքւելու: Իսկ մեր Փուրգօնը, ապրանքը, ձիերը:

— Կրտսններ, — ժպտաց հայրս — բոլորն էլ կանցնեն: Գնացէք առայժմ գետափից հեռու: Մի մօտենաք ջրին: Այստեղ ափերը փլում են յանկարծ: Իսկ եթէ ջուրն ընկաք, էլ պլրծնելիք չի լինի:

— Կրտսեղդէնք:

Եւ ինչպէս... — առաւ մեծ եղբայրս — այ, այսպէս կըխրւեն ջրի մէջ, յետոյ, դ՛ուր-դ՛ուր-դ՛ուր... ջուրն ու ցեխը կըլցւի փորդ ու վրզ... ջրի տակը: Մէկ էլ էն կրտսնեսն՝ որ ծոփս ես հասել...:

— Իրաւ, ինչ ցեխոտ է:

— Կարմիր ցեխ է:

— Կասես արիւն լինի... Կերդացած ու հողախառն արիւն:

## IV

Վերջապէս լաստը վերադարձաւ: Հիմի հերթը մերն էր: Նստեցինք բաւական վախճխելով: Մշակներն ու լաստավարը ներս տարան մեզ ու մի որոշ տեղ նստեցրին կարպետի վրայ: Հայրս ու մայրս խօսիւ պատւիրում էին, որ տեղներիցս չըշարժւենք:

Այնուհետև լաստավարը հօրիցս իրաւունք խնդրեց ոչխարների հօտն էլ մեզ հետ անցկացնելու:

Տեղ կար: Ոչխարներին ու շներին քշեցին ներս և ժողովեցին մեր կողքին:

Ոչխարները խրտնուում էին, առաջնորդ երկու այծերը պոզերով փորձեցին դէմ գնել: Երբ լաստը շարժեց ոչխարները կանգնած մնացին և մինչև անգամ վախից սկսեցին դողալ:

Այծերը միայն հանդարտ չէին մնում: Տեղները նեղ էր: Այս ու այն ոչխարին էին հրում:

Իայց երբ լաստը հոսանքի մէջ մտաւ ու սկսեց պատուել ու անցնել և երբ ջրերն ելան ու խփել սկսեցին լաստի կողերը, այծերը աւելի գժեցին:

Մենք ասես վախից կծկւել՝ իրար էինք կպել:

Մօրս սչքերի մէջ էլ սարսափ էր նկարւած: Գրկել էր մեզ ու նստել:


— Մի նայէք, ջրին մի նայէք... — մոմոում էր նա:

Հանգիստ ու անվրդով էին միայն թիակի վրա ընկած լատտավարը, հովիւները, այլև շները:

Ափն իջանք: Կաստը ետ դարձաւ Փուրգօնը ու ձիերը բերելու, իսկ մենք ջրի եզերքին՝ սպասում էինք:

Մի քանի ժամից յետոյ մեր Փուրգօնը պատրաստ էր նորից մեզ տանելու մեր նոր հայրենիքը:





Դիակցեք այս պատկերը. Ի՞նչ եք տեսնում նրա վրայ պատկերված և ն յնչը գտնի անեք:

### 71. ԴԷՊԻ ՓՈՔԻ ՄԱՍԻՍԻ ԳԱԳԱԹԸ

Փոքր Մասիսը՝ ինչպէս Արարատեան բարձրութիւններից երկրորդը, ունի իր ազդեցութիւնը ժողովրդի երեակայութեան վրայ: Դա կոնսաձև բարձրանում է Արարատեան լեռների շրջ-թայից, Մեծ Մասիսի դրացին է և գտնւում է սրանից հարաւ արևելեան կողմը: Փոքր Մասիսի բարձրութիւնն է 12,840 ոտնաչափ ծովի մակերևոյթից:

Փոքր Մասիսի մասին ժողովրդի մէջ տարածւած են պէս-պէս առասպելներ, որոնք զանազան կերպով արտայայտում են ժողովրդի հայեացքը այդ լեռան մասին: Մի քանիսը պատ-մում են, որ Փոքր Մասիսի վրայ կան վիշապներ և օձեր ա-հագին մեծութեան, այդ պատճառով խիստ դժւար է, համա-րեա անկարելի է նրա գագաթը բարձրանալը. ոմանք պատ-մում են թէ գագաթը մեծ տափարակ տեղ է և վրան մի բա-ւական մեծ լիճ կայ, խիկ օդը սաստիկ սառն է, մինչև ան-գամ յուլիս ամսին. ոմանք էլ ասում են թէ գագաթի վրայ «ազնաւուրների» (հսկաների) գերեզմաններ կան. վերջապէս մի քանիսներն էլ լսել են, որ գագաթի վրայ ուղտերի քարա-ւան կայ քարացած, նաև ուղտապանն էլ այնտեղ քարացած կանգնած է, մէկ ձեռքով բռնած ունի առաջնորդող ուղտի սանձը, խիկ միւս ձեռքին իր գաւազանը: Շատերը համոզւած են, որ բարձրանալիս լեռան խորքերից կամ տակից մշտապէս լսւում են այնպիսի զարհուրելի խուլ ձայներ, որ մարդ սրը-տապատառ կարող է լինել:

Յուլիսի 17-ին 1881 թ. առաւօտեան 4 ժամին ձիաներով զնացինք դէպի Փոքր Մասիսի ստորտը և առաւօտեան 5 ժամին այնտեղ հասանք, որտեղից պէտք է ոտքով բարձրա-նայինք: Մենք բարձրանում էինք արևմտեան կողմից: Նկա-տելով գագաթի վրայ ամրոցի պարսպի նման բարձրութիւն, ուղիղ դիմեցինք դէպի այն տեղը, Փոքր Մասիսի արևմտեան կողմից: Ստորտը փոքր ինչ քարքարոտ, բայց կանաչապատ է: Բարձրանալով, բոյսերի տեսակները պակասում են և քարերը աւելի ու աւելի աչքի են ընկնում:

Երբ բարձրութեան կէսը անցանք, արդէն անկարելի եղաւ մարմինը ուղիղ բռնած բարձրանալ, և ստիպւած էինք առաջ գնալ չորս-ստանի համարեա երկու ժամ շարունակ: Ինչքան բարձրանում էինք, այնքան աւելանում էր հրաբխային քարերի քանակութիւնը և առաջ գնալը դժւարանում էր: Ես մեծ զգուշութեամբ էի ոտքս դնում իւրաքանչիւր քարի վրայ կամ ձեռքով բռնում քարից, որովհետև այդ քարերը կարծես թէ մի պատճառի էին սպասում տեղաշարժ լինելու համար: Եթէ այդ քարերից մէկը գլորւէր, հետը պէտք է տանէր հարիւրաւոր իր նման նաև իրանից մեծ քարեր և առաջին գոհը կըլինէր մօտի մարդը, իսկ յետոյ նրա յետեից բոլոր բարձրացողները: Երբ բաւական բարձրացել էինք, տեսանք որ մեզանից շատ ցած ամպեր են լողում օդի մէջ. դոցա շարժւելուց և ահագին բարձրութիւնից ցած նայելուց գլուխս այն աստիճանի պատուում էր՝ որ յոյսս մի բոպէ կտրւեցաւ գագաթը հասնելու: Իմ հոգեկան այդ տանջանքը չըյայտնեցի ընկերներին, որպէսզի չըյուսահատւեցնեմ նոցա, բայց ընկերներս շուտով իրանք յայտնեցին, որ իրանց գլխները պտտւում են: Մենք ստիպւած էինք իւրաքանչիւր 10 քայլ հանգստանալ, որովհետև օդը անոտրանում և մեր շնչառութիւնը արգելւում էր: Երբեմն օձի պէս սողալով, երբեմն մէկ քարից դէպի միւսը թռչելով՝ հասանք այնտեղ, որտեղ բարձրանում էր պարսպաձև քարափը:

Բարձրանալիս կարծում էինք, որ այդ քարափը պէտք է լինէր գագաթի վրայ, բայց տեսանք որ դեռ կայ երեք բարձրութիւն անցնելու մինչև գագաթը հասնելը: Այս պարսպաձև քարափի տակ հանգստացանք: Դա աւագաքարից է կայացած և վեց սաժենաչափ ուղիղ բարձրանում է, գարձնելով իր մի երեսը դէպի արևմուտք: Ես նստած էի այդ քարափի տակ՝ երեսս դարձրած դէպի հիւսիս-արևելք: Իմ առաջ կանգնած էին այն երեք բարձրութիւնները, որոնց վրայից անցնելով պէտք է գագաթը հասնէինք: Այդ բարձրութիւնների աջ և ձախ կողմից՝ այսինքն Մեծ Մասիսի և Պարսկաստանի կողմից Փոքր Մասիսը սկզբից մինչև վերջն աւագոտ և մանրաքարոտ

լինելով՝ քանդւել է: Այդ տեղից ցած նայելը զարհուրելի է: Այդ երկու կողմից փլածների մէջ մնացէ մի արշին լայնութեամբ ճանապարհը, որով մենք պէտք է գնայինք դէպի գագաթը:

Այս սարսափելի ճանապարհը մեր առաջին էր, երբ յանկարծ լսեցինք երեք անգամ իրար ետեից հրացանի որոտում: Իմ առաջնորդ Մարտիրոսը երկու զագախի հետ մեզանից առաջ էր գնացել և գագաթից տեսնելով որ մի ահագին արջ ուղևորւում է դէպի մեր կողմը, վիրաւորել էր նրան գնդակով: Չայրացած արջը գլորւում էր Պարսկաստանի կողմը ահագին քարեր, որոնք մի սաստիկ դողոց էին բարձրացնում:

Ես առաջարկեցի ընկերներին բարձրանալ: Մօտեցանք մի արշինանոց լայն ճանապարհին և բարձրանում էինք չորս-ստանի: Բարեբախտաբար փչում էր բարակ քամի. բայց եթէ քամին սաստիկ լինէր, անկարելի կըդառնար այդ նեղ ճանապարհով անցնելը: Վերջապէս անցանք երեք բարձրութիւնները և հասանք գագաթը: Նայեցի և տեսայ որ 10 ժամն է. ուրեմն բարձրացել էինք 5 ժամում:—Փոքր Մասիսի գագաթը կունենայ իր շուրջը 1000 քայլ, տափարակ չէ, այլ հարաւարևմտեան կողմից աստիճանաբար բարձրանում է դէպի հիւսիս-արևելք, այսինքն մօտաւորապէս դէպի Դաւալու գիւղի կողմը: Փոքր մասիսը հին ժամանակներում եղել է հրաբուխ, և այդ հրաբխի նախկին բերանից մնացել է միայն մի կիսալուսնաձև մասը, որ 1 սաժէն խորութեամբ փոս է կազմում և իր ուռուցիկ կողմով դարձրած է դէպի հարաւ-արևմուտք: Այդ փոսում կիտւած է ամենամաքուր ձիւն բաւական մեծ քանակութեամբ, որ տաք ժամանակ նաև շուտ հալւելով չէ կարող լճակ գոյացնել, ինչպէս և իմ տեսած օրը, երբ օդը տաք էր, բայց հալւած ձիւնը ծծւում էր աւագոտ գետնի մէջ:


Տեսարանը Փոքր Մասիսի գագաթից գեղեցիկ է. հիւսիսային կողմից փռւում է մարդու առաջ Արարատեան լայնատարած գաշտը: Արաքսը սպիտակ ժապաւէնի նման հազար ու մի զանազան պտոյաներ անելով, անբաւական է իր դրութիւնից: Արաքսի ձախ կողմի գիւղերը կանաչ ծառերով պատած

հեռւից նմանում են օազիսների, որ պատած են ցորենի դեղ-  
 նագոյն դաշտերով: Գագաթից երևում է Դարալագեազի (Հա-  
 յոց Ձոր), Սեանայ ծովի և Դարաշիչազի (Ծաղկաց Ձոր) լեռ-  
 ները: Արևմտեան կողմը բարձրանում է Արագածը, իսկ արե-  
 վելեան կողմում երևում է Բաշտորաշէն գիւղը, որ  
 երևանից 79 վերստ է և Նախիջևանը՝ ամփոփւած թան-  
 ձը օդում: Բաւական մեծ բլուրների շղթայ անցնելով Ա-  
 րարատեան դաշտը, բաժանում է Շարուրայ դաշտը Արարա-  
 տեան դաշտից թողնելով մի փոքրիկ անցք, որ կոչւում  
 է Գ ա յ լ ի Դ ու ու: Արաքսի աջ ափից մինչև մասիսների ստո-  
 բոտը լայնութեամբ 20 վերստ և երկարութեամբ 100 վերստ  
 մնացել է բոլորովին ամայի. չընայելով որ հացը պատւական  
 է և Արաքսի ջուրը անցնում է ապարդիւն:

Դառնալով դէպի հարաւ, բացւում է մարդու առաջ Բա-  
 յագէտի դաշտը: Այլ կողմում երևում է այն ժայռը, որի տակ  
 շինւած է Բայագէտը, բայց քաղաքը, ժայռի միւս կողմը գրա-  
 նւելով չէ երևում:

Ճանապարհորդութեանս հետեանքը.

- 1) Ժողովրդի պատմաճնները սուտ են:
- 2) Փոքր Մասիսի վրայ լին չըկայ և չէ կարող գոյանալ:
- 3) 267 տարուց աւելի է որ Փոքր Մասիսը, առաջուց  
 հրաբուխ լինելով հանգել է (1614 թ.ի գերեզմանաքարը ապա-  
 ցոյց է):
- 4) 1840 թ. չէ մասնակցել Մեծ Մասիսի արտաշնչու-  
 թեանը (գերեզմանաքարերը ապացոյց են):
- 5) Փոքր Մասիսը Մեծ Մասիսի հետ ստորերկրեայ հաղոր-  
 դակցութիւն չունի (1840 թ. չէ մասնակցել արտաշնչութեանը):
- 6) Կարելի է կարծել որ Փոքր Մասիսը ուրիշից անկախ  
 հրաբուխ է եղել:
- 7) Փոքր Մասիսը գոյացած է ոչ թէ լեռ՝ ամուր քարերից  
 ինչպէս Մեծ Մասիսն է. այլ լաւայից և աւազաքարերից:
- 8) Գագաթի օդի տաքութիւնը յուլիս ամսի գեղեցիկ ե-  
 դանակին, արևի տակ, հասնում է մինչև 17 սաստիճանի, իսկ



72. ՀԱՅ ՈՒՍՏԱՒՈՐԻՆ


Գնաս բարով, այ ուխտաւոր,  
 Երանի քեզ, հայ ուխտաւոր,  
 Որ կարօտով ու սիրառատ  
 Ուխտ ես գնում դէպ Արարատ:  
 Ձեփիւռներով, ծաղկանց բոյրով,  
 Ինչպէս ծնող սիրազորով,  
 Քեզ կողջունեն զմրուխտ հագած  
 Գեղամ սարերն ու Արագած.  
 Եւ հարազատ աչքի նման  
 Քեզ կըժպտայ վճիտ Սեան,  
 Որ լեռների շուքերի հետ  
 Խաղ է անում, խայտում վէտ-վէտ.  
 Փայլփլում է ծփանքներով,  
 Յօրինում է լոյսերի ծով,  
 Եւ մերթ վշտով ու տխրութեամբ  
 Սեանում է, ինչպէս մութ ամպ...



### 73. Վ Ե Չ Ո Ի Վ Ը

Այժմ քայլում ենք Վեդուվի փեշերի վրայ, լաւայով պատած գառիվայր ճանապարհով: Հազազիւտ բոյսերը լաւայի կարմիր գանգաւածի մէջ կոզած են, մուրացկանի խեղձութիւնն ունին և կարծես թողութիւն են հայցում խստասիրտ բնութիւնից, որ համարձակել են աճել այստեղ: Մեր ձիերը քայլում են մի նեղ փոշոտ արահետով, որի երկու կողմում ինչպէս ցանկաբար, շարած են լաւայի անձեւ, այլանդակ կտորներ:

Ստորոտները կամաց-կամաց աւելի գառիվայր են դառնում և մեր ձիերը աւելի և աւելի դժւարութեամբ են բարձրանում:



Ահա լեռան այն մասը, որտեղից գառիվայրը դառնում է համարեա ուղղաձիգ: Թողնում ենք ձիերն այստեղ ստորոտում, մի-մի երկայն լեռնային ձեռնափայտ ենք վերցնում և սկսում վեր հինել: Քայլում ենք հոսանիւթ աւազի մէջ, բարձրանում ենք ծայրայեղ դժւարութեամբ, ամեն երկու քայլից յետոյ մի քայլ յետ ենք ընկնում, երբեմն ծընկների վրայ գալիս թանձր աւազի մէջ, որի մէջ թաղած են մեր սրունքները և այսպէս անվերջ: Լեռան վրայ այստեղ-այնտեղ, մի քարի վրայ, մի թմբի ծայրին երևում են խտլացիներ. նրանք մէկ-մէկ, երկ-երկու նստած, կամ ծոյլ-ծոյլ պառկած, ծխում են անընդհատ: Ճանապարհորդներին տեսնելով նրանցից մի քանի հոգի շտապով ցած են սողում աւազի վրայով, հասնում են մեզ և առաջարկում են պարաններ, որոնցից մենք պիտի կախուենք, իսկ աէրերը մեզ պիտի քաշեն ու այսպէս բարձրանանք: Ծանր ու անախորժ մի առաջարկութիւն թէ՛ մեզ համար և թէ՛ իրանց. աւելի լաւ է սողալով բարձրանալ, քան թէ օգտուել այդպիսի ծառայութիւնից: Հրա-

ժարում ենք և շարունակում դժոխային վերելքը, մերթ ընկնելով, մերթ բարձրանալով թանձր ու հոսող աւազի մէջ:

Երբեմն-երբեմն լսում է անագին որոտ, որից ամբողջ լեռը թնդում է և նրա հետ միասին մեր գլխի վերևը ծխի ոլորտը բարձրանում է, հա՛ բարձրանում: Քանի վեր ենք ելնում, այնքան աւելի են տաքանում քարերն ու աւազը մեր ոտների տակ: Ծեղրւածքներ կան, որտեղից տաք գոլորշի է փչում, ձեռք մօտեցնել չի լինում: Կատարին մօտիկ գոլորշի շնչող այդ բացւածքներն այնքան շատանում են, որ լեռը հազար բերանով մի հրէշի նման կարծես նստած՝ հեռւմ է:

Մի ժամից աւելի է, որ քայլում ենք: Հասնում ենք վերջապէս այնտեղ, որից բարձր, դէպի կատարը գնալ չի կարելի առանց պետութեան կարգած և տեղին ծանօթ առաջնորդների, որոնք թւով մօտ քառասուն, կատարի շուրջը շղթայ են կազմել: Նրանց ծառայութիւնից օգտուելու համար պէտք է վճարել մարդագլուխ չորս ֆրանկ: Կատարում ենք և այդ պահանջը: Այժմ մեր առջևն է իսկական կատարը, ծծումբով պատած և գոլորշի շնչող մի հսկայական կօնուս, որ կարծես արևեստական ձևով է դրւած լեռան մէջքին: Այստեղ վերելքն աւելի դժւար է, գառիվայրը համարեա ուղղաձիգ է պատի պէս: Մեր վարձած առաջնորդները մնում են ներքև, իսկ մեզ ընկերանում է մի պաշտօնական առաջնորդ դէպի կատարը: Մարզը հաւատացնում է, թէ լաւ օր ենք եկել, որովհետև հրաբուխը գործում է անսովոր ուժով: Քայլում ենք ծծմբի միջից, խոնաւ ու տաք հողի մէջ թաղւած մինչև սրունքներս: Տաք գոլորշու ամպը մեր ոտների ներքև և մեր գլխի վերև այլանդակօրէն պտոյաներ է անում, երբեմն մեզ իսպառ ծածկում, ծծմբահոտով մեր քթերը լցնելով և երբեմն քամու շնչով ցրիւ է գալիս, հեռանում: Որոտմունքն այստեղ դառնում է խլացուցիչ, ասես հարիւրաւոր թնդանօթներ են արձակում մեզանից մօտիկ, մեր ոտների տակ լեռը դողում է անագին դղրդիւնով, այդ ձայնը մեզ և վախեցնում է և զրաւում: Մենք շտապում ենք:

Ահա և կատարը:

Մենք կանգնել ենք այժմ այդ անդունդի շրթին և ցած ենք նայում այնտեղ: Ծծմբի թանձր ծուխը և գոլորշին բռնել են այդ դժոխային վիհը: Ոչինչ չի երևում, բայց լսում են այնպիսի ձայներ, որոնցից մարդու էութիւնն ամբողջապէս սասանւում է:

Երբեմն քամին փչում է դէպի մեզ, ծծումբը իր սուր հոտով լցնում է մեր աչքերն ու ունզները. մի վայրկեան կորչում ենք ամպերի մէջ, հազում ենք սաստիկ. ապա խեղդող ամպն անցնում է քամու թափով, և դարձեալ երկիւղով կռացած, աչքներս չաժ՝ վայր ենք նայում, որտեղից լսում են ձայները: Ոչինչ չի երևում: Մութ է այնտեղ. ծխի ու գոլորշու ամպերը հազար ու մի այլանդակ, հրէշաւոր ձևերով, ինչպէս մի անասելի մրրիկով մղւած՝ պտոյսներ են գործում այդ խաւար տարածութեան մէջ, անդունդների վրայ, դիպչում են պատերին, տեղ են փնտռում փախչելու, երկնքում ապաստան փնտռելու, կարծես սոսկում են իրանցից ներքև կատարւածից: Սակայն ամպերը փախչել, ազատւել չեն կարողանում, իրանց ձիւղերի մէջ գալարւում, ոլորւում են հազար ու մի ձևերով և շարունակում են ծածկել այդ անդունդի բերանը, որի տակ, խորքից, շատ խորքից, մեր ոտների տակ, լսում է մի խուլ դղրդիւն. լեռը գողնում է, անքում է ցաւով. ստորերկրեայ հարւածներն ահագին են, իսկ մենք բռնւած ենք սոսկումով:

Քամին սաստկացաւ. նրա մի ուժեղ պտոյսը չրգիտես ինչպէս, կատարից ներս ընկաւ այն ահագին բացւածքի մէջ: Քամին իրար խառնեց ամպերը, որոնք աւելի կատաղաբար ու արագութեամբ սկսեցին սաւառնել անդունդների վրայ, ձայներն ու որոտը դարձան աննկարագրելի, և յանկարծ, կարծես կապանքներից ազատւած՝ դուրս թռան այդ դժոխքից, սլացան դէպի լայնարձակ կապուտակը: Այժմ տեսարանը վեհօրէն ահուելի է, մենք տեսնում ենք նրա խոնաւ, լպրծուն և ծծումբի բաց շերտով ծածկւած պատերը. բոլորովին ներքև, խորութեան մէջ, երևում են երկու ահագին հրաբխային բերաններ, որպէս երկու վառւած հսկայական թոնիրներ: Ստորերկրեայ մի հրային մրրիկ է խաղում այնտեղ, և նրա թափով բոցերը մեծամեծ խուրձերով դուրս են ձգւում բարձր

բարձր և թանձր ծխի ոլորանների հետ խառնւած. իսկ նրանց հետ միասին շիկացած, կրակ կտրած մեծ ու փոքր քարեր ձգւում են շեշտակի թափով, ուղղահայեաց դէպի վեր, վզվզում են, շրջւում, շաշում են՝ ինչպէս փոթորկի առաջ հեծող ծառեր, և ապա պտոյսներ գործելով ընկնում են կամ բացւածքի շրթներին, կամ հէնց նոյն անցքի մէջ, որտեղից մի վայրկեան առաջ դուրս ընկան: Բայց անդունդներում գործող փոթորիկը նրանց այնտեղ հանգիստ չի տալիս, կրկին դուրս է շարտում նոյն թափով, նոյն որոտով, նոյն ուղղութեամբ և այսպէս անվերջ:

### Արբիլի Արշակ

Խայրդ առողջանում է: Ախորժակը շար լաւ է:  
Գրիշիւնիցը կանգրայր քնում է: Այժմ այլ ևս վրանդ  
չբկայ: Մի քանի օրից յիտոյ նա նորից կակւի իր  
գործիքին հիւրեւի: Արեւկայիչի վի կարող, թէ որքան  
քանդուիցի այս իրկու շաբաթուայ ընթացիւմ:  
Սոււագին շաբաթը իս գրիթի անխու անչկայրի:  
Այլ ևս չի՞ խառւմ՝ եռիկան քանդանիւնիքի մասին:  
Թնչ այնպէս էր յոււմ, թէ իս կանգնւած ի՞մ ան-  
դունդի Ժայրին: Արախ ի՞մ, անչար ու քախ, որ  
յազողութեամբ անչաւ այս ի՞մ վորշանից:

Միրոնի բուռն էլ ուրախ էն : Կամակներ ցրիք,  
Կողքիս : Ինչպէս էն գնում դասերդ : Զուտով ի՞մ,  
այն՝ ուսուցիչներդ գոն էն հիշանկի :

Բարեներ և համբույրներ բուռնիցս :

Քո մայր Աղխայից :

1913 թ. 22<sup>2</sup> փետրուարի

Գանշակ :



74. ԴԵՊԻ ՉԱՆԳԼԻԱՅ ԼԻՃԸ

I.

Ապրիլի կէսերին ես և իմ առաջնորդը ձիով գուրս եկանք  
կաղզուանից և ուղևորեցինք գէպի Չանգլի, որտեղից գնալու  
էի Շատևան գիւղը : Կաղզուանից շուսէի ճանապարհով իջանք  
Արաքսի կամուրջը : Ամբողջ ճանապարհը մի սքանչելի ծառու-  
ղի է : Աջ ու ձախ գտնուում են ծառեր, այգիներ, պարտէզներ,  
առուները խոխոջալով անցնում են այգիների միջով : Հասնե-  
լով Արաքսի կամուրջը, մենք շեղեցինք շուսէից և սկսեցինք  
բարձրանալ գէպի հանդիպակաց լեռները, որոնց յետևէ գրա-  
նուում հնուկներով այնքան հարուստ ու անուանի Չանգլի  
գիւղը : Ճանապարհը, որ մի նեղ, քարքարոտ, անկանոն շաւիղ  
է, շարունակ վեր է բարձրանում : Վերելքը տեղ-տեղ այնքան  
ուղղահայեաց է, որ մենք սախակաձ ենք ձիերի բաշերից պինդ  
բռնել վայր չընկնելու համար :

Մեր ձիերը շատ ուժեղ էին, բայց և այնպէս հազիւ հազ  
էին մեզ տանում : Նրանք ամբողջովին քրտինքի մէջ մտած  
մէկ դէպի աջ, մէկ դէպի ձախ էին օրօրուում, կարծես հրէս  
ուր որ է կըսայթաքին և միասին դէպի անդունդը կըթռչենք :  
Խղճում ենք ձիերին, բայց և ոտքով անկարող ենք գնալ, այ-  
նուամենայնիւ երբեմն ոտքով ենք բարձրանում, որովհետև  
ճանապարհի երկարութիւնը և վերելքը ուժասպառ են արել  
ձիերին. նրանց սիրուն, փայլուն աչքերը պղտորել են և յու-  
սահատ արտայայտութիւն ստացել : Որքան խղճուկ արտայայ-  
տութիւն ունի ձին յոգնած ժամանակ և առհասարակ որքան  
արտայայտիչ են ձիերի աչքերը. հանգիստը, խինդը, երկիւղը,  
քաղցն ու յոգնածութիւնը ամենացայտուն կերպով արտայայտ-  
ւում են ձիերի աչքերի մէջ : Ատում են, կան այնպիսի ձիեր,  
որոնք տխուր վայրկեանին լաց են լինում ձիշտ այնպէս, ինչ-  
պէս մարդս է լալիս...

Մեր այս անմխիթար ճանապարհորդութեան մէջ մեզ  
մխիթարում է բնութեան գեղեցիկութիւնն ու վեհութիւնը : Նա-  
յում ենք ներքև : Մեր ոտքերի տակն է Արաքսի հրաշալի հո-  
վիտը, որի միջով արծաթէ ժապաւէնի պէս գալարապտոյտ  
անցնում է գետը : Արաքսի յորդացած ջրերը խոշոր ալիքներով  
զարկւում են ափերին և ահագին աւերմունքներ են առաջաց-  
նում : Կատաղի է Արաքսը գարնանային ամիսներին և վայ այն  
միամիտ կամ յաւակնոտ ճանապարհորդին, որ կըյանդգնի Ղու-  
րը մտնել : Ժողովրդական դարձածն իզուր չի ասում, թէ  
բարձրանը Արաքս մտնողը արժանի է խեղդելու, որովհետև  
խելք չունի : Հովիտի աջ ափին գտնուում են Չանգլայ սարերը,  
խիսկ ձախ կողմին կարծես պարսպի պէս վեր են ցցում հայ-  
կական պարի բարձրաբերձ լեռները. իրենց անգնդախոր ձորե-  
կարիկներով, որոնցից գարնանային արևի տակ հալած  
լուծում են Սարբրի կատարները գետ ևս ծածկւած են սխալակ  
զետը : Մարերի կատարները գետ ևս ծածկւած են սխալակ  
ձիւնի շերտերով. գարնանային արևի տաք ճառագայթները  
հալեցնելով ձիւնը կազմում են անթիւ առուներ ու առուկներ,  
որոնք հեռից փայլւում են որպէս գոյնզգոյն գոհարներ :



Որքան հրաշալի է մեր երկիրը մանաւանդ զարնանը, երբ ողջ տիեզերքը զարթնում է խոր քնից, երբ հսկայ լեռներն ու ձորերը թոթափելով մահւան կապանքները, նորից նոր կեանք են ստանում...

Քանի վեր ենք բարձրանում, այնքան նկատելի է օդի պակասը. մենք դժարութեամբ էինք շնչում: Հետզհետէ օդը ցրտանում է, փոխում են բոյսերի տեսակները: Ամեն ինչ արդէն լեռնային է, և օդը, և բոյսը, և բնութեան տեսարանները...

Անցնելով բարձրավանդակի սիրուն, կանաչկոտ դաշտերով, որոնց վրայ յաճախ պատահում են ճահիճներ ու փոքրիկ լճակներ, ութը ժամայ ճանապարհորդութիւնից յետոյ մենք հասնում ենք Չանգլի գիւղը:

Մենք իջանք պետական դպրոցի ուսուցչի տանը: Ուսուցիչը, որ մի երիտասարդ Կաղզւանցի էր, սիրով ընդունեց մեզ: Խեղճի արամադրութիւնը շատ վատ էր, կինը հիւանդ էր, հարկաւոր էր բժիշկ հրաւիրել, բայց որովհետեւ իրանց շրջանում ոչ բժիշկ կար և ոչ էլ ֆէլդշէր, զիւղական պառաւ կանանց ու հասկացողների ապարդիւն միջոցներին դիմելուց յետոյ, ստիպւած էր մեր եկած դժոխային ճանապարհով գնալ Կաղզւան բժիշկ հրաւիրելու:

## II.

Ուսուցչի և այլոց ուղեկցութեամբ տեսանք հին եկեղեցին, որ շինւած է Մշոյ ս. Կարապետ վանքի օրինակով:

Հէնց Չանգլի բառն էլ նշանակում է ս. Կարապետ: Եկեղեցու անունով զիւղն էլ է կոչուում Չանգլի: Չանգլին մի շատ գեղեցիկ, միջակ մեծութեան եկեղեցի է, շինւած սրբատաշ սև քարերից: Ունի շատ նուրբ քանդակներ ու նկարներ: Ափսոս որ գմբէթը ճեղքւած է և եթէ չըվերանորոգւի, կարող է փուլ գալ: Այստեղ է կատարւում ժամերգութիւնը, որովհետեւ զիւղը ուրիշ եկեղեցի չունի: Եկեղեցու բակում է գտնուում պետական միդասեան դպրոցի շէնքը, որ գետեղւած է մի անշուք սենեակի մէջ:

Գիւղն ունի մի սիրուն աղբիւր. նրա վրայի քարերը հին են, կառուցւածքը ճաշակաւոր: Լեռնային, մաքուր, քաղցրահամ ջուրը առատօրէն դուրս է բխում բաւարարութիւն տալով գիւղական կարիքներին:

Նայում էք այդ կամարաւոր, գեղեցիկ, կարկաչուն աղբիւրին, նայում էք ոտից մինչև գլուխ նորահարսի պէս գուգւած զարգարւած մատուռին և ակամայից համեմատում կիսաքանդ, գետնափոր տների ու ծուռտիկ, կեղտոտ փողոցներին...

Պետական դպրոցի ուսուցչի սիրալիւր հիւրասիրութիւնը վայելելուց յետոյ մենք մնաս բարով ասինք Չանգլու գիւղին և շարունակեցինք մեր ուղին դէպի Շատեան:

Մենք դուրս եկանք գիւղից, բայց ես չէի ուզում գնալ Շատեան առանց տեսնելու Չանգլւայ լիճը, որի մասին այնքան առասպելներ էի լսել: Մի վերստաշափ գնալուց յետոյ մենք շուռ տւինք ձիերի գլուխները դէպի ձախ լճի կողմը, որ գտնուում է գիւղից մօտ երեք վերստ հեռու:

Չանգլւայ լիճը շրջապատւած է մանր ու խոշոր բլուրներով, որոնք սանդխտաձև բարձրանում են և չորս կողմից ընդգրկում նրան:

Այս լիճը դեռ ևս ուսումնասիրւած չէ. շատերը նոյնիսկ չըգիտեն նրա գոյութիւնը:

Լիճն ունի մի վերստ երկարութիւն և կէս վերստ լայնութիւն: Լճի մէջ տեղի խորութիւնը հասնում է մօտ 20 սաժէնի: Ժողովրդի ասելով նրա յստակը ճահճոտ է, եղեգնոտ ու անհաւասար. յանկարծ բացւում են խորը փոսեր, ուր ընկնողը այլևս չի կարողանում դուրս պրծնել:

Լճի մէջ վիտուում են կապոյտ կոչւած խոշոր ու իւզոտ ձկները: Ծիշտ է՝ նրանք Չղբը լճի կապոյտի պէս համեղ չեն, բայց խիստ սննդարար են: Չուտելու դէպքում իսկ կարելի է բարձրաճանի իւղի համար: Սակայն զիւղացիները այլ կարծիք արտահանել իւղի համար: Սակայն զիւղացիները այլ կարծիք ունեն. նրանց կարծիքով այդ ձուկը վասակար է, այս իսկ պատճառով ոչ որսում են և ոչ էլ արտահանում: Ուսուցիչը և այլ պետական պաշտօնեաներ շրջակայքից գալիս են այս ձու-

կը որսալու -- մինչդեռ գիւղացիները լսել անգամ չեն ուզում նրա մասին. ընդհանրապէս ժողովուրդը անուզողով է մօտենում այս լճին, նրա շուրջը պտտում են շատ առասպելներ ու զրոյցներ:

Աւանդութիւնն ասում է, որ այդ լճի մէջ ապրում են բազմաթիւ ու բազմապիսի ծովային կենդանիներ, որոնք մի օր եթէ լճի շուրջ ցամաքի, պէտք է դուրս գան և աշխարհին վերջ տան: Ներկայումս այս լիճը ոչ մի օգուտ չի բերում ժողովրդին: Եթէ ուզենայ, հեշտութեամբ ջրին ճամբայ կըտայ դէպի մօտակայ ձորը և նրա հողը կըգործադրէ ցանքսերի համար, սակայն նա այդ քայլը չի անում վախենալով, թէ նրա մէջ բուն գրած վիշապները կըքանդեն աշխարհը:

Մի այլ աւանդութեան ասելով՝ այդ լճի մէջ ապրում է հրեղէն ձիւն, որ տարւայ մէջ մի քանի անգամ դուրս գալով ամբողջ, պտոյտներ է գործում լճի շուրջը: Հրեղէն ձիւն ունենալով սպիտակ մեծ թևեր, երբեմն թռչում է նաև օդի մէջ և հանգստի է իջնում ամենաբարձր սարերի կատարներին: Այսպէս գլարճանալուց յետոյ նա նորից դառնում է իր լիճը:

Նրան բռնող տղամարդը ամենաբաղդաւորն է լինելու այս աշխարհի մէջ. նստած իր պեզասի վրայ նա կըսլանայ դէպի վեր, դէպի կապուտակ երկինքը...

Քանի քանի խիզախ երիտասարդներ արհամարհելով մահն իսկ, անքուն գիշերներ են լուսացրել ամբողջ խոնաւ թաւուտների մէջ, որպէսզի եթէ ոչ բռնեն, գոնէ սեպհական աչքերով տեսնեն այդ չքնաղ արարածին:

Ինչ ուղեկցող գիւղացին երկիւղածութեամբ հաստատելով Չանգլայ լճի մասին տարածւած զանազան մութը դէպքերը միշտ այսպէս էր վերջացնում. «Էհ, աղա ջան, անիծւած է այս լիճը, անիծւած»:



## 75. ՍԵՒԱՆԻ ՎՐԱՅ

Ա՛յ լողա հա, դէ լողա,  
Առաջ գնա, իմ նաւակ,  
Արև, արև շողշողա  
Արծաթ ջրում սառնորակ:

Թիակները շարժեցէք  
Վճիտ ջրի երեսին,  
Մարգարտի պէս փայլեցէք  
Բիւրեղները ծովային:

Շուրջս կապոյտ սէգ լեռներ՝  
Հորիզոնում լուռ շարւած,  
Վերև անհուն ջինջ եթեր՝  
Շքեղ լիճն ընդգրկած:

## 76. ԲՕԲԻՆՉՕՆԸ ԾՈՎԻ ՎՐԱՅ

I.

Չորս տարի Բրազիլիայում ապրելով և ազարակիս գործերը յաջողութեամբ առաջ տանելով, ես ոչ միայն սովորեցի տեղական լեզուն, այլև բարեկամութիւն հաստատեցի մի շարք վաճառականների ու ազարակատէրերի հետ: Մրանց հետ խօսակցելով, յաճախ ես պատմում էի, դէպի Գվինէայի ամբողջը իմ արած ճանապարհորդութեան մասին: Ի միջի այլոց ես նրանց տեղեկութիւն տւի խափշիկներ վաճառելու սովորութեան մասին և պատմեցի, թէ ինչ հեշտութեամբ վայրենիները ոսկեայ աւազ, փղոսկոր և նոյնիսկ մարդիկ են տալիս, որ ձեռք բերեն զանազան մանրունքներ, խաղալիքներ, զանակներ, մկրատներ, կացիներ, ապակու կտորտանք և սրանց նման չնչին բաներ:

Մի անգամ վաճառականների ու ազարակատերերի շրջանում ես լուրջ կերպով խօսեցի այդ մասին: Միև օրը առաւօտեան երեք ազարակատէրեր եկան ինձ մօտ ու յայտնեցին. մենք երեկայ շօշափած խնդրի մասին խօսակցել ենք և մտադիր ենք մի նաւ ուղարկել Գվինէա մի խումբ մարդկանցով՝ ստրուկներ գնելու նպատակով, որպէսզի յետոյ Ամերիկա բերենք և մեր մէջ բաժանենք, աւելացրին նոյնպէս, թէ ես իբրև ազարակատէր լաւ եմ հասկանում, որ մեր գործի մէջ գլխաւոր գժւարութիւնը բանւորների քչութիւնն է, իսկ եթէ շատ բանւորներ ունենանք մեծ օգուտներ կըստանանք:

Վերջացնելով իրանց ասելիքը առաջարկեցին ինձ թէ արդեօք կըհամաձայնեմ իմ վրայ վերցնել այդ գործի վաճառականական մասը հոգ տանելու պարտաւորութիւլը և գնալ նրանց հետ: Նօքա տալիս էին բոլոր անհրաժեշտ գումարը, իսկ ես հաւասար բաժին էի ստանալու ձեռք բերած խափշիկներէից:

Ես պատասխանեցի ազարակատէրերին, թէ բոլոր սրտով ընդունում եմ նրանց առաջարկութիւնը, եթէ միայն իրանք յանձն առնեն՝ բացակայութեանս ժամանակ հսկել ազարակներին վրայ և իմ մահւան դէպքում վարւել նրանց հետ, ինչպէս նախապէս կըկարգադրեմ: Նրանք համաձայնեցին և գրաւոր ըստորագրութիւն տւին: Ես կանոնաւոր կտակ կազմեցի, որով, իմ մահւան դէպքում, իմ ազոտիչ նաւապետին յայտարարում էի իմ ազարակի և բոլոր գոյքի ժառանգ այն պայմանով, որ հարստութեանս կէսը վերցնէ իր համար, իսկ միւս կէսը ուղարկէ Անգլիա:

Բացի այդ, ես ամեն տեսակ միջոցներ ձեռք առա, որպէսզի ազարակս պահպանւի և սնանկանալու վտանգից ապահով լինի:

Նաւը պատրաստեցին, հարկաւոր ապրանքը ձեռք բերին և ես ի մեծ անբաղդութիւն իմ անձի, նաւը մտայ 1659 թւի սեպտեմբերի 1-ին:

Նրա վրայ կար վեց թնդանօթ ու տասնուչորս մարդ, հաշւելով այդ թւի մէջ և ինձ: Նաւի բեռը կազմում էին խափշիկների սիրած ապրանքները, այսինքն՝ ուլունքներ, փոքրիկ

հայելիներ, ապակու կտորտանք, խեցիներ, դանակներ, մկրատներ, կայիներ և սրանց նման մանր-մուկ բաներ:

Նոյն օրը մենք պարզեցինք առագաստները և ճանապարհ ընկանք, առաջ գնալով ափերի ուղղութեամբ դէպի հիւսիս: Մենք կամենում էինք հասնել հիւսիսային լայնութեան տասներկուերորդ աստիճանին և ապա թեքւելով, ուղղակի գնալ դէպի Աֆրիկայի ափերը: Այդ էր սովորական ճանապարհը: Եղանակը շատ հանդիստ էր, թէև բաւական տաք էր:

Շարունակելով ճանապարհը դէպի հիւսիս-արեւմուտք, մասամբ էլ ուղղակի դէպի հիւսիս, տասներկու օրից յետոյ անցանք հասարակածը (էկւատորը): Մենք գնում էինք հիւսիսային լայնութեան վեցերորդ աստիճանի վրայ, երբ սարսափելի փոթորիկ բարձրացաւ, որը մեզ բոլորովին շեղեց ճանապարհից: Քամին փչեց հարաւ-արեւելքից և այնպիսի զարհուրելի սաստկութեամբ, որ մենք տասներկու օր շարունակ չըզիտէինք ինչ անել: Մենք պիտի հպատակէինք քամու խելագար կամքին և ալիքների վրայ դէս ու դէն գնայինք: Կարիք չըկայ աւելացնելու, որ ես ժամ առ ժամ մահւան էի սպասում, և ոչ ոք էլ չէր մտածում, թէ ինքը կազատւի նոյն վիճակից:

## II.

Ի միջի այլոց մենք երեք մարդ կորցրինք. մէկը Չերմախտից մեռաւ, մէկ նաւաստի և մէկ ծառայ էլ ծովը ընկան: Տասներկուերորդ օրւայ վերջը քամին փոքր ինչ հանդարտեց: Նաւապետը խորհուրդ էր հարցնում ինձանից, թէ ինչ ընթացք պէտք է տալ այժմ նաւին, որովհետև նաւը սաստիկ վնասել է և մի ճեղք ունի արդէն, որտեղից ջուր է լցւում և նրա կարծիքով մենք պիտի յետ գնայինք դէպի Բրազիլիայի ափերը: Բայց իմ կարծիքով պէտք էր շարունակել ճանապարհը դէպի Աֆրիկայի ափերը, որպէսզի հասնել որևէ անգլիական կղզի, որտեղ ես յոյս ունէի օգնութիւն գտնել և նաւը կարկատել

տալ, որովհետև նաև առանց կարկատելու անհնարին էր շարունակել: Այդպէս էլ վճռեցինք և նաև ընթացքը փոխեցինք դէպի հիւսիս-արևմուտք:

Բայց երբ մենք դեռ լողում էինք, նորից սարսափելի փոթորիկ սկսեց: Նոյն արտասովոր ուժով, ինչպէս և առաջինը, փոթորիկը քշեց մեզ դէպի արևմուտք և այնքան հեռացրեց բոլոր առևտրական կենտրոններից, որ եթէ ալիքների կատաղութիւնից ազատէինք էլ, պիտի ափը դուրս գայինք և վայրենիներին կերակուր դառնայինք:

Մէկ անգամ, այդպիսի ծանր դրութեան մէջ, երբ քամին սոսկալի կերպով շվկացնում էր, մեր նաւաստիներից մէկը աղաղակեց. «Երկիր»: Հազիւ մենք կարողացանք դուրս վազել նաւասենեակից և նայել, թէ որտեղ ենք գտնուում, նաև կըպաւ մի աւազուտի և մի վայրկեանում կանգ սուաւ: Ալիքները անմիջապէս բարձրացան նաւի վրայ և լցրին նրան: Մենք վազեցինք դէպի նաւակողք, ուր տեսանք, թէ ինչպէս ալիքները պատրաստ են նաև փշրելու և մեզ ամենքիս կլանելու:

Ով այդ դրութեան մէջ չի եղել, նա չէ կարող երևակայել մեր սարսափը և վհատութիւնը: Մենք չըզիտէինք թէ որտեղ ենք, չըզիտէինք, թէ արդեօք այդ ափը մայր ցամաքին էր պատկանում, թէ մի կղզի էր ներկայացնում, մարդաբնակ է նա թէ անապատ: Մի բոլոր քամին թուլացաւ, բայց չետոյ նորից արծարծեց կրկնակի կատաղութեամբ: Մենք փրկութիւն չէինք սպասում: Նստելով նաւակողքի վրայ և դէպի միմեանց սեղմելով, մենք պատրաստուում էինք մահւան համար: Բայց անա մի յուսոյ ճառագայթ ցոլաց. քամին սկսեց հանդարտել և, նաւապետի ասելով, նաև շատ էլ փառաւած չէր:

Փոքր ինչ յետոյ փոթորիկը սկսեց թուլանալ: Սակայն նաև, ծանծաղուտի մէջ այնպէս խրաւած էր, որ հնար չըկար դուրս հանելու: Նաև դրութիւնը կատարելապէս յուսահատական էր, և մեզ միայն մի բան էր մնում — մտածել մեր կեանքը ազատելու մասին: Պէտք է նկատել, որ մեր նաւի յետևից մի նաւակ էր կապած, որը սակայն զեկին դիպչելով կոտրւել էր: Մեր տրամադրութեան տակ մնում էր մի փոքրիկ մակոյկ,

որ կախած էր նաև կողքից: Անհրաժեշտ էր, առանց մի բուսակ կորցնելու՝ ջուրը զցել նրան: Սարսափելի դժարութեամբ վայր իջեցրինք մակոյկը: Եւ անա, տանուամէկ հոգի միասին նստելով փոքրիկ մակոյկի մէջ, յանձնեցինք մեր հոգիները աստուածային գթասրտութեան, և հպատակեցինք կատաղի ծովի ազատ կամքին: Ալիքները շարունակ լեռներ ու ձորեր էին ստեղծում: Մենք բոլոր ուժով թիավարում էինք, ուղղւելով դէպի ափը:

III.

Երբ մենք թիավարելով անցանք, կամ աւելի լաւ է ասել, երբ ալիքները մեզ տարան մօտ մի մղոն, մեր ետևից վազեց մի անագին ալիք: Նա սարի պէս բարձրացաւ և այնպիսի ուժով թուա մակոյկի վրայ, որ սա մի վայրկեանում պարանկեց: Ամենքս ջուրը թափւեցինք: Հազիւ մենք կարողացանք Աստուծոյ անունը բացականչել, երբ ալիքը մեզ այս ու այն կողմը նետեց:

Հնար չունեմ բառերով հաղորդելու իմ զգացմունքները ու մտքերը, որ ունէի խորասուզելու բոլորներին: Թէև ես շատ լաւ եմ լողում, բայց այժմ չէի կարողանում ջրի երեսը դուրս գալ՝ շունչ քաշելու համար: Բաղդաւորապէս ալիքը ինձ դուրս զցեց ափը և ինքը ցրւելով, ինձ թողեց ափի վրայ կիսամեռ դրութեան մէջ: Տեսնելով ինձ ցամաքի վրայ, ես սիրտ առայ ու ոտքի կանգնեցի և ոյժերս հաւաքեցի, որպէսզի հանդիպեմ միւս ալիքին, որը արդէն գալիս էր ինձ տանելու: Շուտով ես համոզւեցի, որ իզուր եմ չարչարում: Յետ նայելով տեսայ, թէ ինչպէս կատաղի ջրակոյտը, մի անելի հրէշի կերպարանքով, հալածում էր ինձ: Ես միայն պիտի աշխատէի որքան հնար է ջրի երեսին մնալ, որ շնչասպառ չըլինէի, և աշխատել լողալով դէպի ափը հասնել:

Եւ անա թուա ինձ վրայ մի նոր ալիք, որը քսան-երեսուն ֆուտ բարձրութիւն ունէր. նա ծածկեց ինձ ջրով և արագութեամբ հեռացրեց ափից: Այդ ժամանակ ես շունչս պահելով աշխատում էի ջրի երեսը դուրս գալ, բայց քիչ էր մնում, որ

կուրծքս փշրուէր: Վերջապէս մի կերպ վերև բարձրացայ, ձեռքերս ու գլուխս շրից դուրս բռնեցի և սաստիկ թեթևութիւն գգացի: Այդ ընդմիջումը շարունակեց ոչ աւել քան երկու վայրկեան, բայց ես կարողացայ օդ շնչել, որք ինձ շատ օգնեց: Ես քաջալերեցի: Այլիքը նորից ծածկեց ինձ, բայց ոչ երկար ժամանակով. ես այժմ կարողանում էի պահել շրի երեսին և երբ նկատեցի, որ այլիքը ափին զարնելով յետ է գտնում, ես հաւաքելով իմ վերջին ոյժերը, դէպի առաջ սեղմեցի, դիմադրելով այլիքին, ես գգացի երկիրը ոտքիս տակ: Մի քանի բոպէ շարունակ անշարժ կանգնած էի, հազիւ կարողանալով շունչ քաշել: Յետոյ մի նոր այլիք նկատելով, արագութեամբ վագեցի դէպի ափը: Սակայն դարձեալ չազատեցի այլիքներէ կատաղի ճանկերից, որոնք դեռ երկու անգամ էլ կարողացան ինձ յետ քարշել, որովհետև ափը բոլորովին հարթ ու տափարակ էր:

## IV.

Վերջին այլիքը յետ դարձնելով ինձ, այնպէս խփեց ինձ ժայռին, որ ուշաթափեցի և դիմադրելու հնարաւորութիւնը բոլորովին կորցրի: Եթէ այդ այլիքի յետևից մի նորը եկած լինէր, ես անպատճառ կըխեղդէի: Բարեբախտաբար ես ուշքի եկայ, բազուկներին բոլոր ոյժով բռնեցի ժայռից և այդ գրութեան մէջ շունչս պահեցի, մինչև որ այլիքը յետ գնաց: Ցամաքը մօտ էր և այդ պատճառով այլիքները շատ էլ մեծ չէին: Ես բաց չէի թողնում քարը, իսկ այլիքները, թէ ետևից և թէ առջևից շարունակում էին հարւածել ինձ: Փոքր յետոյ մազկցելով բարձրացայ ժայռի միւս կողմը, ուր արդէն այնքան մօտ էի ափից, որ վրայ հասնող այլիքը չէր կարողանում ինձ յետ տանել: Ես ոտներին ոյժը վերջին անգամ լարեցի և ոտքի կանգնեցի, դուրս եկայ բարձր եզերքը և վայր գլորեցի կանաչ խոտի վրայ, ուր այլիքները այլևս չէին կարող ինձ թրջել:

Ողջ և առողջ ափում պառկած, ես աչքերս դէպի երկիրք բարձրացրի և շնորհակալ եղայ Աստուծոյ՝ կեանքս փրկելու համար, որը մի քանի բոպէ առաջ կորած էի համարում: Ապա

վեր կացայ, և խելագարի պէս թափառում էի ծովի ափին՝ ձեռքերս երկիրք բարձրացրած, միայն մի բան գիտակցելով, թէ ես փրկւած եմ: Որոնում էի ընկերներին, բայց ոչ մէկին չէի գտնում: Երևում էր, նրանք ամենքն էլ խեղդւել են, որովհետև եզերքում մխիթարական ոչ մի նշոյլ չկար. ես գտայ միայն մի գլխարկ և մի զոյգ ոտնաման:

Շուտով իմ ուրախութեան աստիճանը իջաւ, ես դադարեցի ցնծալ. մինչև ոսկորներս թրջւած էի և փոխելու հագուստ չունէի, սոված էի, բայց ուտելիք չըկար, ծարաւ էի, բայց խմելու ջուր չըկար: Ես սաստիկ թուլացայ և չըգիտէի ինչով կազդուրւել, ոչ մի ելք չէի տեսնում այդ գրութիւնից դուրս գալու համար: Կամ պիտի սովից մեռնեի, կամ գիշատիչ գազանների ճանկն ընկնէի: Ամեն բանից առաւել ինձ վհատեցնում էր այն հանգամանքը, որ իմ մօտ ոչ մի գէնք չըկար, որի օգնութեամբ կարող էի թէ ուտելիք գտնել, և թէ պաշտպանւել: Մի դանակ, մի ծխափող և փոքր ինչ ծխախոտ քիսայիս մէջ, անա բոլորը ինչ որ ունէի:

## 77. ԻՆՉՊԷՍ ԵՆ ՄԱՐԴԻԿ

## ԹՌՉՈՒՄ ՕՂԻ ՄԻՉՈՎ

Մարդիկ հնարելով երկաթուղին և նաւը, սկսեցին ազատ և արագ ճանապարհորդել ցամաքի ու ջրի վրայ: Սակայն մարդիկ զրանով չբաւականացան. նրանք նայում էին վերև և նախանձում երկնքի թռչուններին: Որքան լաւ էր թռչունների պէս թռչելը օդի միջով. այնտեղ ոչ ճանապարհ էր հարկաւոր, ոչ կամուրջ. այնտեղ կարիք չըկար սարերը ճեղքելու, ծովային ծանծաղուտներից կամ ժայռերից զգուշանալու:



Այնտեղ ճանապարհը հարթ է, ընդարձակ, կարճ...

Մարդն սկսեց մտածել և հնարեց օդապարիկը: Նա շինեց մի մեծ գունդ մետաքսէ թելերից, մէջը լցրեց օդից թեթև գազեր, տակից կախ արեց մի նաւակ և նստելով նրա

մէջը, բարձրացաւ գէպի անձայր, կապուտակ երկինքը...


Սակայն անողորմ քամին խանգարում էր նրա ազատ թռիչքը և յաճախ նրան տանում էր հեռուներն ու խորատակում... Հարկաւոր էր յաղթահարել քամուն և գտնել այնպիսի միջոցներ, որ մարդս թռչէր իր ուզած ուղղութեամբ:

Մարդս մտածեց, բազմաթիւ փորձեր կատարեց և վերջապէս հնարեց այսպէս կոչւած օդաչու նաւը, որը ունի թռչունի թևերը, նաև անիւները և մէջ տեղում երկաթուղու շարժող մեքենայ: Օդաչու նաւը գնում է նոյնիսկ քամիների դէմ: Մարդս այժմ նստելով օդաչու նաւի մէջ, սլանում է բարձր սարերի, անդնդախոր ձորերի, ընդարձակ ծովերի վրայով... նա գնում է այնտեղ, ուր ինքն է կամենում:



Օդաչնայնների ասելով, քանի վերև ես բարձրանում, օդը այնքան նօսրանում է և ցրտում: Չորս-հինգ վերաստ տարածութեան վրայ շուրջ սառչում է՝ նոյնիսկ ամառը:

Օդաչու նաւերը նոր են մտել գործածութեան մէջ և հէնց այդ պատճառով դեռևս այնքան կատարելագործւած չեն, որ մարդս իրան ազատ զգայ վտանգներից:



## Հ Ի Ն Գ Ե Ր Ո Ր Դ Բ Ա Ճ Ի Ն

ԱՁԳԱՅԻՆ ԵՒ ՊԱՏՄԱԿԱՆ

### 78. ԼՈՒՍԱԿՈՐԶԻ ՏՈՂՄԸ

Լուսաւորչի տոնմը ունէր իր սրբազան անցեալը, որ նւիրագործւած է մեծանշակ և վսեմ աւանդութիւններով, որ ժողովրդի սրտին և հաւատին շատ մօտ էին, որ նրա համար անմոռանալի էին: Ժողովուրդը պաշտում էր այդ տոնմը և ընդունում էր նրան իբրև ամենաբարձր հոգևոր հեղինակութիւն: Այդ էր պատճառը, որ Հայաստանը սիրում էր այդ տոնմի մէջ միայն տեսնել իր եկեղեցու ներկայացուցչին, նրան միայն արժանի էր համարում Հայրապետական Աթոռը, և միշտ նրա բարերար ձեռքունքն էր փափագում տեսնել իր ծայրագոյն Հովապետի գաւազանը: Այդ զգացմունքներից առաջ եկաւ այն ժառանգական կաթողիկոսութիւնը, որ իջնում էր լուսաւորչի տոնմի մէջ յորդուց յորդի:

Եւ այդ Հայրապետական Տունը, իր գոյութեան ամբողջ ընթացքում միշտ արդարացրեց ժողովրդի թէ հաւատը և թէ նրա փափագները: Նա միշտ մնաց անբիծ և անարատ, և ամենայն անձնւիրութեամբ կատարեց իր յանձն առած բարձր հոգաբարձութիւնը: Իսկ այդ հոգաբարձութիւնը որքան սիրելի, որքան հաճելի էր ժողովրդի համար, նոյնքան ծանր էր թագաւորների համար: Ամենայն անաչառութեամբ նա սանձահարում էր թագաւորների մոլութիւնները և նրանց կամայականութիւններին սանձան էր դնում: Նա, իրաւ, ճշտում էր գործ դնում թագաւորների վրայ, բայց երբէք զանին չէր դաւաճանում: Հայրենասիրութիւնը և արքայական թագի պաշտպանութեան գաղափարը՝ այդ տոհմի գերագոյն առաքինութիւններից մէկն էր:

Լուսաւորչի Հայրապետական Տունը, իր վեհափառութեան բարձր դիրքի համեմատ, արքայավայել կացութիւն ունէր: Այդ Տունը աւելի փայլ ստացաւ Ներսէս Մեծի օրերում: Թագաւորը այնտեղ էանելու ժամանակ՝ իրաւունք չունէր նստելու, մինչև Հայրապետը տեղ չըցոյց տար: Բայց Հայրապետը թագաւորի արքունիքը մտնելու ժամանակ ազատ էր ամեն տեղ նստելու: Ծառայողների և զանազան պաշտօնեաների մի սուլար բազմութիւն միշտ ներկայ էր այնտեղ: Տասն և երկու եպիսկոպոսներ Հայրապետի անբաժան գործակիցներն էին և խորհրդակիցները: Չորս վարդապետներ և վաթսուս երէցներ միշտ անպակաս էին նրա սպասին: Աշխարհականներից մինչև հինգհարիւր հոգի ամեն օր սեղան էին նստում: Բացի դրանցից, Հայրապետը ունէր իր այլ և այլ պաշտօնեաները, որպիսիք էին՝ սենեկապետ, փակակալ, Իրան եպիսկոպոս, դպրապետ, հիւրընկալ, սարգաւազապետ, Իրան վարդապետ, Իրան երէց և այլն:

Հայրապետական Տունը, Լուսաւորչի բոլոր ժառանգների օրերում, փակւած չէր այս կամ այն վանքի առանձնութեան մէջ: Այլ նա աշխարհից չէր անջատւած և աշխարհի առջև միշտ բաց էր: Լուսաւորչի ժառանգները, Աբրահամի, Իսահակի և Յակոբի նման, միևնոյն ժամանակ թէ ժողովրդի հայրեր

էին և թէ գերդաստանի հայրեր: Նրանք բնակւում էին իրանց ընտանեկան խաղաղ շրջանում:

Մեծ էր փառքը Հայրապետի՝ երբ նա մի որևէ տեղ էր գնում: Մի ամբողջ բանակ շարժւում էր նրա հետ: Մի քանի հարիւր սպառազինւած ձիաւորներ, իր թիկնապահներից, ուղեկցում էին նրան: Մի քանի հարիւր եպիսկոպոսներ, վարդապետներ, երէցներ և այլ եկեղեցականներ, Չորիների վրայ նստած, ընթանում էին նրա առջևից և ետևից: Ինքը հայրապետը նստած էր լինում կամ սպիտակ Չորու վրայ, կամ կառքի մէջ, որ նոյնպէս տանում էին երկու սպիտակ Չորիներ, որ միայն թագաւորն իրաւունք ունէր գործ ածելու: Չորինների թամբերը և այլ հանդերձները զարդարւած էին լինում ոսկով:

Հայրապետը սովորաբար երեսը ծածկում էր սև քօղով: Առջևից տանում էին հայրապետական գաւազանը և, իբրև սրբազան դրօշ բարձր խաչաւոր:

## 79. ԼՈՒՍԱՒՈՐՉԻ ԿԱՆԹԵՂԸ

Կէս գիշերին կանթեղը վառ  
Կախ է ընկած երկնքից,  
Լուսաւորչի կանթեղն անմար  
Հայոց մթնած երկնքից:

Կախ է ընկած առանց պարան  
Արագածի կատարին,  
Ու սեղանից հսկայական  
Լոյս է տալիս աշխարհին:

Լոյս է տալի երկնք դարեր,  
Ու վառւում են միշտ անշէջ  
Սուրբի մաքուր արցունքներ  
Իւրի տեղեակ նրա մէջ:

Ոչ մարդկային ձեռ կրճատնի  
էն անաւոր բարձրունքին,  
եւ ոչ քամին կրճանգցնի  
Վիշապ-քամին անագին:

Երբ պատում է մութ իաւարը  
Չնաշխարհիկ մեր երկրին,  
Երբ տիրում է անն ու վախը  
Թոյլ, կասկածոտ սրտերին,

Ով անմեղ է, լիքը սիրով  
Ու հաւատով անասան,  
Ով նայում է վառ յոյսերով  
Դէպի հայոց ապագան,


Նա կրտեսնի այն մշտավառ  
Չանը կախւած երկնքից,  
Ասես՝ Աստծոյ աչքը պայծառ  
Հսկում է ցած երկնքից:

## 80. Ս. Ս Ս. Հ Ա. Կ

Ս. Սահակ կաթողիկոսը Մեծն Ներսէսի որդին ու ձեռնատուն աշակերտն էր: Նա ծնւել է Կոստանդինուպոլսում: Ս. Սահակը բարձրացաւ կաթողիկոսական գահի վրայ Ասպուրակէս կաթողիկոսից յետոյ 400 թւին. նա եղաւ Գրիգոր Լուսաւորչի ցեղի վերջին շառաւիղը, որովհետեւ ինքը մի աղջիկ ունեցաւ և այդպիսով վերջացաւ Լուսաւորչի ցեղի գահակալութիւնը:

Այս նշանաւոր կաթողիկոսի ժամանակն էր, որ Մեսրոպ Մաշտոցը յղացաւ հայերէն տառեր գտնելու հանձարեղ գաղափարը: Երբ Մեսրոպ վարդապետը իր միտքն յայանեց Սահակ կաթողիկոսին, վերջինս ամեն ջանք գործ դրեց, որ իրականանայ այդ խիստ ցանկալի մտադրութիւնը:

Հայկական տառերի գիւտից յետոյ ս. Սահակը և Մեսրոպը մեծ եռանդով բաց են անում դպրոցներ քաղաքն երում և նոյն իսկ գիւղերում, որպէսզի մայրենի լեզուի օժանդակութեամբ բարիստոնէական փարդապետութիւնը արմատներ ձգէ հա-



ւատացեալների սրտերում: Այս դպրոցների մէջ ամենանշանաւորը Վաղարշապատի դպրոցն էր, որ մի տեսակ ուսուցչանոց էր այն ժամանակէլ միւս վարժարանների համար:

Այս դպրոցում կրթութիւն առան բազմաթիւ աշակերտներ, որոնց մէջ աչքի ընկնողներն էին Յովսէփը, Ղևոնդ երէց Վանանդեցին, Կորիւնը, Եգնիկ Կողբեցին և ուրիշները, որոնք կոչւում են առաջին թարգմանիչներ:

Սրանք ցրւելով Հայաստանի գանազան կողմերը, սկսեցին հայերէն լեզուով կրթել մանկտին: Այս կարգի աշակերտներից էին Մովսէս Խորենացին, Դաւիթ Անյաղթը, Մամբրէն, Եղիշէն և ուրիշները, որոնք կոչւում են կրտսեր թարգմանիչներ: Ս. Սահակ կաթողիկոսը մի կողմից դպրոցներ էր բաց ա-



նում, իսկ միւս կողմից իր շուրջը հաւաքելով ուշիմ աշակերտներին, թարգմանում էր եկեղեցական գրքերը: Նրա ջանքերով երկրորդ անգամ թարգմանեց ս. գիրքը: Հայերէն այս երկրորդ թարգմանութիւնը կատարւած է այնպիսի խնամքով և գեղեցիկ-մաքուր լեզուով, որ նոյն իսկ օտարների վկայութեամբ համարւում է «գլխոյ ամենայն թարգմանութեանց»:

Այս նոյն սիրուն հայերէնովն էր, որ Սահակ կաթողիկոսը գրեց աւագ-շաբաթի հոգեշունչ շարականները, որոնց լեզւի գեղեցկութիւնը և զգացմունքների խորութիւնը հաստատում են հեղինակի բանաստեղծական տաղանդը:

Սահակ կաթողիկոսը զգալով գործակիցների պակասութիւն, իր աշակերտներից ընդունակներին ուղարկեց Աթէնք, Ադէքսանդրէա ուսանելու: Աշակերտները 6-7 տարի արասսահմանում սովորելուց յետոյ վերադառնում են Հայաստան և շարունակում են ս Սահակի և Մեսրոպի սկսած գործը:

Ս. Սահակ կաթողիկոսը իր ծերութեան օրերում հայ նախարարների մատնութեամբ բանտարկւում է Պարսկաստանում: Բանտից ազատւելուց յետոյ հայ նախարարները զգալով իրանց սխալը, նրան խնդրեցին վերադառնալ հայրենիք և բարձրանալ կաթողիկոսական գահը, սակայն նա հրաժարւեց այս առաջարկութիւնից: Նա հեռացաւ աշխարհից, առանձնացաւ մի այրի մէջ և կնքեց իր մահկանացուն 441 թւին: Նրա գերեզմանը գտնւում է Տարօն գաւառի Աշտիշատ գիւղումը:

81. ՈՒՐ ԵՍ ՀԱՅ ԲԼԲՈՒԼ

Ո՛ւր ես, հայ բլբուլ, ձայնիդ է կարօտ  
Մեր հոգին էրւած, մեր սիրտը ետրոտ...

Սև սուգ է պատել մեր կեանք ու օրին,  
Սև թուխպ է կապել մեր սար ու ձորին,  
Վայ, սև գիշեր է մեր կեանքը մաշում,  
Քո լոյս—երգերի կարօտն ենք քաշում.

էլ մեզ չե՛ս երգում գարնան տաւառ.  
Ո՛ւր ես, հայ բլբուլ, ձայնիդ ենք կարօտ...

Սիրան է մղկտում, սիրտն է սևանում,  
Ո՛չ ով մեր լացին ահանջ չի անում:  
Եթի՛մ կանգնել ենք գերեզմանիդ մօտ,  
Ո՛ւր ես, հայ բլբուլ, ձայնիդ ենք կարօտ...

Բլբուլ, դու մեզ հետ տանջւում ու լալիս,  
Մեր անյոյս օրին յոյս էիր տալիս.  
Դու ասում էիր—անգգ իմ, մի սգա,  
Յուսով եմ, քո վարդ—գարունն էլ կըգաւ,  
Բայց անչեք տեսնում գարուն վարդահոտ,  
Ո՛ւր ես, հայ բլբուլ, ձայնիդ ենք կարօտ...

82. ՄԵՍՐՈՊ ՄԱՇՏՈՅԸ ԵՒ ՀԱՅ ՏԱՌԵՐԻ ԳԻՒՏԸ

Հայերը ընդունելով քրիստոնէական կրօնը, հետզհետէ սկսեցին քաղաքակրթւել: Առաջին դպրոցները բաց արաւ Գրիգոր Լուսաւորիչը: Այդ դպրոցների նպատակն էր պատրաստել եկեղեցական պաշտօնեաներ:

Սակայն քրիստոնէական վարդապետութիւնը և հայկական դպրոցը չէին կարող զգալի օգուտ տալ, որովհետև հայերին պակասում էր մի շատ կարևոր բան—սեպհակաւ տառերը: Հայ եկեղեցում ժամասացութիւնը կատարւում էր յոյն և ասորի լեզուներով: Ժողովրդի համար մութն էին մնում աւետարանի լուսաւոր մտքերը: Իսկ դպրոցը, նա ևս իր հերթին տանջւում էր երեխաներին օտար լեզուներով և առանձին արդիւնք չէր տալիս: Չրկար այն հոգեշունչ մայրենի լեզուն, որի միջոցով միայն ուսուցիչը կարող էր թափանցել իր սաների սիրտն



ու հոգին: Այսպիսով եկեղեցին ու դպրոցը գոյութիւն ունէին միայն անուշովիսկ էսպէս նըրանք երկուսըն էլ գրեթէ անօգուտ հիմնարկութիւններ էին:

Հայոց տառերի գիւտը ոգի ներշնչեց հայ դպրոցին, եկեղեցուն, որով միաժամանակ մեծ

գարկ տւեց հայկական առաջադիմութեանը: Հայ լեզուի սեպհական տառերի գիւտը պատկանում է գլխաւորապէս Մեսրոպ վարդապետին, որի մակնունդն էր Մաշտոց:

Մանօթանանք այդ մեծ մարդու կենսագրութեան հետ և տեսնենք, թէ նա ինչպէս գտաւ հայերէն այբուբէնը:

II.

Մեսրոպ Մաշտոցը Տարօն գաւառի Հացիկ գիւղիցն էր: Փոքր հասակից աշակերտելով Ներսէս մեծին, սովորել էր հայ, յոյն, ասորի և պարսիկ լեզուները: Իբրև լեզուագէտ և պատրաստուած անձն միաժամանակ նա ատենադպրի պաշտօն կա-

տարեց հայոց արքունիքում: Սակայն շուտով թողեց նա այդ պաշտօնը, հեռացաւ աշխարհիկ կեանքից. վարդապետ ձեռնադրւեց և իր մի քանի աշակերտների հետ սկսեց քարոզել քրիստոնէութիւնն այն վայրերում, ուր նա դեռևս չէր արմատացել: Այդ ժամանակ աւետարանը կարգացւում էր յունարէն կամ ասորերէն, որից ժողովուրդը բան չէր հասկանում: Մեսրոպ վարդապետը նախ կարգում էր աւետարանի բնագիրը և ապա թարգմանում հայերէն, որով գործը այնքան դժւարանում էր մանաւանդ օտար լեզուներին անհմուտ մեր շատ հոգևորականների համար:

Ահա այս դժւարութիւնները նրա մէջ զարթեցրին մի իսկապէս փայլուն միտք— գտնել հայկական տառերը և ս. գիրքը հայերէն թարգմանելով, մայրենի լեզուով հաղորդել նրան հայ ժողովրդին:

III.

Մեսրոպն այս միտքը յայտնեց այն ժամանակեայ կաթողիկոս Սահակ Պարթևին: Կաթողիկոսը այս հարցը քննելու համար մի ժողով գումարեց Վաղարշապատում: Ժողովին ներկայ էր նաև Վռամշապուհ թագաւորը: Այս ժողովի նպատակն էր տեղեկութիւններ հաւաքել հայկական տառերի մասին:

Վռամշապուհ թագաւորը յայտնեց ժողովին, թէ Ասորիքում եղած ժամանակ լսել էր, որ Դանիէլ անուշով մի ասորի եպիսկոպոսի մօտ հայերէն տառեր կան: Անմիջապէս մարդ ուղարկեցին յիշեալ եպիսկոպոսի մօտ և բերել տւին հայերէն տառերը:

Մեսրոպը և Սահակը սաստիկ ուրախացան տեսնելով իրանց երազած հայկական տառերը: Նրանք շուտով հաւաքեցին աշակերտներ և սկսեցին այդ նոր այբուբէնով հայերէն սովորեցնել նրանց: Այսպէս երկու տարի նրանք անդադար փորձեր էին կատարում, բայց դժբաղբաբար դրական հետևանքի չընասան: Նրանք համոզւեցին, որ այդ նշանագրերը չեն արտայայտում հայ լեզուի բոլոր հնչիւնները: Մնում էր պակասը

լրացնել: Մեքոպը՝ զիմեց իր ժամանակի ձեռնհաս անձերին՝ թէ երկրում և թէ երկրից դուրս, բայց ոչ մի տեղից օժանդակութիւն չըզանելով, ինքն իր մէջ ամփոփեց: Յոյսը կտրելով մարդկանցից, Աստուծոն ապաւինեց: Երկար որոնումներից յետոյ վերջապէս նա հասաւ իր նշատակին. գտաւ հայկական լիակատար այբուբէնը 406 թվին:

### 83. ԾԵՐ ՈՒՌԵՆԻՆ

Հաստաբուն ուռին լալիս էր մի օր՝  
Առևակի ափին կախած գլխիկոր:  
«Ինչո՞ւ ես լալիս, իմ ազիզ ընկեր»:  
— «Է՛հ, խոր հառաչեց սգաւոր ուռին.  
«Ես մատաղ լինիմ քո անուշ ջրին,  
«Մէկ լաւ նայիր ինձ՝ տես ինչ եմ դառել.  
«Կերել է ճիճուն, արևն ինձ վառել.  
«Էլ ես չեմ ապրի, իմ դարը անցաւ,  
«Տերևս թափեց, ճիւղս չորացաւ:  
«Թէ մի բան ունիմ սրտիս մխիթար,  
«Արմատէս ելած այն ոստն է դայար:  
«Պահիր դու նրան քո անուշ ջրով,  
«Չուզիր, զարգարիր մատաղ ճղերով.  
«Ու թող քո վճիտ ջրերի միջից  
«Իր դէմքը տեսնէ մատաղ ուռենին,  
«Ու սիրտը լցւի մանուկ հրճւանքով,  
«Եւ քո խոխոջին ձայնակցէ երգով:  
«Ի՛է՛հ, անուշ ընկեր, քեզ վերջին բարև,  
«Եւ քեզ, ծերուկիս ժառանգ, նոր արև.  
«Կացիներն առած՝ գալիս են մարդիկ,  
«Որ ինձ կտրատեն, անեն վառելիք...»

### 84. ՎԱՐԴԱՆԱՆՅ ՊԱՏԵՐԱԶՄԸ

Արշակունեաց թագաւորութեան անկումից յետոյ, որ եղաւ 432 թվին, Հայաստանի մի մասն ընկաւ պարսիկների ձեռքը, իսկ միւսը մասը՝ յոյների:

Հայաստանի նախաբարները բաժանեցին երկու խոշոր կուսակցութիւնների. մի մասը ցանկանում էր բարեկամանալ պարսիկների հետ և նրանց կարգ ու կանոնը մտցնել հայերի մէջ, իսկ միւս մասը, որոնց պարագլուխն էր երկրի սպարապետ Վարդան Մամիկոնեանը, ցանկանում էր սերտ կապեր ստեղծել յոյների հետ և նրանց օժանդակութեամբ յետ մղել պարսիկներին:



Այս վերջիններս իրանց անւանում էին ուխտապահներ: Ուխտապահների հետ էր երկրի հոգևորականութիւնը և ժողովրդի լայն համակրանքը:

Ուխտապահները հակառակ կուսակցութեան պատկանողներին ուրացողներ էին անւանում: Ուրացողների պարագլուխն էր Սիւնեաց Վասակ իշխանը:

Պարսկական արքունիքը դեռևս Շապուհ Բ-ի և Յազկերտ Ա-ի օրերից սկսած ամեն կերպ ձգտում էր հայերին հեռու պահել յունական ազդեցութիւնից և կապել Պարսկաստանի հետ: Այս նպատակին հասնելու համար Պարսկաստանը աշխատում էր բնաջինջ անել քրիստոնէութիւնը և հայերին վարժեցնել կրակապաշտութեան:

Սակայն պարսկական թագաւորներից և ոչ մէկը զրական քայլեր չարաւ այս ուղղութեամբ: Գործը այլ կերպարանք ընդունեց երբ զահ բարձրացաւ Յազկերտ Բ-ը:

Այս պատերազմասէր և ամբարտաւան թագաւորը զահ բարձ-

բանալուն պէս վճռեց ի կատար ածել իր նախորդների քաղաքականութիւնը, այսինքն, ոչնչացնել քրիստոնէութիւնը և Հայաստանը պարսկական մի նահանգ դարձնել:

Այս նպատակն իրագործելու համար Յազկերտ Բ-ը իր զօրքերով նախ յարձակեց Միջագետքի յունական երկրների վրայ: Անասուլ յոյն զօրավարը մեծամեծ ընծոներ տալով հաշտութիւն կնքեց պարսիկների հետ: Այս կերպ յոյներին թուլացնելուց յետոյ, Յազկերտը մտադիր էր յարձակել հոնների և հայերի վրայ, բայց նրա Միհրներսէհ հազարապետը խորհուրդ տւեց զէնքի դիմելուց առաջ կրօնաւորս անել հայ նախարարները և ժողովուրդը:

Յազկերտ նախարարներին կանչեց Պարսկաստան: Նրանք երեսանց ընդունեցին պարսկական կրօնը և վերագարձան Հայաստան: Երկիր վերագառնալով նրանք ոչ միայն այդ նոր կրօնը չբտարածեցին ժողովրդի մէջ, այլև դուրս քշեցին Յազկերտի մոգերին, որ եկել էին նոր կրօնը տարածելու: Գլխանալով, որ այդ քայլը ծանր է նստելու իրանց վրայ, նրանք պատրաստուեցին զէնքով դիմադրելու պարսիկներին:

Միւսեաց Վասակ իշխանը ամեն կերպ աշխատում էր խանգարել ուխտապահների գործը: Պատմագրների ասելով նա աւերում էր այն նախարարների երկրները, որոնք Վարդան Մամիկոնեանի հետ վճռել էին կռիւ դուրս գալ պարսից զօրքի դէմ:

Յազկերտ Բ-ը համոզւելով, թէ խաղաղ ճանապարհով անկարելի է հայերին կրօնաւորս անել, 451 թ-ին մեծ զօրք ուղարկեց Հայաստան:

Վարդան Մամիկոնեան հրաւեր կարգաց հայ նախարարներին զէնքով դիմադրելու թշնամուն: Նրա շուրջը հաւաքեց 66 հազար մարդ: Գլխաւոր կռիւը տեղի ունեցաւ Աւարայր դաշտում, Տղմուտ գետի ափին: Պատերազմին մասնակցում էին Ղևոնդ երէցը և Յովսէփ կաթողիկոսը, որոնք իրանց քարոզչերով ոգևորում էին զինուորներին:

Վարդան Մամիկոնեանը քաջութեամբ դիմադրեց թշնամուն, մեծ կորուստ պատճառեց նրանց և ինքն էլ նահատակւեց շատ քաջերի հետ ի միասին:

Հայերի կողմից ընկել էին 1036 մարդ, մինչդեռ պարսիկները կորցրին 3544 մարդ:

Վերջացաւ պատերազմը բաց դաշտի վրայ: Հայ նախարարները ամբանալով անառիկ բերդերի մէջ, շար ընսկում էին կռւել պարսիկ զօրքերի հետ և տեղ-տեղ մեծ ջաշդ տալիս նրանց: Կուսողների գլուխ անցաւ Վարդանի եղբայր Հայեակը, իսկ նրա մահից մի քանի տարի յետոյ Վահան Մամիկոնեանը:

Պարսիկ թագաւորներից Վաղարշը համոզւելով, որ բռնի ուժով անկարելի է կրօնաւորս անել հայերին, Նիխոր իշխանին ուղարկեց Հայաստան հաշտութիւն կնքելու: Այս հաշտութեան պայմաններից մէկը քրիստոնէական կրօնի ազատութիւնն էր:

85. Տ Ղ Մ Ո Ի Տ

Մտաւ արեւ, Աւարայրին մութ պատեց  
Սև ամպերով երկնից զէմքը քողարկեց.  
Բնութիւնը մի քուն մտած հեշտասէր  
Վայելում է անուշութեան վառ ժամեր:

Չէ նւագում քաղցր սրինգն հովւական,  
Թռչունների քնքուշ տաղեր լոեցան.  
Ծաղիկները նիհրած փափուկ մարգերում  
Երբեմն մեղմիկ հովի հետ են համբուրում:

Բայց այդ քունը մ'օտ չէ գայիս հեշտագին  
Ծեր Տղմուտի արիւնակոխ աչքերին  
Այն սև օրից, երբ որ կուրծքը կուսական  
Ոռոզեցաւ արիւնովը հայութեան:

Անցան գարեր. գեռ Տղմուտը հեծելով  
Գիշերները խանգարում է անվրդով  
Աւարայրի անուշ քունը, և չունի  
Մինչև այսօր նա ողբակից իր վշտի:

Եւ ծերունին հառաչում է սգաւոր.  
Արիւն դարձած կոհակները ալևոր  
Գնում, գալիս, դարնւում են ափերին,  
Անցած փառքը յիշեցնում են հայերին:

«Ձեր նախնեացը էլ չէր նման դուք հայեր,  
Չունիք այլևս հայրենասէր այն ոգին.  
Նորա մեռան, և կուրծքերը անվեհեր  
Արեամբ բուսած անմահ վարդեր պսակեցին:

Եւ անթաղամ գարգարեցան պսակով,  
Անմահացաւ այն վեհ հոգին արութեան.  
Եւ հայրենեաց կեանք տւեցին արիւնով  
Ահեղ մարտի դաշտում հայ մարդ հայ կուսան:

Դուք ի՞նչ արիք, դուք, փառաւոր նախորդաց  
Ստրուկ ծնած, անփառք սնած դաւակներ.  
Հայ սար, հայ գետ,՝ այդաշտօրայրջունչ առած  
Պիտ ամօթով այրեն ձեր սև երեսներ»:

Եւ Տգմուտը հառաչում է սգաւոր.  
Արիւն դարձած կոհակները ալևոր  
Գնում, գալիս, դարնւում են ափերին,  
Անցած փառքը յիշեցնում են հայերին:

86. ՅՈՎՀԱՆՆԷՍ ԳՈՒՏԵՆԲԵՐԳԸ  
ԵՒ ՏՊԱԳՐՈՒԹԵԱՆ ԳԻՒՏԸ

I.

Հին ժամանակ, երբ դեռևս չըկար տպագրութեան արհեստը, մարդիկ մի անգամ գրւած գրքեց արտագրում էին շատ օրինակներ և տարածում: Հասկանալի է, թէ որքան զրժւար էր գրքեր տարածելու այս եղանակը. յաճախ մի գիրք

արտագրելու համար աշխատում էին մի, երկու և դեռ աւելի տարիներ:

Ուրիշները փորձեցին տառերը փորագրել փայտէ տախտակների վրայ: Փորագրւած տախտակին քսում էին սև մուրը, դնում քարի վրայ, մի թերթ թուղթ քաշում երեսին և պտուտակով վերեկց սեղմում բարձր: Փորագրւածը տպւում էր թղթի վրայ:



Այսպէս տպւում էին գրքի իւրաքանչիւր երեսից որոշ օրինակներ և իրար միացնելով՝ կազմում գրքեր: Ինքը Գուտենբերգը այս ձևով մի փոքրիկ քերականութիւն աւրպեց:

Տպագրութեան այս նոր ձևը, ճիշտ է, աւելի հեշտ էր, քան ձեռքով արտագրելը, բայց նա ևս ունէր իր խոշոր անյարմարութիւնները: Գրքի իւրաքանչիւր երեսի

համար հարկաւոր էր փորագրել մի տախտակ, որը ուրիշ որևէ գրքի համար այլևս պէտք չէր գալու: Մի գիրք տպելու համար հարկաւոր էր բազմաթիւ այդպիսի տախտակներ փորագրել, որ շատ զժւար էր, մեծ ծախսեր ու երկար ժամանակ էր պահանջում:

II.

Գուտենբերգն առաջինն էր, որ հասկացաւ տպագրելու այդ ձևի անյարմարութիւնը և իր ամբողջ կեանքը մաշեց

նրան բարեփոխելու համար: Երկար փորձերից ու դիտողութիւններից յետոյ նրա մէջ յղացաւ մի փայլուն միտք. փոխանակ տախտակներ փորագրելու, որոնք միայն մի գրքի համար էին պիտանի, շինել առանձին տառեր փայտից կամ մետաղից: Այդ շարժական տառերը մէկմէկու մօտ շարելով, կազմել բառեր, տողեր, ամբողջ երեսներ: Իւրաքանչիւր շարձած երեսին մուր քսել և նրանից տպել բազմաթիւ օրինակներ: Տպելուց յետոյ ցրել տառերը և դասաւորել ջոկ արկղիկներում. ա-երը մի տեղ, բ-երը մի ուրիշ տեղ և այլն: Պարզ է, որ այս ձևը անհամեմատ աւելի հեշտ էր և արժան, որովհետև այլևս կարիք չըկար հարիւրաւոր տախտակներ փորագրել մի գիրք տպագրելու համար, այլ հարկաւոր էր միևնոյն տառից շատ օրինակներ ունենալ և նրանցով տպագրել ամեն տեսակ գրքեր:

Շարժական տառերի այս հանձարեղ դիւար պատկանում է Յովհաննէս Գուտենբերգին:

### III.

Գուտենբերգը ծնւել է գերմանական Մայնց քաղաքում 1400 թ: Նա մի աղքատ, բայց նշանաւոր ընտանիքի գաւակ էր: Երիտասարդ հասակում նա շատ ճանապարհորդեց, ուսում առաւ, արհեստներ սովորեց: Նրա սրտից արիւն էր հոսում, երբ դիտում էր իրան շրջապատող թանձր տգիտութիւնը և ամեն ջանք գործ դնում հեշտացնելու տպագրութեան գործը, որը մեծ զարկ կըտար լուսաւորութեանը:

Վերագառնալով հայրենիք, նա իր ընտանիքով տեղափոխեց 1437 թ-ին Ստրասբուրգ քաղաքը, ուր և սկսեց տպագրութեան առաջին փորձերը:

Այս մեծ գործի համար նա գոհեց իր ժամանակը, իր ընդունակութիւնները, իր միջոցները և վերջապէս հասաւ նպատակին: Նա ոչ միայն հնարեց տպագրութեան նոր արհեստը, այլև անձամբ աշխատում էր. տառեր էր ձուլում, ներկ պատրաստում, մեքենաներ շինում:

Այս մեծ գիւտը շուտով տարածւեց ամեն տեղ: Բացւե-

ցին նոր տպարաններ, տպւեցին հազարաւոր գրքեր: Գուտենբերգի անունը հռչակւեց: Անցել է այդ դէպքից 500 տարի և մինչև օրս էլ ամենքը երախտագիտական զգացմունքով յիշում են նրան:

Գերմանացիք նրա համար արձան կանգնեցրին Մայնց քաղաքում:

## 87. ԱՂԱՍԻՆ ԱՆԻՈՅ ԱԻԵՐԱԿՆԵՐՈՒՄ

1.

Տեսնողի առաջին մէկ տափարակ տեղ է բացւում յանկարծ, մէկ մեծ դաշտ՝ չորս կողմը սարերով պատած, աջ ու ձախ սեին տալիս, ու քանի գնում է մարդ, ամպ ու մառախուղ քաշւում, պարզում են, հէնց իմանում ես, թէ առաջիկ մէկ էնպէս քաղաք է բացւում, որ հազար-հազար կենող ունի միջումը, ու ցրտի կամ շոգի ձեռից յոգնած, ուզում ես որ շտապիս, գնաս մէկ ասուածասէրի դռան վէր գաս, հանգստանաս, էլ ետ ձամփէդ բռնես, գնաս:

Մտքումդ ասում ես, թէ էս տեսածդ մէկ մեծ գօրեղ թագաւորի աթոռ պէտք է լինի: Էստեղ ոսկին ու արծաթը աղբի հետ պէտք է խառն ընկած լինի, էստեղ օրը հարիւր քարւան ներս մտնի, հարիւրը դուրս գայ:


Հէնց իմանում ես, թէ ցերեկը փոշին ու մառախուղն է աչքդ բռնում, գիշերը, մութն ու խաւարն է քեզ խաբում, որ ինտ, ջինտ, մարդ, անասուն չես տեսնում, միայն գիշակեր ազոռաներն են աչքիդ սեին տալիս:

Մարդ չըկայ մօտդ որ հարցնես, զիր չես կարգացել, որ իմանաս. մտքիդ հետ ընկած, տեսածդ հրաշք կարծելով՝ կամ աչքախաբութիւն, որ յանկարծ գլուխդ չես բարձրացնում, անխ, սիրելի հայազգի, ջանդ դող է ընկնում, կռներդ թուլանում, հէնց իմանում ես, թէ մէկ վիշապ, կամ հրոսակ հէնց էն սհաթին է մտել, ու բոլոր կենողներին կամ կուլ տւել, կամ

սուրբ քաջել, կամ գերի արել, ինքն էլ փախել. ուզում ես, որ աչքդ խփես, ետ դառնաս:

Ա՛խ, չէ չէ, ետ մի դառնար, ծուխն էստեղից՝ հազար տարի աւել է, որ կտրւել է. կաց, մի փախենար. անշունչ քարերն ու եկեղեցիքը մարդակեր չեն:

Աչքդ բաց արա, սիրտդ քեզ հաւաքիր, ու գլխիդ վայ տուր:



էս սրբատաշ տաճարները, էս ահագին բերդը, էս քարերը քեզ կանեն՝ թէ սա է գոռոզ Անին, քո թագաւորների հզօր մայրաքաղաքը, որ էնքան էր իր հարստութիւնովը, իր փառքովը փարթամացել, ձոխացել, մեծամտել, որ հովիւն էլ եկեղեցի էր շինում, խաշնարածն էլ արծաթէ պայտով, կանաչ կօշիկներով էր ման գալիս, մուրացկանն էլ հացի փոխարէն՝ շաքար, սև փողի տեղակ արծաթ ու ոսկի էր պահանջում, որ եկեղեցի մտած ժամանակն էլ իբր թէ՛ էնքան էին Աստուած մտացել, որ կարճ փարդապետի առջև բարձր գրքակալ էին դնում, բարձր էպիսկոպոսի առջև՝ ցածր, որ կամ ձգէին, կամ կռանան, կամ չորին, կամ գիրքը չրտեսնեն, ու իրանք ծիծաղեն, Աստուծոյ տաճարումը դարձանան:

II.

Աստուծոյ որ լուսացաւ, Ազատու աչքը մնացել էր սառած, չէր իմանում աչքին հաւատայ թէ ոչ: Եկեղեցիք, պարիսպ, բերդ, մինարէք՝ էնքան նոր, էնքան պայծառաշէն ու անբնակ: Պատմութիւն չըզիտէր, որ իմանար, թէ էս ինչ քաղաք պէտք է լինի, տէրտէրին որ չըկանչեց ու պատմութիւնն իմացաւ, խելքը գլխիցը թռաւ...

Ազատին քաշեց մի կողմը, թաշկինակը դրաւ աչքերին ու բերանը բաց արաւ. —

«Փառքդ շատ ըլի, ով Արարիչ Աստուած, էլ ո՛ր ենք ասում, թէ մարդ քո սուրբ հողին ունի, քո պատկերն է, քանի որ շատ անգամ նրա միտքը քարից պինդ է, գլուխը՝ հասա: Գող ու աւագակ էստեղ տարիներով բուն են դրել, էլի քո երկիրը նրանց տակույը չի արել, վրան պահել է, հէնց մեր ազգին է քո զօւլումը հասել, որ չես թողում իրանց աշխարհքը շէն անեն, քո սուրբ անունը փառաբանեն, կեանք ազատեն ու կեանք վայելեն: Չէ, Ամենակալ Արարիչ, դու քո ստեղծածը, քո սրբին էզբան չես անարգիլ, չես ոտնահարիլ:

«Մարդս որ ծնւում է, մէկ գունդ մտից աւելի ոչինչ չենք տեսնում: Տարիք են անց կենում, որ քիչ-քիչ ոտն է ըլում, քիչ քիչ լեզու, ուշ ու միտք ստանում, ձեռք բերանը տանելը սովորում: Բայց վայ էն երեխին, վայ էն ազգին, որ աչքը էնպէս գողում բաց կանի, որ լոյսի տեղ խաւար կըտեսնի, աչքը բաց՝ ուղիղ ձամփին կըթողի՝ քարէ քար կընկնի: Վայ էն ազգին, որ բնական օրէնքը կըթողի, անբնականին կընեստի, որ էնպէս խրատ տուղ չի ունենալ, որ նրան հողի տայ և ոչ թէ ունեցած հողին էլ հանի:

«Արդեօք՝ որ լաւ կարգացողներ էին էլել, երեխանց շոկ, ժողովրդին շոկ, գիշեր-ցերեկ խրատ էին տել, կարդացրել, լուսաւորել էին, հիմա մեր ազգը էս վիճակը կընենար, էս օրը կընկնէր: Մարի անասունն էլ մեզանից լաւ է ապրում, թշնամուց, որսորդից կամ փախչում է, կամ վրայ թռչում, կարատում, գլուխը պահում: Մտի բունն էլ որ քանդում ենք,

ճժւժում, թեկին, գլխին է անում: Մենք մի ծախ չափ էլ չը-  
կանք, որ մեր բունը պահենք...

«Ի՞նչ օգուտ էն գիրքն ու աւետարանը, էն խաչն ու եր-  
կրպագութիւնը, որ մենք չենք հասկանում: Գետնի տակին էլ  
չատ գտնձ կայ, մեզ ի՞նչ: Ա՛խ, մեր կարգացողներ, ի՞նչ կը-  
լինի որ ինչքան ժամանակ քնի, քեֆի հետ են անց կացնում,  
աւելի փողի թամահ անում, էսպէս բանի թամահ անեն, մեզ  
լուսաւորեն, իրանք էլ թշնամուց, աւագակից ազատւին. մեզ  
էլ ազատեն:

«Մարդս մէկ անգամ է աշխարհք գալիս. էսպէս պէտք է  
անի, որ էս աշխարհքից հեռանալիս՝ էս կեանքումը անունը  
յիշւի, տօնւի, են կեանքումն էլ հոգին փառաւորւի, լոյսի բա-  
ժին դառնայ: Բայց ի՞նչ օգուտ, որ աստծս քարերն են իմա-  
նում:

«Ասենք՝ թէ տգէտ ժողովուրդը էս բանը լսել, ասում է,  
կարգաւորին ի՞նչ է էլել, որ նա էլ հաստատութիւն տալիս, թէ  
էսպէս հրաշալի քաղաքը անէծքով է կործանւել: Առաջինը՝  
սուրբ մարդու բերանից անէծք, դառը խօսք չի պէտք է դուրս  
գայ. դուրս էլ եկաւ, Արարիչ, երեսս ոտիդ տակը, դու պէտք  
է մէկ մարդի խաթեր միլիոն հոգի կորցնես: Թէ պէտք է  
կորցնէիր, ինչի՞ ստեղծեցիր...

«Ա՛խ, հազար էսպէս ցաւեր կան սրտումս, բայց բերանս  
փակում են, չեմ կարում ասել»...

## 88. ՏԵՄՆՈՒՄ ԵՄ

Տեսնում եմ հիմի—լուռ երեկոյին  
Բարակ ծուխ կելնի իմ հօր օձախէն  
Եւ ուռիներս մարմանդ կօրօրւին,  
Ծղրիտը կերգէ անտես խորշերէն:

Մեղմ ճրագի մօտ նստած է տխուր  
Ծերունի մայրս՝ մանկիկս գրկում,

Մուշ-մուշ քնել է մանկիկս անդորր  
Ու մայրս լռիկ աղօթք է անում:

«Ամենէն առաջ թող ինքը հասնի  
Ամեն հիւանդի, հեռու ճամբորդի.  
Ամենէն յետոյ թող ինքը հասնի  
Քեզ, իմ խեղճ որդի, իմ պանդուխտ որդի»:

Անուշ ծուխ կելնէ իմ հօր օձախէն,  
Մայրս կաղօթէ՝ մանկիկս գրկին.  
Ծղրիտը կերգէ անտես խորշերէն,  
Եւ ուռիներս մարմանդ կօրօրւին:

## 89. ՄԻ ՊԱՏԿԵՐ ՌՈՒՄ-

### ԹՈՒՐՔԱԿԱՆ ՊԱՏԵՐԱԶՄԻՑ

1877 տարւայ մայիս ամիսը մօտենում էր իր վախճանին:  
Աղբակայ դաշտերից մէկի վրայ մի բանակ էր երևում՝ բազմա-  
թիւ վրաններից բաղկացած: Մէջտեղը կար մի ընդարձակ հրա-  
պարակ, ուր անբացատրելի խռովութեան մէջ շարժում էին  
զինւած տղամարդիկ, որոնց երեսները արտայայտում էին կա-  
տաղի անհամբերութիւն: Նրանց ամեն մէկ շարժումը ցոյց էր  
տալիս, որ մի սարսափելի պատերազմի են պատրաստում:  
Վերջապէս գլխաւոր վրանի առջև կազմեցաւ մի ամբիոն՝  
թամբերը միմեանց վրայ դարսելով: Մի պատկառելի ձերուսի  
բարձրացաւ նրա վրայ, որ իր արտաքին կերպարանքով ներ-  
կայացնում էր մի անձնաւորութիւն, որ միևնոյն ժամանակ և  
բարձր հոգևորական է և հզօր զինւոր:—Նա՛ և՛ Շէյխ էր, և՛  
զօրավար: Նա իր ձեռքում բռնած ունէր կարմիր գրօշակ:  
Զինւած ժողովուրդը այս հրաշալի երևոյթը տեսնելով այնպէս  
էր երևակայում, իբրև թէ իրանց հզօր պապերը կենդանացել  
են և ոգելից ճառ պէտք է խօսեն:

Շէյխի քարոզը սկսեց օրհնութիւններով և փառաբանու-



թիւններով: Ալլահի, Մուհամմէդի և նրա յաջորդների անունները արտասանուով էին մեծ շերմեռանդութեամբ: Յետոյ սկսեց քաջալերել այսպէս.

«Ո՛վ Իսլամի որդիք, մեծ մարգարէն—փառք իր գորութեանը—կոչում է ձեզ մի սուրբ գործի համար, կոչում է ձեզ պատերազմել իր կրօնի թշնամիների դէմ; որոնք սկսել են թափել Աստուծոյ ծառաների արիւնը: (Եւ թող նզովեալ լինին նրանք):

«Վհատութիւնը, երկչոտութիւնը և կասկածը թող հեռու լինեն ձեզանից, որովհետեւ երկիւղը Աստուծոյ զինւորների համար չէ: Տէրը ինքը կրտայ ձեր բազուկներին գորութիւն և թշնամու պարանոցները ձեր սրերի առջև կրկտրաւին, որպէս չորացած հասկը հնձողի մանգաղի առջև: Իուք ձեր ձեռքով կրբռնէք նրանց գնդակները և դէպի իրանց յետ կրգարծնէք: Ձեր անձերը պաշտպանւած կրլինեն երկաթեայ պարիսպներով, որոնց ձեր աչքերը չեն տեսնի: Ձեզ աջակից կրլինեն կոտորող հրեշտակների աներևոյթ դունգերը, որոնց մարգարէն ձեզ օգնութեան կուղարկէ: Մեծ է Իսլամի Աստուծը և բացի նրանից ուրիշը չըկայ:

«Բոլոր գեաւուրները պիղծ են Աստուծոյ առջև: Նրանց կայքը, ընտանիքը և ամեն ինչ, որ պատկանում է անհաւատներին, Աստուծո մասնում է ձեր ձեռքը: Յափշտակեցէք, կողոպտեցէք, այրեցէք և կոտորեցէք, որքանով կրլիանայ ձեր սիրտը: Աւարը և իր կրօնի թշնամիների արիւնը՝ Աստուծո հալալ է անում սուրբ պատերազմի զինւորներին...»

«Սուրբ կրօնի թշնամիների արիւնի հոտումը հաճելի է Տիրոջը: Անհաւատների աւերակների ծուխը նա ընդունում է որպէս մի ողջակէզ, որից ծուխը ուղիղ բարձրանում է դէպի Յաւիտենականի աթոռը: Կողոպտեցէք, որքան կարող էք դուք: Եւ ձեր կոտորածների արիւնի իւրաքանչիւր կաթիլի համբրանքով՝ դուք կրտանաք վարձ Աստուծոյ գրախտի մէջ:

Մեծ է ուղղափառների Աստուծը և բացի նրանից չըկայ ուրիշը:

«Եթէ ձեր վեր առած գերիներից՝ ձեր սրտին հաճելի կը-

լինի ընտրել կնիկներ կամ աղջիկներ, — եթէ դուք ծառայեցնուտ համար կընտրէք պատանի սարուկներ ձեր ձեռքն ընկած գեաւուրներից, — Աստուծ չէ արգելում ձեզ միայն այն ժամագեաւուրներից, — Աստուծ չէ արգելում ձեզ միայն այն ժամանակ, երբ նրանք կընդունեն Իսլամը: Իսկ եթէ հաստատ մնացին իրանց մոլորութեան մէջ, ձեզ թոյլ է տրուում սպանել: Իսկ ձերերին ինչայել չըկայ: Անհաւատութիւնը նրանց մէջ ամրացած է իրանց ոսկորների նման»...»

Դեռ երկար խօսում էր Շէյխը. նա կանգնած էր ամբիոնի վրայ, որպէս Իսլամի մարմնացած ոգին, որպէս հալածասիրութեան և մոլեռանդութեան մի կենդանի օրինակ: Նրա ձայնը ազդու էր և սուր, և այն վայրենի ժողովրդին կարողացաւ ուղևորել մարդկանց մորթելու համար: Երբ վերջացրեց նա ճառը, կրկին դարձաւ դէպի բազմութիւնը այս խօսքերով:

«Աստուծ ձեզանից ուխտ է պահանջում, և թող ձեզանից ամեն մէկը կատարէ իր երգումը»:

Երբ երգումը կատարեցին և բոլոր արարողութիւնները վերջացան, լսելի եղաւ թմբուկի ձայնը: Ամեն մարդ վազեց իր ձին նստելու, վրանները հաւաքեցան, և մի քանի ժամից յետոյ՝ ամբողջ բանակը պատրաստ էր ճանապարհ ընկնելու: Նա շարժեց, երբ Շէյխը իր ձին նստած՝ կարմիր դրօշակը ձեռին՝ առաջ ընկաւ: Աւելի քան տասն հազար քիւրդեր հետևում էին այդ սարսափելի ձերուհուն:

Այսպէս սկսեց Շէյխ Զալալեդդինի արշաւանքը դէպի տաճկական Հայաստանը:

Անցաւ մի ամբողջ շաբաթ:

Մի ճանապարհորդ էլ չէր ճանաչում իր ծանօթ լեռները: Այժմ տեսնում է բոլորովին դատարկ, առաջ այսպէս չէր: Խոտաւէտ արօտներում արածում էին հօտեր, ձորերի մէջ կազմւած էին խաշնարած հայերի վրանները, և հովիւների սրինգը հեռուից հնչում էր թռչունների առաւօտեան ձայների հետ: Այն ժամանակ հովիտների և լեռնադաշտերի վրայ հողագործ հայր, իր սովորական երգը երգելով, կամ վարում էր կամ հնձում: Իսկ այժմ: — Այժմ ամեն գործ դադարել էր, ոչ մի շունչ չը-

կար էլ անց ու դարձ անող քարաւաններ չէին երևում, այլ միայն գիւղերի ճարակն ու ծուխը երկինք է բարձրանում: Աւերակներ և ամայութիւն ամեն տեղ:

## 90. Ա Շ ՈՒ Ղ

Ասի՛ աշուղ՝ առ չունգուրդ,  
Մեզ բան ասան սրտալի:  
Կարօտ ենք քու անուշ ձէնին,  
Մի բան ասան սրտալի:  
Սրտի խօսք ենք ուզում քեզնից,  
Որ վեր հանի մեր հոգին—  
Առ չունգուրդ, դարգնա աշուղ,  
Մեզ բան ասան սրտալի:

Գիտենք, որ դու միշտ տանջուում ես  
Հազար ու մի ցաւերով,  
Հայրենիքիդ խոր խոցերը  
Համարում ես դարերով:  
Չես լանայ էդ խոցերը  
Արտասուների ծովերով...  
Առ չունգուրդ, ցաւնա աշուղ,  
Մեզ բան ասան վշտալի:


Հուռ մնալով մեր վէրքերին  
Դու չես անի դեղ, դարման:  
Արար աշխարհք գիտի՛ շրկայ  
Մեր դարդերին չափ, սահման:  
Մնջութիւնն էլ նշան հօ չի՞  
Մի գովելի յատկութեան—  
Առ չունգուրդ, մեզ բան ասան,  
Թող խօսքդ ընի ցաւալի:



Գիտեցէք այս պատկերը, պատմեցէք, թէ ով ի՞նչ է անում և և  
նոյնը գրի առէք:

Էդպէս խօսքեր շատ ենք լսել,  
 Էլ կըլսենք անտրտունջ,  
 Մեր չըխօսկան ըլնելուցն է՝  
 Մնացել ենք անտէրունջ,  
 Լաւ է ազատ լաց ըլնիլը,  
 Քանց դարդ տանիլն անմոռունջ,  
 Ասա՛ լսենք, ի՛նչ անենք, որ  
 Խօսքդ կըլնի ողբալի:

Տեսնում ես, որ մենք թմրած ենք,  
 Քունն է անուշ մեզ թւում.  
 Է՞ր ես դու էլ մեզ բոլորիս  
 Մաշող քնիցն յաղթւում,  
 Առ շունգուրդ, տո՛ւր լարերին,  
 Կրակ վառի՛ր մեր սրտում,  
 Մեզ ամենիս նոր շունչ տւող  
 Մի բան ասս սրտալի:



# Յ Ա Ն Կ

	Երես		Երես
1. Առաջին դաս, է Դէ Ամիչիս	1	15. Հօր հիւանդապահը, է Դէ Ամիչիս . . . . .	32
2. *Անգրագէտ, (Սիրոկոմլեա) թարգ. Յ Յովհաննիսեան	5	Շարագրական պատկեր. մայրը ինամում է հիւանդ որդուն . . . . .	36
3. Մեր նոր ուսուցիչը, է Դէ Ամիչիս . . . . .	7	16. *Մանուկ ոտան. ձեռագիր (դիմորոշ յօդեր) Արծիւեան	37
4. Նարէկի նժոյգը (շարագրութեան նիւթ) ձեռագիր (յատուկ անուններ գլխատաներով) . . . . .	9	17. Աղբիւր, Ռ. Պատկանեան . . . . .	»
5. Կոյր մանուկներ, է. Դէ Ամիչիս . . . . .	10	18. *Բոյն քանդողի տունը Աստուած է քանդում, Հասո . . . . .	41
✓ 6. *Փողոցի տղան, (Աղա-Նեղրի) Յ. Յակոբեան . . . . .	12	Շարագրական պատկեր. տատը հէքիաթ է պատմում . . . . .	43
7. Անձնագոհ ընկեր (շարագրութեան նիւթ) . . . . .	13	19. Հաւատարիմ շունը (շարագրութեան նիւթ) . . . . .	44
8. Ինչո՞վ է երջանիկ լինում մարդ (Հնդկական գրոյց), Հ. Առաքելեան . . . . .	14	ձեռագիր (տողադարձ) . . . . .	44
9. *Մեծը. Գամառ-Քաթիպա . . . . .	18	20. Երկնքի զանգակը, Նար-դոս	45
Շարագրական պատկեր, պողատու ծառի փոփոխութիւնը տարւայ եղանակների համեմատ . . . . .	20	21. *Կահնին և եղէզը, Աթ. Խընկոյեան . . . . .	48
✓ 10. Աղջիկն ու լուցկիները (Անգերսէն), Ա. Մատուրեան . . . . .	21	22. Արցունքի աղբիւր, Գ. Աստուածատրեան . . . . .	49
11. *Անիւի տակ, (ԱղաՆեղրի) Յ. Յակոբեան և ձեռագիր (գլխատառ և կետադրութեան նշաններ) . . . . .	24	23. *Բլրուլին, Շ. Կուրդինեան . . . . .	51
12. Թանկագին մատանի, (շարագրութեան նիւթ) . . . . .	26	ձեռագիր (հրամայական, անցեալ կատ. և ապոնի),	»
13. Խորթ եղբայրս, Ա. Ահարոնեան . . . . .	»	24. Տէրնդաս, Արտազ . . . . .	52
14. *Մայրիկիս, Ա. Իսահակեան	31	25. *Սարևոր, Վ. Միրաքեան . . . . .	55
		Շարագրական պատկեր. գիւղացու «Սար գնալը» . . . . .	57
		26. Փոքրիկ հայրենասէրը, է. Դէ Ամիչիս . . . . .	58
		27. Արդար դատաստան (շարագրութեան նիւթ) . . . . .	59
		ձեռագիր (անցեալ անկատ. և անցեալ կատար.)	»
		28. *Հայրենիք, Ա. Իսահակեան	61
		29. Հայաստանի պանդուխտը, Մ. Նալբանդեան . . . . .	»


✓30. \*Պանդուխտի երգը, Ա. Ծա-  
 տուրեան . . . . . 63  
 ձեռագիր (ներկայ և ա-  
 պառ. ժամանակ) . . . . . 65  
 31. Գիշերապահ Մկոի երգը, Կ.  
 Մելիք-Շահնազարեան . . . »  
 ✓32. \*Երկրի մշակներ, Ա. Ծա-  
 տուրեան . . . . . 68  
 ձեռագիր (յօդ. եր. ներ.) . . . 70  
 33. Իմ պանարամը, Կ. Մելիք-  
 Շահնազարեան . . . . . »  
 34. \*Գիւղի ժամը, Յ. Յովհան-  
 նիսեան . . . . . 76  
 35. Պայթիւն հանքում, Հ. Մե-  
 լիք-Հայկազեան . . . . . 78  
 ✓36. \*Թիթեղագործի մահը, (Աղա  
 նեղրի) Յ. Յակոբեան . . . . . 82  
 37. Մուրացիան, (շարագրութ.  
 նիւթ) Տուրգենև . . . . . 83  
 38. Մեռեալ տուն, Յ. Դոստո-  
 եսկի . . . . . 84  
 ✓39. \*Միթարանք, Ա. Ծատու-  
 րեան . . . . . 86  
 40. Գերի արծիւը, Յ. Դոստոեսկի »  
 Սիրելի քոյրիկ, ձեռագիր  
 նամակ (ածանցների մասին) 89  
 41. \*Գերի արագիւլը (Արանի),  
 Յ. Յովհաննիսեան . . . . . 90  
 Շարագրական պատկեր.  
 Թոչնորս երեսնաներ . . . . . 91  
 42. Ամենից թանկը, (շարագրու-  
 թեան նիւթ) . . . . . 92  
 43. Կարօտ, Ա. Նամալեան . . . »  
 44. \*Քառաձայն դաշնակցութիւն  
 (Կրիով) Այվազովսկու . . . . . 94  
 ձեռագիր ոտանաւոր (ածա-  
 կան և թւական անուններ) 97  
 45. \*Կիւռն ու աքլարը, Ա. Թ.  
 Խնկոյեան , , , . . . . . »  
 46. Գարնանային առաւօտ,

Բաֆֆի, , , . . . . . 99  
 47. \*Ծագում է մանուկ... ձեռա-  
 գիր ոտան. Վ. Միրաբեան 100  
 Շարագրական պատկեր.  
 գարուն . . . . . 101  
 48. \*Գարունը եկաւ Գ. Մե-  
 սեան . . . . . 102  
 ✓49. Ամառայ երեկոյ, Խ. Արո-  
 վեան, ձեռագիր (գերբայ և  
 շաղկապ) . . . . . »  
 Շարագրական պատկեր. Ա-  
 մառ . . . . . 106  
 50. \*Ամպերի քարաւանը, Գ.  
 Դեմիրձեան . . . . . 107  
 51. Անտառ Ս. Ակսակով . . . . . »  
 Շարագրական պատկեր  
 Անտառը և իր բնակիչ-  
 ները , , , , , 109  
 52. \*Գիշերը հասաւ, Վ. Միրա-  
 բեան . . . . . 110  
 53. Աշուն, Ս. Ակսակով , , , . . . »  
 Շարագրական պատկեր. Ա-  
 շուն , , , , , 112  
 54. \*Կոռուկներ, Պ. Մոնոտեան 113  
 ✓55. Ձմեռ, Խ. Արովեան , , , . . . »  
 56. \*Ձմեռ, Հ. Հայրապետեան, 114  
 57. Դարիալի ձորը, Գ. Բաշին-  
 ջաղեան . . . . . 115  
 58. Ընթրի, Գ. Դեմիրձեան , 116  
 59. Չինական Սիլինչի թագու-  
 ճին և Տօյսոյ , , , , 118  
 Շարագրական պատկեր.  
 Թիթեռի ձեռքի զարգանալը. 119  
 ✓60. \*Արծիւն ու ճիճուն, Արծի-  
 ւեան , , , , , 120  
 61. Ծովագնացութիւն, Կ. Մե-  
 լիք-Շահնազարեան , , 121  
 ձեռագիր (գերանուններ և  
 չափերտ).  
 Շարագրական պատկեր. շո-

գնաւ և առագաստանաւ. 125  
 ✓62. \*Նաւալար, Ա. Ծատուրեան 126  
 ✓63. Լոր, Տուրգենև, , , , 127  
 64. Արագած, Ա. Ահարոնեան . 128  
 65. \*Ալագեազ, Ա. Իսահակեան 130  
 66. Արաքս, Բաֆֆի, , , , 131  
 67. Դէպի Անի, Յ. Գեղամեան 133  
 68. \*Նոր գարուն, Յ. Յովհան-  
 նիսեան . . . . . 136  
 69. Ծովի վրայ, Վ. Փափազեան 137  
 ձեռագիր (նախադաս. տե-  
 սակներ).  
 70. Երասխի վրայով, » » , 140  
 Շարագրական պատկեր. ծո-  
 վային կենդանիներ , , 144  
 71. Դէպի փոքր Մասիսի գա-  
 գաթը, բժ. Լ. Տիգրանեան 145  
 72. \*Հայ ուխտաւորին, Յով.  
 Թումանեան , , , , 149  
 73. Վեզուլը, Ա. Ահարոնեան 150  
 Սիրելի Արշակ. ձեռագիր  
 նամակ (նախադաս, տե-  
 սակներ.) , , , , , 153  
 74. Դէպի Չանգլայ լիճը, Թ.  
 Խղմաշեան , , , , 154  
 75. Սեանի վրայ, Յար. Թու-  
 մանեան , , , , . 159  
 76. Բօբինգոնը ծովի վրայ, ըստ,

Ս, Թառայեանի , , , 159  
 77. Ինչպէս են մարդիկ թըռ-  
 չում օդի միջով , , , 165  
 78. Լուսաւորչի, տոհմը Բաֆֆի 167  
 79. \*Լուսաւորչի կանթեղը, Յ.  
 Թումանեան , , , , , 169  
 80. Ս, Սահակ, Թ. Խղմաշեան 170  
 ✓81. \*Ո՛ւր ես հայ բլրուլ, Ա. Ծա-  
 տուրեան , , , , , 172  
 82. Մեսրոպ մաշտոցը և հայ  
 տառերի գիւտը, Թ. Խղմա-  
 շեան , , , , , 173  
 33. \*Ծեր ուռնիկ, Յ. Պետրո-  
 սեան , , , , , 176  
 84. Վարդանանց պատերազմը,  
 Թ. Խղմաշեան , , , , 177  
 85. \*Տղմուտ, Յ. Յովհաննիսեան 179  
 86. Յովհաննէս Գուտեմբերգ և  
 տպագրութեան գիւտը Թ,  
 Խղմաշեան, , , , , 180  
 ✓87. Աղասին Անույ աւերակնե-  
 ըում, Խ. Արովեան , , , 183  
 88. \*Տեսնում եմ... Աւիս , , 186  
 89. Մի պատկեր Ռուս-թուր-  
 քական պատերազմից, Բաֆ-  
 ֆի , , , , , 187  
 90. \*Աշուղ, Յ. Յովհաննիսեան 190  
 Շարագր. պատկ. աշուղ 191





2013

3700

«Ազգային գրադարան»



NL0060768

Պատրաստում են տպագրութեան համար  
«ԿԱՅԾԵՐ»-ի մի քան ամբիւնները:

Վաճառում է հովիտի բոլոր յայտնի գրախան-  
այնոցներում և Ալեքսանդրոպոլիսում կազմողների մօտ:

ԳՐԱԿԱՆՈՒԹՅԱՆ ԳՆՈՂՆԵՐԻՆ ԸՆԾՈՒՄ Է ՉԵՂՑ:

Մեր նստակը՝ Александровль, учителю Геворку Микаелянъ  
Больш. Слабод. № 42.